

869


869

455

455

দাদা ও আমি

নাটিকা।



“কে যুগ্ম ?” “হল এব সম্প্রতি বয়ঃ ।”

(সাহিত্যদর্পণম্।)

অর্দ্ধমৃত কোভে, শোকে, লাজভরে,

কি বলে এবিধি ভারতসমাজে।

কত না ঘটনা জানে না জগতে,

কত না লাহনা সহে না দেহে রে।

• • • • •

আর্য্যপুণে, আর্য্যপণ, সকলুণে,

লহিবেন্, তাঁরে সাদরে মাতৃভূমে।

বাধিবেন্ অধমে কৃতজ্ঞতাপাশে,

জীবনে বাধিবেন্ শরণাগতারে।

(বিশেষিনী।)

কলিকাতা,

বহুবাজার, শ্রীনাথ দাসের গলি, ১৭ নং ভবনে,

“সময়” কার্যালয়ে

শ্রীঅমৃতলাল ঘোষ দ্বারা মুদ্রিত।

সন ১৯২৫।

১৭ সং শ্রীনাথ দাসের গলি, “সময়” কার্যালয়ে, ২০১ সং করন্‌ওয়া-
লিস ষ্ট্রিট, “মেডিক্যাল লাইব্রেরী” নামক পুস্তকালয়ে এবং অন্যান্য স্থানে
প্রাপ্য।

মাতৃদেবী স্মরণে—

জননী.

যে অবধি আপনি আমাদের এই——পাপ-পৃথিবী বলিতে বাইতে ছিলাম, কিছু বলিব না; উহা এক টা সমাজের “বুলি” মাত্র, এবং প্রচলিত, অন্যান্য কতিপয় “বুলির” দ্বারা ভরপুর আলোক; ধরার অনেক বেশ পরিভ্রমণ করিলাম, অনেক বর্ণের, অনেক ধর্মের, অনেক জাতির লোকের সহিত মিশিলাম. “সহবাস” করিলাম, সর্কুই, সকল স্থানেই ঘোঁষিলাম. নিম্নোক্তরূপে আপেক্ষা সত্যশীলের, দ্রোহীর আপেক্ষা বান্ধবের, কলঙ্কিনীর আপেক্ষা বরবর্ণিনীর—সর্কুই, সকল স্থানেই দেখিলাম. প্রথমোক্তদিগের আপেক্ষা দ্বিতীয়োক্তদিগের সংখ্যা অধিক, হৃদয় অধিক নহে, অনেক অধিক, না, হৃদয় অনেক অধিক নহে, প্রায় অমেরূপে অনেক অধিক——

জননী, যে অবধি আপনি আমাদের এই সুখঃপূর্ণা মেদিনী পরিত্যাগ করিয়া গিয়াছেন, আপনার দুঃখী সন্তানের ত্রেশ ও অকল্যাণের পর্য্যন্ত নাই। ভ্রমপ্রমাদোপরি ভ্রমপ্রমাদ, স্বলনোত্তরে স্বলন, কষ্টাবাতপশ্চিমে কষ্টাবাত। স্বর্গ আছে, সন্দেহ নাই। কিন্তু স্বর্গের যদি মনুষ্যজন্মজগৎহিত, তত, স্বাধীন, পুণ্ড্র অস্তিত্ব থাকে. মা. আপনি তাহার অধিবাসিনী। মা গো, আপনার সেই স্বর্গ হইতে আশীর্বাদ করিবেন. যেন “দাদা ও আমি”র প্রকাশ হইতে আমার বিপদশির অস্ত আরম্ভ হয়।

প্রণত পুত্র।

বিজ্ঞাপন ।

পাঠিকাঠাকুরাণী বা পাঠক মহাশয়,

প্রণতভা ক্রমা করিবেন । আপনাকে আমার বীর ইতিহাসের এক অধ্যায় দিতেছি ।

প্রায় দ্বাদশ বর্ষ আমি মাতৃভূমি-বিচ্যুত । অমিশ্রিত, অবিচ্ছিন্ন বিরামে ঐ দ্বাদশ বর্ষের প্রতি পল, প্রতি বিপল বাণিত হয় নাই, ইহা বলা কি আবশ্যক ? স্মরণ হয়, এক বার অশনিপাতে—পূর্বে ছই তিন টা প্রবল বাতায় আঘাত পাইয়াছিলাম—মুমূর্ষু হইয়া পড়ি । সংজ্ঞালাভে দেখিলাম, বন্ধুহীনের, বিদেশীর ও দরিদ্রের অধিতীয়, আমার একমাত্র, বন্ধুর অনুকম্পায় সাধারণ চিকিৎসাগারে নীত হইয়াছি । তথায় অবলম্বিত প্রতীকার-বিধি অতি সহজ—সাংসারিকপিপীলিকাদংশনবন্ধন ও বিবে (যে বিবে শরীর ও মন উভয়ই জর্জরিত হয়, সেই বিবে) হস্তক্ষেপনিবারণ । কল হইল—ক্রমে ফলিল—হৃদয়াবেগশান্তি ও (উক্ত বন্ধুর সাহায্যে) “অহর্জাগরণ” । “দেখিতেছি, বয়সধিক্যে ও তীব্রবিপদ-পরম্পরাক্রমণে তোমার মস্তিষ্ক-শিথিলতা ও বাগাড়ম্বরপ্রিয়তা জন্মিয়াছে ।” হইতে পারে । কিন্তু আমার বিশ্বাস অস্তুবিধ । সে যাহাই হউক, চিকিৎসালয়ে স্থিতিকালে হৃদয়ের মরুভূমিতে পাঁচ টা পুষ্পের বীজ উগ্ধ হইল ।

“দাদা ও আমি” তাহাদিগেরই অন্যতম । যদিও প্রথম প্রকাশিত, ইহা জ্যেষ্ঠ নহে—বয়সেও নয়, প্রবয়সেও নয় । “প্রহসন” স্বরূপে কল্পিত ও দারুণ হয় । যাহা দাঁড়াইয়াছে, তাহাতেও এমন কিছুই নাই । “বিকাল বেলার জলধাবার” বলিলেও অত্যাধিক হইবে কি না, জানি না । ইহা পাঠে বা শ্রবণে আপনার ওষ্ঠপ্রান্তে যদি এক বার মাত্রও দ্বিভেদ রেখা মাত্রও উদ্ভিত হয়, অন্তরের সহিত আফ্লাদিত হইব ।

১০, রিভর-সাইড, লারণ, আররল্যাও, }

১০ই নভেম্বর, ১৮৮৭।

বংশধর ও পুরাতন ভৃত্য,

প্রবাসী ।

প্রকাশকের নিবেদন ।

• ঠিক এক বৎসর হইল, ২রা ডিসেম্বর, ১৮৮৭, লারণের নদীপৃষ্ঠস্থ কুটির হইতে “দাদা ও আমি”র পাতুলিপি কলিকাতায় প্রেরিত হয়। এত দিন তাহা অপ্রকাশ সম্বন্ধে——ধীরেন্দ্রকুমারের দূরবীক্ষণের ন্যায়——কিঞ্চিৎ “ইতিহাস” আছে। কিন্তু সে দুঃখের কাহিনী গাইয়া আর কি হইবে! বহু দিবসের পর প্রিয় জন্মভূমির সন্মিলন লাভ করিয়াছি। বন্ধু ও হিতৈষীগণ কৃপাদৃষ্টি রাখিবেন। অধিক আর কি বলিব।

১৮ই অগ্রহায়ণ, ১২৯৫,

(২রা ডিসেম্বর, ১৮৮৮,)

১৭, শ্রীনাথ দাসের গলি,

কলিকাতা।

অনুগত,

উপেন্দ্র নাথ দাস।



নাটোল্লিখিত স্ত্রী ও পুরুষ ।

স্ত্রী ।

কল্যাণী	ঘটকী ।
চারুবাহিনী	কৃষ্ণনগরের এক সুবংশজা কুমারী ।
তরঙ্গিনী	ঐ ঐ ।

পুরুষ ।

ধীরেন্দ্রকুমার	রাণাঘাটের এক জন ভদ্র যুবক ।
অনন্তকুমার	ধীরেন্দ্রকুমারের কনিষ্ঠ ভ্রাতা ।
নবীনকৃষ্ণ	কৃষ্ণনগরস্থ অনেক সম্ভ্রান্ত ব্যক্তি ।

দাস দাসীগণ ।



অশুদ্ধ সংশোধন।

পৃষ্ঠা	পংক্তি	অশুদ্ধ	সুস্থ
১৪	২৪	সত্যম্‌ য়াৎ	সত্যম্‌ য়াৎ
"	২৫	সত্যমপ্রিয়ম্‌	সত্যমপ্রিয়ম্‌
২১	১	প্রথম	দ্বিতীয়
২৭	২৫	ষোড়	ষোড়
২৯	১১	কোথাও	কোথাও
৩০	৯	কথো	কথোপ
৩১	২৩	দেখলে	দেখলে
৩২	২৯	হব	হবে
৩৫	২	ছুড়ী	ছুড়ী
৬৭	১১	পেয়েছে	পেয়েছে
৬৯	১৫	চিবেচনা	বিবেচনা
৮৩	১৯	সম্যক্‌	সম্যক্‌
৮৪	২	মরজীবনভাগরেখা-	মরজীবন ভাগরেখা-
৮৫	৩	বলবে	চলবে
৮৬	১৮	সকলে	সকলের
৮৭	৫	হয়েছে	হয়েছে
৯১	২	কছে	স্বছে
৯৪	১	তৃতীয়	চতুর্থ
"	১৩	কিন্তু	কিন্তু
"	১৪	কারে	করে
৯৬	২	উখানানান্তর	উখানানান্তর

দাদা ও আমি ।

প্রথম অঙ্ক ।

প্রথম গর্ভাঙ্ক ।



রাণাঘাট—ধীরেন্দ্রকুমারের বাটীর প্রান্তর ।

ধীরেন্দ্রকুমার ও কল্যাণীর প্রবেশ ।

ধীরেন্দ্র । ষটকীঠাকরুণ, আমি আধবুড়, আমাকে নিয়ে আর টানাটানি কেন !

কল্যাণী । হ্যাঁ, কিসের আধবুড় গা ? ষেটের বাচ্চা, শত্রুর মুখে ছাই দিয়ে, মবে ২৭ বছর, আধবুড় কেন হতে গেলে গা ? আজকাল কত লোকে যে ৫০ বছর বয়সে তেজবরে হয়ে বে করে ।

ধীরে । ৫০ বৎসর বয়সে পুনরায় বিবাহ !

কল্যা । কেন, ঐ যে ওপাড়ার শ্রামলালবাবুর প্রথম স্ত্রী, ২৬ বছর বয়সে, ৭টা ছেলেমেয়ে রেখে মরে গেল—তাদের কেবল সেজ আর ছোটটি বেঁচে আছে—তার দুমাস পরে তিনি ফের বে করলেন । এই বেতে তাঁর দশটা ছেলে হয়, সেজটাই বাঁচে । তার পরে সে স্ত্রীরও কাল হল । শ্রামলালবাবুর বয়স তখন ৪৮এর বড় কম হবে না । পূর মাসটা না যেতে যেতেই, তিনি আবার বে করে বসলেন । দক্ষিণপুরের গোবর্দ্ধনবাবু—

ধীরে । হয়েছে, হয়েছে ! জানই ত, ষটকীঠাকরুণ, সকলের রুচি সমান নয় । আমার বিবাহ করবার সাধ নাই । বস্তুতঃ কি, আমি এর পূর্বেই স্ত্রী মনোনীত করেছি ।

কল্যা । (চক্ৰবিন্ধ্যারপূর্বক) তোমার আবার বে হল গো কবে, বড়বাবু ? বোএর কালই বা হল কবে ?

ধীরে। আমার স্ত্রী জীবিত। তিনি অমর।

কল্যা। ঠাট্টা করছ না কি? তোমার বে হয়েছে, এই প্রথম শুনলেম।
আমি ষটকী, কার বে হল, কার স্ত্রী মল, এ যে আমার নখের কণার
উপর!

ধীরে। (গম্ভীরভাবে) সত্যই আমি বিবাহিত।

কল্যা। আচ্ছা, আমি বাড়ীর ভেতর গিয়ে দেখে আসি। (গমনোদ্যম।)

ধীরে। (সম্মিতে) ষটকীঠাকরুণ, আমার প্রিয়তমাকে সেখানে
পাবে না!

কল্যা। কেন, কেউ চুরী করে নে যাবে বলে, কোথাও লুকিয়ে
রেখেছ না কি!

ধীরে। আমার স্ত্রীকে কেউ চুরী করতে পারে না। কিন্তু লুকিয়ে
রেখেছি বটে।

কল্যা। আমার মাথার দিবিয়া, সত্য করে বল, তাকে কোথায় রেখেছ।

ধীরে। এই এখানে। (নিজললার্টনির্দেশ।)

কল্যা। সে আবার কি? লোকে আদর করে স্ত্রীকে বুকের ভেতর
রাখে, শুনেছি। মাথার ভেতরে পুরেছ, এ আবার কি ধরনের কথা? বলি,
আমাকে পাগল পেয়েছ না কি?

ধীরে। ষটকীঠাকরুণ, আমার স্ত্রী জ্যোতির্বিদ্যা।

কল্যা। কিসের বিদ্যা?

ধীরে। জ্যোতির্বিদ্যা।

কল্যা। ও মা, একটা বেদীর মেয়ে বে করেছে!!

ধীরে। ষটকীঠাকরুণ, জ্যোতির্বিদ্যা, অর্থাৎ, তারা, নক্ষত্র, চন্দ্র,
সূর্যের বিদ্যা। ঐতেই প্রাণমন সমর্পণ, সঙ্কল্প। দারপরিগ্রহ করব না।

কল্যা। রাম বল, স্বামি দিয়ে ছর ছাড়ল! আমার বুকটা ধড়াস
ধড়াস করছিল! মনে করেছিলেম, বুঝি আমাকে কাঁকি দিয়ে, সত্য সত্যই
বে করে ফেলেছ! তা শোন, তুমি আমার হাত এড়াতে পারবে না।
যেমন এই গত ৫৬ বছর, ফি বছর এসে, তোমাকে বে করবার জন্ম
জ্বালাতন করেছি, তেমনি বছর বছর করব—শেখিঙ্গিধি, তোমার মন

ফেরাতে পারি কি না ! কচকিমি করেও আমাকে তাড়াতে পারবে না, রাগ করেও পারবে না । এক দোর দিয়ে বের করে দেবে, আর এক দোর দিয়ে আসব ।

ধীরে । হাম সাদি নাহি করেছা !

কল্যা । আর আমি যদি তোমাকে সাদি না করাই, ত আমি শালীর শালী ! পুরুষের পণ, আর মেয়েমানুষের পণ—দেখ দেখি, কার পণ বজায় থাকে ।

ধীরে । (দ্রুত) ভয়ানক ব্যাপার ! (প্রকাশে) আচ্ছা, ঘটকীঠাকরুণ, তুমি এখানে অনেক দিন আসা যাওয়া করছ, তাতে তোমার অনেক সময় নষ্ট হয়েছে, আর অর্থব্যয়ও হয়েছে কতক, কারণ এখান থেকে তোমাদের গ্রাম অনেক দূর, তা, না হয়, তোমাকে ঘটকালীর টাকাটা দিই, যদি আমাকে——

কল্যা । (সরোষে) তুমি আমাকে এমনি ছোটলোক ভেবেছ ? আমি কেবল টাকার জন্য তোমার কাছে ঘটকালী করতে আসি ? আর তোমার বে না দিয়ে তোমার টাকা ছোঁব ? তোমার মার সঙ্গে একবার ছেলেবেলা আদর করে “ বেল খুঁই কুল ” পাতিয়ে ছিলেম——সেই সুবাদ যদি না থাকত, কোন শালী আর তোমার বাড়ী মাড়াত ! ঘটকালীবিদায় নিই বলে কি আমার চাঁড়াল মন ? আপনার পর জ্ঞান নেই ? মায়া মমতা নেই ? কেবল টাকাই চিনি ? (অভিমানাশ্রুবর্জন ।)

ধীরে । (সজ্জিত ও নম্রভাবে) ঘটকীঠাকরুণ, আমার অপরাধ হয়েছে ! কথাটা রুঢ় হয়েছিল, স্বীকার করি, কিন্তু আমি কিছু বিশেষ মন্দ ভেবে বলি নি ।

কল্যা । (স্তম্ভিতস্বরে) আচ্ছা, বল, যে করবে ?

একজন ভূত্যের প্রবেশ ।

ভূত্য । এই খানা এই মন্তর এল । (ধীরেন্দ্রহন্তে তাড়িতসংবাদ-লিপিপ্রদান ।)

[ভূত্যের প্রস্থান ।

ধীরে । (পাঠান্তর, আনন্দোত্তেজিতকণ্ঠে) ষটকীঠাকরুণ, ষটকীঠাকরুণ, অনন্ত আজ আসছে, আমার ভাই আসছে, আমার ভাই আজ বাড়ী আসছে ! তুমি আমার ভাইকে দেখ নি ?

কল্যা । না । যখনই এসেছি, “কলকেতায় পরীক্ষার জন্ত পড়ছে,” এই উত্তর পেয়েছি ।

ধীরে । ষটকীঠাকরুণ, আমার ভাইকে দেখতে চাও, ত চক ধুয়ে এস । এমন কখনও দেখ নি, দেখবে না ।

কল্যা । বটে ! আচ্ছা, আজ দেখে চক সার্থক করব । আহা, আহা, আমার বেলফুলের ছোট ছেলে, বিধাতা করুন, বেঁচে থাকুক ! বয়স কত ?

ধীরে । এই আমার চেয়ে ৫ বৎসরের ছোট ।

কল্যা । তুমিই না তাকে মানুষ করেছ ?

ধীরে । হ্যাঁ, ঐ, এক রকম বটে । অনন্ত যখন চার মাসের, পিতার কাল হয় । মা তখনও সম্পূর্ণ ভাল হন নি । সেই শোকে, তার দুমাসের মধ্যে, তিনিও আমাদের ছেড়ে গেলেন । মৃত্যুর কিছু পূর্বে—আমি বাইরে খেলা করছিলাম—আমাকে ডাকিয়ে পাঠিয়ে, ধোকাকে আমার কোলে দিয়ে বললেন, “ বাবা, তোমার ছোট ভাই, এর আর কেউ নেই, একে দেখো । ” (অশ্রুত্যাগ ।) আমি তাঁর কথা অবহেলা করি নি ।

কল্যা । (চক্ষু মুছিয়া) না, না, এমন কথা কেউ বলতে পারে না । ঐ নিয়ে জগৎসুন্দর লোক তোমার প্রশংসা করে । তা, তোমাকে মানে ত ?

ধীরে । আমার বিরুদ্ধে একবার একটা কথা বলে দেখ না, মানে কি না ! তোমার মাথাটা বেশি ক্লণ ষোড়া থাকবে না !

কল্যা । আজ কাল ছেলে বাপকেই মানে না, তা দাদা ত দাদা, ভাই জিজ্ঞেস করছিলাম । শুনে, যা হোক, সুখী হলেম ।

ধীরে । ষটকীঠাকরুণ, তোমাকে ত আগেই বলেছি, আমার ভায়ের মত কেউ নেই ! বয়স হয়েছে, বিদ্যা হয়েছে, লোকসমাজে গণ্যমান্য হয়েছে, কিন্তু আমার সঙ্গে এখনও ঠিক সেই ছেলেবেলার ভাব ।

কল্যা । ভাল, ভাল । তুমি তাকে যত আদর কর, আর সে তোমাকে শ্রদ্ধাভক্তি করে, এ বড়ই আচ্ছাদের কথা ।

ধীরে । (ঈষৎ হাস্তের সহিত) ষটকীঠাকরুণ, ঐ প্রজ্ঞাভক্তিটে কিন্তু আর এক কথা ! অনন্ত আমার সঙ্গে ইয়ার্কি দেয় !

কল্যা । বড় ভায়ের সঙ্গে ইয়ার্কি !

ধীরে । হানি কি ? ষটকীঠাকরুণ, আমার বিশ্বাস বয়সে ভায়ে ভায়ে ইয়ার্কিতে ইষ্ট বই অনিষ্ট নেই । বাইরের পচা ইয়ার্কি, যার অনুশ্রমে অনেক সময় পাপের দ্বার উন্মোচিত হয়ে যায়, সেটা বন্ধ থাকবার একটা পথ থাকে ।

কল্যা । তা, তোমাদের ভায়ে ভায়ে যদি এত ভাব, তার একটা বে দাও, আর নিজেও কর ।

ধীরে । “হরেন’ম, হরেন’ম, হরেন’মৈব কেবলম্” ! “আপনি পার না, রামসন্নাকে ডাকে” !

কল্যা । (বিরক্তভাবে) তা, নিজে বরাবর আইবুড় থাকবে, আর ছোট ভাইকেও সেই রকম রাখবে না কি ?

ধীরে । (গাভীর্ঘ্যসহকারে) ষটকীঠাকরুণ, অনন্তের বিবাহসম্বন্ধে আমি কখনও হস্তপ্রসারণ করব না । করে, ভাল—না করে, তাও ভাল । কিন্তু আমি করব না । মনের কথা খুলে বলি, শোন । ষটকীঠাকরুণ, যে ভ্রাতৃবিবাহে আমাদের এত সম্ভ্রান্ত কুল একেবারে উচ্ছিন্ন যাচ্ছে, লয় পাচ্ছে, তার মূলে স্বরের স্ত্রী—যায়ে যায়ে ঈর্ষাকলহ । সেই ঈর্ষাকলহ, সেই বিবাদবিসম্বাদ আমাদের এই বংশাবাসে, এই স্থলের আলয়ে, আনতে আমার ইচ্ছা নাই ।

কল্যা । সব যায়ে যায়ে ত আর ঝগড়া করে না ?

ধীরে । আমি অনিশ্চিতের জন্ত নিশ্চিতটা পরিত্যাগ করতে পারি নে । হাতের লক্ষ্মী পায়ে তাড়াবে ?

কল্যা । তা, এই বংশটা লোপ হয়ে যাক ?

ধীরে । (চিন্তিতভাবে) তাও ত বটে । তা—না—হয়—অনন্ত—বে—করুক—আমাকে জেঠা বলে ডাকবে ।

কল্যা । (হাস্তবদনে) কে গো, বড়বাবু, তোমার ভাদ্রবউ তোমাকে জেঠা বলে ডাকবে না কি ?

ধীরে । আঃ, না, না——

(বহির্দিশে) “দাদা, দাদা ।”

ধীরে । ঐ যে, অনন্ত এসেছে !

[দ্রুতবেগে প্রস্থান ।

কল্যা । (ধীরেন্দ্রের তাদৃশ দ্রুতপ্রস্থানে আশ্চর্য্য হইয়া) ভালা যা হোক !——বলে, “আপনি পায় না, রামসন্নাকে ডাকে” । আপনিও পাবে, রামসন্নাপাবে । “হাতে দিলাম মাকু, ভ্যা করত বাপু” ! (শিরঃ-সঞ্চালনপূর্ব্বক) দেখবে, দেখবে, তোমাদের দুজনকেই ভ্যা করাই কি না !

[প্রস্থান ।

দ্বিতীয় গর্ভাঙ্ক ।

ধীরেন্দ্রকুমারের বাটীর এক গৃহ ।

এক দিক্ হইতে অনন্তের ও অপর দিক্ হইতে
ধীরেন্দ্রের প্রবেশ ।

অনন্ত । দাদা, দাদা——

ধীরে । আঃ, অনন্ত এসেছিস ! (সন্নেহে পরস্পরালিঙ্গন ও দুই খানা চৌকী টানিয়া লইয়া উভয়ের উপবেশন ।)

ধীরে । এ বারে এত শীঘ্র এলে কেমন করে ?

অন । পরীক্ষার ফল নির্দিষ্ট সময়ের এক পক্ষ পূর্ব্বে বেরয় । ঐ শেষ ।

ধীরে । সব ভাল ত ?

অন । পরীক্ষার, পরিচ্ছন্ন রূপে—শারীরিক, মানসিক, বৈবাহিক ।
দাদা, তুমি নিজে ভাল আছ ত ?

ধীরে । এই যেমন রেখেছেন ।

অন। আচ্ছা, “এক পোষে নীত যায় না”। বাড়ির এঁয়ারা, (গলা সাড়া দিয়া) বলি, বাড়ির এঁয়ারা সব ভাল আছেন ত ?

ধীরে। আপনার আশীর্বাদে। তুমিই “বৈবাহিক” বলে আরম্ভ করেছিলে। তা, আপনার কনিষ্ঠ জামাতার বাতরোগের কিঞ্চিৎ উপশম হয়েছে কি ?

অন। তোমাকে ত আর বৈবাহিক বলি নে ? আমার কনিষ্ঠ জামাতা কচুরক্ষোপরি আরোহণ পূর্বক, লাস্কুল বাড়াইয়া, দুই হস্তে, পোড়া নয়, কাঁচা কচু ভক্ষণ করিতেছেন। তা, সে যা হোক, আমার শ্রব্দের এখনও উত্তর দেও নি। বলি, তুমি ভাল আছ ত ?

ধীরে। দেখতে পাচ্ছ না ? পরিধির বৃদ্ধিতেই তার পরিচয় !

অন। “অহঙ্কার ধায় পতনের পূর্বে”। আমি তোমার মোটাস্কের পরীক্ষা করতে চাই।

ধীরে। গজ দিয়ে ?

অন। বোকাসুর গণ্ডমূৰ্খ ! আমি দেখতে চাই, তোমার মোটাস্ক, যা নিয়ে তুমি এত গর্ব করলে, সে টা বলাধান-সূচক মাংসের আয়, না কেবল—না কেবল—দূর ছাই, তাড়াতাড়িতে একটা লম্বা চোঁড়া উপমা পেলেম না—না কেবল ফাঁপার।

ধীরে। কেমন করে দেখবে ?

অন। ওঠ, ডাঁড়াও, দেখাচ্ছি। (ভ্রাতৃদ্বয়ের উত্থান।) রাজধানীতে অনেক দিল শিখেছি। তার মধ্যে একটা আবশ্যকীয়তম হচ্ছে সরস্বি-বিদ্যা। তোমাদের পাড়ার্গে যে ষো—ও—ও—বা—ঘুবি নয়, যথার্থ কৌল-কবিজ্ঞান। এতে অনেক কল কৌশল আছে, শিখতে অনেক সময়ও লাগে। একটা প্রধান কথা এই—দক্ষিণ হস্ত রক্ষা করে, বাম হস্ত আঘাত দেয়। এইরূপ। (প্রদর্শন।)

ধীরে। ও আবার কি ধারা ? ডান হাতেই ত প্রহার সহজে আসে।

অন। আমি বলছি কি না, তুমি একটা চাষা ! দাদা, শেখ, শেখ। পড়েইছ ত—“গৃহীত ইব কেশেনু,” ইত্যাদি, ইত্যাদি। লাগে ?

ধীরে। (বাহসকালনপূর্বক) কেমন বাধ বাধ ঠেকে, কিন্তু আপত্তি

নাই। (পরস্পরকে আঘাত করিবার চেষ্টায় ক্রিয়াকাল তাঁহাদিগের অগ্রসরণ, পশ্চাৎগমন, ইত্যাদি।)

অন। (ধীরেন্দ্রের কপালে মুষ্টিগ্রাস করিয়া) শিক্ষা ও অভ্যাস—এক।

ধীরে। উ—হঃ—হঃ। (আহত স্থানে একহস্তপ্রদান ও অপরহস্ত-দ্বারা স্বরক্ষা।)

অন। শিক্ষা ও অভ্যাস—দুই। (ধীরেন্দ্রের চিবুকে কীলযোগ।)

ধীরে। উ—হঃ—হঃ। (চিবুকে হস্তস্পর্শ।)

অন। আর——

ধীরে। আর স্বাভাবিক বল ও সাহস—তিন! (দক্ষিণ হস্ত দ্বারা সবলে অনন্তের বক্ষে মুষ্টিঘাত, ও অনন্তের পতন।)

অন। (উত্থানপূর্বক) ও যে নিয়মবিরুদ্ধ হল, ডান হাতে——

ধীরে। আচ্ছা, ফের লাগে? (মুষ্টিচালনা।)

অন। না, আপাততকার পক্ষে যথেষ্ট হয়েছে। তুমি বড় ভাই কি না, বেশি শাস্তি দিলে তুমি মনে দুঃখ পাবে যে——তা, আর এক দিন দেখা যাবে। (দুইজনের উপবেশন।) দরোয়ান বললে, যে তুমি ঘটকীর সঙ্গে ইয়ার্কি দিচ্ছ। তাৎপর্য?

ধীরে। (স্মিতমুখে) দরোয়ান বললে, আমি ঘটকীর সঙ্গে ইয়ার্কি দিচ্ছি!

অন। ও ত হল প্রেমের পরিবর্তে প্রমদ। আমি জিজ্ঞাসা করলেম, তাৎপর্য। তাৎপর্যটা কি?

ধীরে। ও সেই পুরণ গল্প। বে করতে বলে।

অন। হরি হে, রক্ষা কর! তা, দাদা, তুমি বে কর না কেন?

ধীরে। আর তুমি?

অন। জালাও কেন, দাদা, বেশ আছি। সুখে থাকতে ভূতে কীলয়।

ধীরে। বলে, বংশলোপ হবে।

অন। বংশ গিয়ে শিকেয় ঝুলুন!

ধীরে। তা, ওখানকার কিছু নূতন সংবাদ আছে কি?

অন। (গভীরস্বরে) হৃদয়ের নিগে নূতন কিছুই নাই।

ধীরে। ওটা বাস্তব হ'ল কি না, জানি না, কিন্তু ওর অন্তলস্পর্শ

গভীরতার বিষয়ে কোন সন্দেহই নাই! এমনি অতলস্পর্শ গভীরতা, যে অমিশ্র জড়িমা হতে তাকে বিভেদ করা বড়ই কঠিন!

অন। তোমার এত বড় আশ্চর্য্য, আমি বিশ্ববিদ্যালয়ের উপাধিধারী, শ্রীল, শ্রীযুক্ত, অনন্তকুমার সর্কজয়ী, তুমি আমাকে নীরেট বোকা বল?

ধীরে। (করঘোড়ে) হে সর্কজয়ী মহাশয়, হে আধুনিক লাল্লাস মহাশয়, নূতন কিছু-কি দেখেছেন?

অন। দাদা, পড়ার ধমকে আত্মপ্রাণ শুকিয়ে যায়, অন্ত কিছু দেখবার শোনবার সময় থাকে না। তবে পরীক্ষার পর বারকয়েক এখানে সেখানে গিয়েছিলেম। দু দিন “নব রঙ্গালয়ে” অভিনয় দেখতে গিয়েছিলেম।

ধীরে। (সোৎসুক) বটে, বটে! কেমন দেখলে?

অন। অভিনেতাদের মধ্যে অকর্ম্মণ্যও আছে, ভালও আছে। কিন্তু স্তনতে পাই, না কি, পূর্ব্বের ন্যায় আর এখন কেউ নেই।

ধীরে। ওটা, কি জান, ভাই; “যে মাছটা পালিয়ে যায় সেই মাছটাই বড়”। আমাদের এখনকার অভিনেতারা যে তাঁদের পূর্ব্ববর্ত্তীদের অপেক্ষা বিশেষ নিকৃষ্ট, তা সন্তবপর বলে বোধ হয় না। বাঙ্গালীদের বুদ্ধি কি এরি মধ্যে অধোনতির দিকে প্রবহমান হয়েছে?

অন। শালীরা, কিন্তু দাদা, বড়ই চমৎকার অভিনয় করে!

ধীরে। (নিজ চোকী অনন্তের নিকটতর প্রদেশে আনয়ন পূর্ব্বক) বটে, বটে!

অন। দাদা, তুমি যদি একবার দেখতে যাও, ত মোহিত হয়ে যাবে!

ধীরে। বটে, বটে!

অন। রঙ্গভূমির অধ্যক্ষের মাধ্যম হাত বুলিয়ে, যবনিকান্তরালে, বেশ-গৃহে পর্য্যন্ত একবার গিয়েছিলেম!

ধীরে। বটে, বটে! ভিতরে গিয়ে কি দেখলে?

অন। (চোকী ধীরেন্দ্রের নিকটতর করিয়া) দাদা, অভিনেত্রীদের সঙ্গে আলাপ করলেম—অর্থাৎ—অর্থাৎ—বুললে কি না, দাদা, তাদের সঙ্গে কিঞ্চিৎ আ—আ—আলাপ করলেম!

ধীরে। (চোকী অনন্তের আরও নিকটে আনিয়া) হিঃ হিঃ হিঃ, বটে,

বটে ! তা, খুলেই বল না, কি হল ! ভয় কি ? আমি ইয়ার্কির কথা শুনতে খুব ভাল বাসি ! নটীরা তোমার সঙ্গে কথা কইলে ?

অন। হঁঃ, কথা কইলে ? আমি কওয়ালেম।

ধীরে। বটে, বটে ! এই “বৌ কথা ক”র গোছ না কি ?

অন। না, না, প্রশংসা করে। প্রশংসার ধারা জানলে, বোবাকে পর্যন্ত কথা কওয়ান যায়, ত নটী ত নটী !

ধীরে। বটেই ত, বটেই ত ! হাজার হোক, আমার ভাই কি না ! তা, ব্যাপার খানা কি হল, ভেঙ্গেই বল, ছাই !

অন। এক জনকে বললেম, “হে অভিনেত্রী——

ধীরে। হিঃ হিঃ হিঃ ! (অনন্তকে “কাতুকুতু” প্রদান, ও তন্মুখে “গোঁ” শব্দ।) “হে অভিনেত্রী,” তার পর ?

অন। তুমি তাড়াতাড়ি কর কেন ? বললেম, “হে অভিনেত্রী, এই যে রমণীয় অভিনয় হল, এতে গুণগরিমা অধিক কার, রচয়িতার বা নাটক-রিণীর, সেটা তর্কের স্থান” !

ধীরে। হিঃ হিঃ হিঃ ! সত্য সত্য বললে, ভয় পেলে না ?

অন। হঁঃ, ভয় ? আর একজনকে বললেম, “হে নটীবরা, এই অংশের অভিনয় অভিনয় নয়, অভিনেত্রীর নিজপ্রতিভাকৃত সৃষ্টি” !

ধীরে। (সন্দিহান ভাবে) বলি, তুমি ফচকিমি করছ না ত ?

অন। হঁঃ, ফচকিমি ? তৃতীয়াকে বললেম, “নাটরাজ্ঞী, দ্রষ্টাগণ মুগ্ধ, শ্রোতৃবর্গ মুগ্ধ—মৃতবৎ মুগ্ধ। তারা অভিনেত্রীর না স্বরমাধুর্য্য, না অভিনয়-সৌন্দর্য্য, না অপূর্ণপরিচ্ছদবিভাসাকরুণার্থ্য, না অমলবিমোহনরূপচ্ছবিকিরণবিভূতি, কিসের যে প্রথম প্রশংসা করবে, তা ঠিক করে উঠতে পারছে না” !

ধীরে। (দগত) আমার ভারি সন্দেহ হচ্ছে, ছোঁড়াটা উপরচালাকী করছে ! স্ত্রীলোকের সম্মুখে ওর কখন জিব ফুটে দেখি নে ! (প্রকাশ্যে) আচ্ছা, এই বেশ্যেহর প্রবেশদ্বার কোন দিকে ?

অন। (সসাহসে) কেন, দক্ষিণ দিকে। চতুর্থাকে—ধীরেন্দ্রকে উঠিতে দেখিয়া) বাও কোথায় ?

ধীরে । নাঃ, কোথাও যাচ্ছি নে । (পুস্তকাদ্য হইতে গোপনে একখণ্ড মানচিত্র ও একখানা সংবাদপত্র গ্রহণ, ও তদর্শন ।) আচ্ছা, ভাই, অভিনেত্রীদের সঙ্গে এত আলাপ করেছ, ওদের হু এক জনের নাম বল ত ।

অন । হঁঃ, হু এক জনের ? ভবগঙ্গা, দীর্ঘকেশী, উদ্ভৃম্বী, ঙ্গিলা, বসুন্ধরা—

ধীরে । বেশগৃহের দ্বার নিশ্চয়ই নাট্যশালায় দক্ষিণে ?

অন । হঁঃ, দক্ষিণে না ত কি পশ্চিমে ? আমার দিগ্বিদিক জ্ঞান নেই, বুঝি ?

ধীরে । আর অভিনেত্রীদের নাম হল গে—

অন । হৃষিকেশী, গজতারিণী, বেত্রসিংহা, ক্ষেমঙ্গরী—

ধীরে । ঐ আগে যে বললে, ভবগঙ্গা, দীর্ঘকেশী—

অন । কি আপদ ! এরাও, ওরাও । তা, তুমি ওখানে কি করছ ? এইখানে এস, শোন, চতুর্থাকে কি বললেম । বললেম, “হে মঞ্চদেবী—

ধীরে । (দম্ভমধ্য হইতে) এই যে আসছি !

অন । বললেম, “হে মঞ্চদেবী, হে অভুলনে, আমি যদি—

ধীরে । (অনন্তের নিকটে আগমনপূর্বক, তৎপার্শ্বে দণ্ডায়মান হইয়া)
“হে মঞ্চদেবী, হে অভুলনে, আমি যদি”—বল, শেষ কর ।

অন । তুমি বস না ?

ধীরে । এই যে বসছি । বল—“আমি যদি”—

অন । “আমি যদি পৃথিবীর সম্রাট হতেম—

ধীরে । এই তোমাকে পৃথিবীর সম্রাট করছি ! (কটিতি অনন্তকে আক্রমণ, ও তাঁহার উভয় পার্শ্বে অতিশয় “কাতুকুতু” প্রদান দ্বারা তাঁহাকে ভূপাতিত করণ, এবং তৎসম্বন্ধে উপবিষ্ট হইয়া পুনরায় তাঁহাকে “কাতুকুতু” প্রদান ।)

অন । ওঃ, আঃ, গোঁ ! বলি, বৃত্তান্তটা কি ? গোঁ, গোঁ—

ধীরে । বৃত্তান্ত টা কি ? আজ আমি তোকে কীচকবধ করব ! (“কাতুকুতু” প্রদান ।) আমি প্রথম থেকেই সন্দেহ করছিলাম ! বেশগৃহের দ্বার দক্ষিণে, বটে ? (“কাতুকুতু” প্রদান, ও অনন্তের চীৎকার ।) আমি মান-

চিত্রে দেখলেম, দক্ষিণে প্রাচীর, দ্বারমাত্র নেই, আবাসবাটীর শনসন্নিবেশ। দক্ষিণে দ্বার, বটে ? (“কাতুকুতু” প্রদান, ইত্যাদি।) আর সংবাদপত্রের নাটকীয় স্বভেদ, বিজ্ঞাপনে দেখলেম, ও নামের একজনও অভিনেত্রী নেই। (“কাতুকুতু” প্রদান, ইত্যাদি।) আমার সঙ্গে ইয়াকি ?

অন। (সাল্লাভাবে স্বাসপরিভ্যাগের সহিত) কেন তুমি যে বললে, “আমি ইয়াকির কথা শুনেতে খুব ভাল বাসি” !

ধীরে। সে সত্যকার ইয়াকি। আমার সঙ্গে মিথ্যা ইয়াকি ? (“কাতুকুতু” প্রদান, ইত্যাদি।)

অন। আমি মনে করেছিলেম, তোমার সঙ্গে একটু রঙ্গ করব, তুমি কিছু জান না, ধরা পড়ব না। তুমি পাঁজি পুঁথি নিয়ে আসবে, তা কে জানে !

ধীরে। (“কাতুকুতু” প্রদান পূর্বক) কেন, পৃথিবীর সম্রাট্ হবে না ? মুখচোরা, কাপুরুষ, স্ত্রীলোক দেখলে তুমি ভয় পাও, তুমি অভিনেত্রীদের সঙ্গে ইয়াকি দেও ? (“কাতুকুতু” প্রদান, ও অনন্তের তারঙ্গনি।) বল্, ষাট হয়েছে ?

অন। তোমার ষাট হয়েছে।

ধীরে। আমার ষাট হয়েছে ? (“কাতুকুতু” প্রদান।) (হঠাৎ তাঁহাকে ফেলিয়া দিয়া অনন্তের উত্থান ও ধাবন। ধীরেন্দ্রের অবিলম্বে স্ফোদ্ধার ও অনন্তান্বেষণ।)

অন। (একখানা চৌকী লইয়া আত্মসংরক্ষণসহ) বললেম, “হেনাট-রাজী, হে অভুগনে, আমি যদি পৃথিবীর সম্রাট্ হতাম, সেই সাম্রাজ্য—

(ধীরেন্দ্রকর্তৃক অপর একখানা চৌকী উত্তোলন ও অনন্তকে পরাভব করণের চেষ্টা।)

অন। “সেই সাম্রাজ্য—

[চৌকীহস্তে পলায়ন।]

[ধীরেন্দ্রের তৎপশ্চাদ্ধাবন।]

তৃতীয় গর্ভাঙ্ক ।

৪০

ধীরেন্দ্রকুমারের বাটীর এক অনভ্যুচ্চ বারাণ্ডা ।

কল্যাণীর প্রবেশ ।

কল্যা । চাকর টা বললে, তাঁরা এই দিকে আছেন । এই ঘরটায় এক বার দেখি ।

চৌকীসমেত, দ্রুতগতিতে অনন্তের প্রবেশ ।

কল্যা । (সত্রাসে) ও মা, এ কে গো !

অন । (চৌকী হস্ত করিয়া, হাঁপাইতে হাঁপাইতে, তহুপরি উপবেশন ।)
কীচকবধ ! একশ টা কীচকবধ এর চেয়ে ভাল ! বাবা রে ! এর ধাক্কা সামলাতে আমার তিন ষট্টা লাগবে ! দাদা টা অত চালাক, তা কে জানে ! আমি ভেবেছিলাম, আমি বন দেশে শেল রাজা ! যা হোক, এই ছ মাস দাদার সঙ্গে দেখা হয় নি, এক চোটে তার শোধ তুলে নিয়েছি ! দাদার সঙ্গে মধ্যে মধ্যে একটু ইয়াকি না দিলে, প্রাণ টা ছোঁক ছোঁক করে ! কেমন সেই ছেলেবেলা থেকে অভ্যাস হয়ে গিয়েছে, যেখানেই বাই, দাদাকে না পেলে মনটা বসে না ।——দাদা না থাকলে যে কি করতেম, বলতে পারি নে । লোকে বলে, মা-মরা ছেলের মত দুঃখী আর কেউ নেই । কৈ, আমি ত তার কিছুই দেখলেম না । আমার বেশ মনে আছে, আমার একবার আরাম হলে——(কল্যাণীকে দর্শন করিয়া সচকিতে উত্থান ও চৌকীর অন্তরালে স্থিতি ।)

কল্যা । (নিকটে আসিয়া) ছোটবাবু, আমি কল্যাণী ষট্টকী—তোমাকে কীচকবধ করব না, ভয় নেই !

অন । (স্বগত) ওঃ, সেই ষট্টকী ! তা বেড়ে হয়েছে । দাদার মুণ্ডটা চিববার একটা পছন্দ করছি, দাঁড়াও ! (প্রকাশে) ষট্টকীঠাকরুণ, ইত্যাদি তোমাকে কখনও দেখি নে বটে, কিন্তু দাদার মুখে অনেকবার তোমার নাম

ভেনেছি। তা, তাঁর সঙ্গে তোমার পূর্বে পরিচয় বলে, তাঁতে আমাতে কিছু ইতরবিশেষ করবে না ত ?

কল্যা। বালাই, ইতরবিশেষ ! তোমরা দু জনেই আমার বেল ফুলের ছেলে, দু জনেই সমান আদরের জিনিস, ইতরবিশেষ কেন করব গা ?

অন। আচ্ছা, ষটকীঠাকরুণ, তুমি শুনেছ দাদাতে আর আমাতে খুব ভাব, আমি কখনও দাদার বিরুদ্ধে মিছিমিছি কোনও কথা বলব না ?

কল্যা। তোমাদের ভায়ে ভায়ে ভাব ত রাষ্ট্র কথা।

অন। ষটকীঠাকরুণ, এখানে আর কেউ নেই, তোমাকে একটা কথা বলি, শোন, কাকেও বলবে না ত ?

কল্যা। কোন শালী কাকেও বলবে !

অন। (নিয়ন্ত্রণে) আমার দাদা পাগল হয়ে যাবার উপক্রম হয়েছেন !

কল্যা। (ভয়ান্তর্য) যাঁ, সে কি ?

অন। ঐ, আর কিছু নয়, বের জন্তু পাগল হয়েছেন। শ্রীলোকের নাম শুনলে হাঁপাতে আরম্ভ করেন।

কল্যা। বাঃ, আমি যার এই পাঁচ বছর ধরে বের জন্তু তাঁকে ঝুলঝুলি করছি, এতই যদি বের পাগল, বে করেন না কেন ? আটক কিসে ?

অন। ষটকীঠাকরুণ, ওহ কথা বলা বড়ই দোষ, বিশেষতঃ নিজের দাদার প্রতিকূলে।——তুমি অবশ্য “কিরাতার্জুনীয়” পড়েছ ?

কল্যা। (সম্মিতে) আমি আবার ইংরিজী পড়লেম গো কবে, ছোটবাবু !

অন। না, না, ও একখানা সংস্কৃত মহাকাব্য, অর্থাৎ, ভয়ঙ্কর পুঁথি। তা, ঐ, তাতে রাবণ একদিন বিভীষণকে বলছেন——

“সতস্তু যাং, প্রিয়স্তু যাং, ক্রয়াং সত্যমগ্রিয়ম্”।

বুকেইছ ত, ষটকীঠাকরুণ, “ক্রয়াং সত্যমগ্রিয়ম্”—“সত্যমগ্রিয়ম্”।

কল্যা। ওঃ, ঐ বে ভালবাসার কথা হচ্ছে, বটে ? ঐ বে “প্রিয়” কি বললে ?

অন। না গো, ষটকীঠাকরুণ, তা নয়। রাবণ কহিছেন, “হে মার পেটের ভাই বিভীষণ, তুমি যদি সেই স্নেহানী বিবিটেকে আমার বিপরীতে কিছু বলতে চাও, বলো, কিন্তু হুঃখের সহিত বলো, কারণ আমি দাদা।”

সেই রকম আমিও আমার দাদার কথা বলব, কারণ সত্যের দায়, কিন্তু হৃৎথের সহিত—নিরতিশয়, হৃদয়ভেদী হৃৎথের সহিত । ষটকীঠাকরণ, দাদা বের জন্ম পাগল, অথচ বে করেন না—এই সমস্ত আমাকে পূরণ করতে বলছ ? তবে বলি, শোন । দাদার অনেক গুণ, কেবল একটা ভয়ানক দোষ—ভারি মুখচোরা, কাপুরুষের একশেষ, স্ত্রীলোক দেখলে ভয় পান !! আমার মত নয় ! আমি কিছুতেই ভয় পাই নে ! এই যেমন, তোমাকে কখনও আগে দেখি নে, কিন্তু অকস্মাৎ দেখে কি ভয় পেয়েছিলেম ?

কল্যা । (ঈষৎস্মিতমুখে) নাঃ, আমাকে দেখে একটুও ভয় পাও নি । পাবেই বা কেন, আমি ত আর বাঘ ভান্নুক নই !

অন । দাদা মনে মনে খুব বে করতে চান, কিন্তু ত্রাসে এগন না ! ষটকীঠাকরণ, এর একটা উপায় কি, বল দেখি ? আমি দাদার বিবাহের জন্ত চিন্তায় ব্যাকুলান্না হয়েছি ।

কল্যা । ছোটবাবু, তোমার সঙ্গে নিরিবিলা দেখা হয়ে বড়ই ভাল হয়েছে । আমরা দু জনে পরামর্শ করে এর একটা বিধি করতেই চাই । তা, তুমি তাঁকে ভাল করে বুঝিয়ে বল না কেন যে প্রথম প্রথম একটু আতঙ্ক হতে পারে বটে, কিন্তু ক্রমে সে সব সেরে যাবে ?

অন । হঁঃ, বুঝিয়ে বলি নে কেন ? এসে অবধি করছিলাম কি ? কত বললেম, কত বোঝালেম, “বলি, দাদা, স্ত্রীলোকে রাখার্থই মনুষ্য-জাতির মধ্যে পরিগণিত, হিংস্র চতুষ্পদও নয়, বক্রগামী সরীসৃপও নয়, আমাদেরই সঙ্গে পক্ষহীন, লাজলভ্যস্ত দ্বিপদ । বিপদের কোনও আশঙ্কাই নেই, আর আমি সদা সর্বদা নিকটে থাকব, যদিই কখনও কিছু ভয়ের কারণ উপস্থিত হয়, প্রাণ দিয়ে পর্যন্ত তোমাকে রক্ষা করব” । কিন্তু “চোরা না শোনে ধর্মের কাহিনী” ।

কল্যা । (সহাস্তে) তা, তিনি কি বলেন ?

অন । বলবার আছে কি, তা বলবেন ? লোক তর্কে পরাস্ত হলে বা করে, দাদাও তাই করেন—হস্তের ব্যাপার । আমার বেলা, “কাত্তু-কুত্তু” । বললেন, “কের বের নাম করলে তোকে কীটকবধ করব” । সেই ভয়ে আমি পালিয়ে এলেম ।

কল্যা। (হাস্তমুখে) ছোটবাবু, আমার বোধ হচ্ছে, এর মধ্যে তোমার ভেজাল আছে খানিকটা। কিন্তু আসল কথাটা ঠিক। তোমার দাদার নীজ বে করা উচিত, বয়স হতে চলল।

অন। আমিও ত তাই বলি, আমিও ত তাই বলি। দিন যায়, রয় না। আর দেখ, ষটকীঠাকরুণ, এই সঙ্গে একটা কথা বলে নিই। দাদার জন্ম খুব চালাক, চক্কে, ফটফটে, সরসের, কিছু বললে অমনি মাথার চড়ে বসে, এমন একটা মেয়ে বোগাড় করতে চাও। ঐ তোমার নত্না, বিনয়-মধুরা, লাজশালিনী, কাণে ভেঁপু বাজালেও মুখ দিয়ে কথা সরে না, আধ-মরার গোছ মেয়ে হলে চলবে না।

কল্যা। (হাস্তবদনে) তা, আমি একটা বেহারা, ঝগড়াটে, মেয়ে কোথা থেকে ধরে আনব গো, ছোটবাবু?

অন। ষটকীঠাকরুণ, তুমি বুঝলে না। বেহারা, ঝগড়াটে মেয়ের কথা বলছি নে। দাদাকে বশে রাখতে পারে, এই আমার মানে। দাদারই ভালর জন্ম। আমি যদি কোনও সুপারামর্শ দিই, এই মনে কর, যদি বলি, “দাদা, বড় বয়সে আর নাটক দেখতে গিয়ে, বত রাজ্যের পচা, পচকুড় নটীওণর সঙ্গে ইয়ার্কি দিও না, দেখায়ও না ভাল, শোনাও না ভাল”, দাদা তক্ষণি চড়াও করে বসেন, আমার পাশের চামড়া কিঞ্চিৎ পাতলা, “কাতুকুতু” দিয়ে আমার সর্দনাশ করেন, আর আমার হাঁ করবার ঘো থাকে না! কিন্তু বৌ যদি দু ট কথা বলে—আমি আড়ালে থেকে শিথিয়ে দেব, বুঝতেই পেরেছ—বৌ যদি দু ট ছেড়ে দশ টা বলে, দাদাকে অমনি বোবার মত চুপ করে বসে থাকতে হবে, আমার অপমানের শোধ যাবে।

কল্যা। (সহাস্তে) আর বৌকেও যদি ঐ রকম “কাতুকুতু” দিয়ে বশ করেন?

অন। বাহবা, দাদা যে পুরুষ মানুষ, স্ত্রীলোকের গায়ে হাত দেবেন কেমন করে!

কল্যা। (সম্মিতে, স্বগত) আহা, আহা, ছেলেমানুষ, সোজা মন, কিসে কি হয়, কিছুই বোঝে না। (প্রকাশে) আচ্ছা, ছোটবাবু, ঐ সঙ্গে কেন তুমিও একটা বে কর না, বেশ রাঙ্গা টুকটুকে বৌ হবে, তোমার পাশে পাশে বেড়াবে—

অন। (সজ্ঞাসে, স্বগত) কান্দে পা পড়েছে রে! (প্রকাশে) ষটকী-
ঠাকরুণ, আমি আত্মাদের সহিত তোমাকে বাধিত করতেম, কিন্তু ঘোর
অন্তরায়—(দীর্ঘনিশ্বাসাদিসহ) আমার স্বপ্নাকাশ আছে। বিবাহর অল্প
দিন পরেই যদি আমি কালের করাল গ্রাসে পতিত হই, আমার স্ত্রী বিধবা
হবে, আর তুমি ত জান, ষটকীঠাকরুণ, বিধবার জীবন, স্ত্রের জীবন
নয়। পুনরায় বিবাহ করতে পারে বটে, কিন্তু আমার মৃত্যুর অব্যবহিত
পরেই ত তা করতে পারবে না? লোকলজ্জার অমুরোধেও না হোক,
কিছু দিন অপেক্ষা করে থাকতে হবে। আর ভেবে দেখ দেখি, ষটকী-
ঠাকরুণ, সেই বৈধব্যদাহন, যদিও অচিরস্থায়ী, কি ভয়াবহ! (দীনহরে) আহা,
আহা, ক্ষুদ্র বালিকা একাদশীর ভীমভার বহন করবে কেমন করে? ক্ষুদ্র
বালিকা! ক্ষুদ্র বালিকা! না, ষটকীঠাকরুণ, আমার বিবাহ অসম্ভব,
কারণ অসুচিত, কিন্তু দাদার——

বহির্ভাগে ।

“অনন্তটা কোথায় লুকিয়েছে, খোঁজই পাচ্ছি নে। দেখি,
যদি এইখানে থাকে।”

অন। ষটকীঠাকরুণ, তোমার পাএ পড়ি, দাদাকে বলা না।
আমাকে দেখলেই কীচকবধ করতে আরম্ভ করবেন। কিন্তু তাঁর বের
কথাটা ভুলো না। (সত্বর তিরস্করিণীপার্শ্বে লুকায়ন।)

ধীরেন্দ্রের প্রবেশ ।

ধীরে। ষটকীঠাকরুণ যে!!

কল্যা। এই তোমার কাছে আসছিলাম পেন, বড়বাবু। ছোটবাবুর
সঙ্গে আমার দেখা হয়েছে।

ধীরে। (সগর্বে) কেমন, আমার ভায়ের সদৃশ কাকেও দেখেছ?

কল্যা। আহা, বেঁচে থাকুক, বেঁচে থাকুক, বড় ভাল ছেলে। (কিকিৎসা
অপসরণ পূর্বক, অনূচ্চহরে) তাঁকে কেমন ক্রীণ ক্রীণ বলে বোধ হল।
তাঁর সম্প্রতি কোনও ব্যারাম ট্যারাম হয় নি ত?

ধীরে । অনন্তর ব্যারাম ! যণ্ডমার্ক ! প্রত্যহ কুস্তি করে ! ব্যারামের মধ্যে ফচকিমি ! তাতে নাম সার্থক—অনন্ত !

কল্যা । বলি, তাঁর কখনও কোনও যক্ষ্মাকাশ টাশ ত হয় নি ?

ধীরে । অনন্তর যক্ষ্মাকাশ ! তোমাকে আমাকে, অক্লেশে, এককালীন উদরসাৎ করতে পারে !

কল্যা । তাই ত বলি, তাই ত বলি, এমন সুপুরুষ, যক্ষ্মাকাশ হতে গেল কেন গা !

অন । (একবার মুখ বাড়াইয়া, স্বগত) কি ষড়যন্ত্র করছে ! ষটকীটেকে বিশ্বাস নেই—বরের বরের পিসী, কনের বরের মাসী ! (তিরোধান ।)

ধীরে । ও সন্দেহ তোমার মনে জন্মাল কেমন করে ?

কল্যা । কেন, তিনি নিজেই বললেন । আমি তাঁকে জিজ্ঞেস করলেম, “ছোটবাবু, বে কর না কেন” ? তিনি উত্তর দিলেন, “আমি বে করতে সম্পূর্ণ স্বীকার আছি, আমি আর আর লোকের মত স্ত্রীলোক দেখলে ভয়ে কেঁদে ফেলি নে, কিন্তু আমার যক্ষ্মাকাশ আছে, যদি বে করি, আমার স্ত্রী শীঘ্র বিধবা হবে, সেই জন্য বে করতে চাই নে” ।

ধীরে । (উচ্চহাসের সহিত) আর তুমি তাই বিশ্বাস করলে ! স্ত্রীলোকদের ভয় করে না ! ষটকীঠাকুরুণ, জান, অনন্ত তাদের দিকে যেতে চায় না ?

কল্যা । বটে, এমন ? (স্বগত) আমি এখন এর কতকটা শৈ পাচ্ছি, ভায়ে ভায়ে দুজনাই মুখচোরা ! ছেলেবেলা হতে কেবল পুরুষ ঘেঁষা, কাজেই মেয়েমানুষের নামে ডরিয়ে ওঠে ! এত বড় বাড়িতে যার এক টা মেয়ে চাকরাণী পর্য্যন্ত নেই ! (প্রকাশে) যক্ষ্মাকাশের কথাটা, যা হোক, অনেক দিন ভুলব না !

ধীরে । যক্ষ্মাকাশ ! একবার দেখতে গেলে হয়, তার যক্ষ্মাকাশের আদ্যাকৃত্য করি !

অন । (সহসা নির্গমন ও কল্যাণীকে ব্যবধান করিয়া) চতুর্থাকে বললেম, “হে মঞ্চদেবী, হে অতুলনে, আমি যদি পৃথিবীর সম্রাট হতেম, (অত্যাচরণে) তোমার শ্রীচরণে আজ সেই সমগ্র সাম্রাজ্য অঞ্জলি দিতেম,

কিন্তু তাতেও আমার মনস্তৃষ্টি হত না" ! ইতি ক্রমশঃ প্রকাশিত ! আর
তদ্ব পূরে——

বারাণ্ণ হইতে লক্ষ্যপ্রদান পূর্বক নিষ্ক্ৰমণ ।

ধীরেন্দ্ৰেরও তথাকরণ ।

কল্যা । (আতঙ্কান্বিত) ওঃ, ওঃ, অ মা, অ মা, তোমরা কর কি গো ?

যবনিকাপাত ।

—•:○:•:○:•—



দ্বিতীয় অঙ্ক ।

প্রথম গর্তাঙ্ক ।

নবীনকৃষ্ণের বাটীর মণ্ডপ ।

নবীনকৃষ্ণ ও কল্যাণী উপস্থিত ।

নবীন । এই আবেদন করতে সঙ্কুচিত হচ্ছিলে !

কল্যা । তা, কি জানেন, কর্তা মহাশয়, আমি ভেবেছিলাম, আপনি ত আর আজকালের ছেলে ছোগরার দল নয়, পরম ধার্মিক—কি জানি, যদি ও কথা শুনে বিরক্ত হন বা রাগ করেন !

নবী । আমার তাতে কিছুমাত্র আপত্তি নাই । পূর্বে আমাদের দেশে স্বয়ম্বরপ্রথা প্রচলিত ছিল, শুনে থাকবে । আর, কন্যা যদি বিবাহের পূর্বে, বরের সাক্ষাতে, পুজানুপুজরূপে তাঁর পূর্ণেতিবৃত্ততথ্যগ্রহণে অধিকারিণী, বর যে কেন কন্যাবিষয়ে তদ্রূপকরণে অসমর্থ বা অক্ষম, তা ত আমি অনু-ধাবন বা হৃদয়ঙ্গম করতে পারি না । তবে পাশ্চাত্যদের মধ্যে যে তাদৃশ প্রণালী কখনও কখনও বিবাকলপ্রসবিনী হয়ে থাকে, সেটা, বোধ হয়, নিয়মের দ্বীয় দোষে সম্ভটিত হয় না । অতিরেকের সন্তানকে ব্যবহারের ক্রোড়ে অর্পণ করা কি জ্ঞায্য বা বিবেকপ্রশংসিত ?—তাঁরা যদি আমার তনয়াকে দেখতে চান, দেখুন, আমি সন্তোষের সহিত অনুমতি প্রদান করলেম । ঘটকীঠাকরুণ, আমি বৃদ্ধ, আমার বচনে প্রণিধান কর । উত্তম বা কিছু, আর্য্য বা কিছু, সে সমস্তই আমাদের এই সনাতন ধর্মে আছে । যা কিছু বাস্তব অজ্ঞার, বা বাস্তব অপ্রশস্ত—তাই অনার্য্য, অহিন্দু । আমাদের আর্য্যধর্ম্মের স্বার্থ মাহাত্ম্য ও উদারতা বোঝে, এরূপ লোকের সংখ্যা বিরল । আর্য্যধর্ম্ম অমর, কারণ আর্য্যধর্ম্ম ব্যাপকভাবে উদার ।—হুই ভায়ের কথা বলছিলে না ? কোন টী আমার কন্যাপ্রার্থী ?

কল্যা। ছোট।

নবী। জ্যেষ্ঠের পরিণয় হয়েছে কোথায় ?

কল্যা। তাঁর বে হয় নি, তিনি মোটে বে করতে অস্বীকার।

নবী। (সাম্ভ্রমে) কেন ?

কল্যা। তিনি বলেন, “আমাদের দুই ভায়ে বেশ মিল আছে, দু টি বা বাড়িতে ঢুকলেই আমাদের মধ্যে বিবাদ কলহ বাধিয়ে দেবে”।

নবী। এ কি বালকের ভ্রাতৃ কথা ! বিবাহ সাংসারিকের এক টা অবশ্য সম্পাদনীয় ক্রিয়া—ধর্ম্মাংশ। আমি তাঁর ভ্রমাপনোদনে সবিশেষ প্রয়াসী হব।

কল্যা। (সভয়ে) না, না, আপনি কিছু বলবেন না। আমি পাকে প্রকারে চেষ্টা দেখব। সুস্পষ্ট বললে পালিয়ে যেতে পারেন। আসল কথাটা কি জানেন, কর্তামহাশয়, বলতে কি, দু ভাইই ভারি লাজুক, বাড়িতে মেয়ে-ছেলে ত কখনও দেখেন নি, তাদের স্মৃথে এঙতে চান না। ঐ যে ছোট বাবুর বের অর্দ্ধেক মত করেছি, আমার ভয় হয়, পাছে তিনি ও বা হাত পিছলে যান।

নবী। হাঁ, ঐ প্রকার অতিলাজ্জা উত্তম নয় বটে, কিন্তু ঔদ্ধত্যের অপেক্ষা শতগুণে আদরণীয়। তা, জ্যেষ্ঠের শাস্ত্রানুসারে অনুমতিক্রমে কনিষ্ঠ যদি আমার কুমারীর পানিগ্রহণেচ্ছুক হন, আমি স্মৃথে তাঁকে আমার কন্যা সম্প্রদান করব। তাঁরা কবে এখানে উপনীত হবেন ?

কল্যা। তাঁরা কাল এসেছেন। উত্তরপাড়ার বাসা ভাড়া করে আছেন।

নবী। না, না, না, না, তাতে আমি কোনও প্রকারেই সম্মত হতে পারি না। এই বাটীতে গৃহেরও অভাব নাই, দাস দাসীরও অভাব নাই। যত দিন তাঁরা কৃষ্ণনগরে থাকবেন, আমার নিমন্ত্রিত বন্ধু স্বরূপে, আমার আলয়ে তাঁদের অবস্থান করতে হবে। প্রজাপতির অহুগ্রহে আমার কন্যার বিবাহবন্ধন স্থির ও সুসম্পন্ন হয়, ভালই। কিন্তু তা হোক বা নাই হোক, আমি তাঁদের বাসা ভাড়া করে থাকতে দিতে পারি না। তাতে আমার কুলকলঙ্ক হবে। চল, ঘটকীঠাকরুন, আমাকে তাঁদের

বাসা দেখিয়ে দেবে, চল—আমি স্বয়ং গিরে, তাঁদের অধ্যয়ন করে লয়ে আসি। এ কি কথা, বড় ষরের সন্তান, আমার কথা দেখতে এসে, বাসা করে থাকবেন ?

চারুবাহিনীর প্রবেশ ।

চারুবাহিনী। বাবা, বাবা—(কল্যাণীকে দেখিয়া লজ্জাবনতমুখী)।

নবী। কি, মা, কি বলতে এয়েছিলে ?

চারু। আপনার শ্রমণ আছে, ও পাড়ার সেই তরঙ্গিণী, যাকে আপনি এত স্নেহ করতেন ?

নবী। তোমার পাঠসখী ? বেশ শ্রমণ আছে। তিন বৎসর হল, তার পিতৃব্যের সহিত নাগপুরে গিয়েছে না ?

চারু। তাঁরা আজ সকালে বাড়ী ফিরে এসেছেন। দাসী দিয়ে সংবাদ পাঠিয়েছেন। তরঙ্গিণী না কি আমাকে দেখবার জন্য ব্যস্ত। তা, যাব কি ?

নবী। যাও না, মা। আমার আশীর্বাদ জানিও, আর জিজ্ঞাসা করো, জেঠার জন্য কি এনেছে। (কল্যাণীর প্রতি) এক প্রতিবাসীর কথা, পিতা মাতা মৃত, পিতৃব্য অভিভাবক, আমার কন্যাকার প্রিয়সখী, বড় ভাল মেয়ে, বাল্যাবধি আমাকে “জেঠা” সম্বোধন করে থাকে।

কল্যা। বে হয়েছে ?

নবী। (ঈষৎ হাস্তের সহিত) প্রধান কথাটা আমরা কখনও ভুলি না ! না, তাঁর পিতৃব্য আমারই শ্রায় ও বিষয়ে নিদানশুরু চরকের মতানুলম্বী। আর বিশেষ কি জ্ঞান, ঘটকীঠাকরুণ, কন্যাসন্তান বড়ই স্নেহের দ্রব্য, ছাড়তে হৃদয়বেদনা উপস্থিত হয়—আমার ত আর কেহই নাই ! (দীর্ঘনিশ্বাস পরিত্যাগ।)

কল্যা। আপনি জ্ঞানী মানুষ, আপনি জানেনই ত, কৰ্ত্তামহাশয়, মেয়েছেলে জন্মায় কেবল পরের ষর ভরতে।

নবী। হাঁ, কথা সর্বত্রই পিতৃগোত্রভ্যাগিনী। (চারুবাহিনীর প্রতি দৃষ্টিপাত পূর্বক) বিধাতার ইচ্ছা ! (দীর্ঘনিশ্বাসবর্জন।)

অনতিদূরে “হুঁ, হুঁ, ধাঁইকিড়ি,” ইত্যাদি,

পাল্কীর বেহারার রব ।

নবী । ঐ দেখ, মা, তরঙ্গিণী আর অপেক্ষা করতে না পেরে নিজেই এসেছে ।

তরঙ্গিণীর প্রবেশ ।

তরঙ্গিণী । (নবীনকৃষ্ণকে ভূমিষ্ঠ হইয়া প্রণামান্তর) কি, জেঠামহাশয়, কেমন আছেন ? চারু, তুমি ভাল আছ ত, ভাই ? (চারুবাহিনীকে আলিঙ্গন ।)

নবী । তুমি নিজে ভাল আছ ত, জেঠাইমা ? (সম্মিতে) এই তিন বৎসরে এমনি বাড় বেড়েছ যে চেনাই ভার ! তোমার কাকা মহাশয় ভাল আছেন ?

তর । হ্যা, তিনি ভাল আছেন, তিনি কাল আপনার সঙ্গে দেখা করতে আসবেন । আজ অত্যন্ত শ্রান্ত ।

নবী । (মিতবদনে) ষটকীঠাকরুণ, নিঃসন্দেহ এঁদের হু জনের পর-স্পারকে বলবার অনেক কথা আছে ; চল, আমরা যাই, আমরা কেবল সেই কথার অন্তরায় হচ্ছি ।

কল্যা । (স্বগত) বেশ মিলবে । এখন মেলাতে পারলে হয় । হরির ইচ্ছা ! (চারুবাহিনীর প্রতি) মাসীমা, আমি এখন আসি, আবার আসব ।

নবীনকৃষ্ণ ও কল্যাণীর প্রস্থান ।

চারু । হ্যা, ভাই, তুমি ভাল আছ ত ? (পুনরায় আলিঙ্গন ।)

তর । বলি, তোমার বের সম্বন্ধ হচ্ছে না কি ?

চারু । (সলজ্জে) ঐ কে জানে, ভাই, ঐ ষটকী বাবার কাছে কোথা-কার কার একজনের নাম করছিল । তা, তুমি——

তর । চারু, তিন বৎসরের মধ্যে, ভাই, আমি এমনি পর হয়ে গিয়েছি, যে আমাকে বলতে লজ্জা করছ ? (সান্তিমানে) আচ্ছা, ভাই ।

চারু। (তরঙ্গিনীর হস্তধারণ পূর্বক) না, ভাই, তোমাকে সব বলতে
বাড়িলে, কেবল—

তর। “নারি নারীলাজ পাসরিতে”!

চারু। (তরঙ্গিনীর গাল টিপিয়া) অরে আমার নতন কবি রে! কেবল,
তোমার দিগ্বিজয়ের কথাটা আগে শোনবার ইচ্ছা ছিল!

তর। আমার দিগ্বিজয়ে অদ্বত আশ্চর্য্য কিছুই নাই। যা কিছু বলবার
বা শোনবার ছিল, চিঠিতেই প্রকাশ। তা, এখন শ্রীমতী চারুবাহিনীর ভাবী-
পতিবিজয়ের পালাটা আরম্ভ হতে আজ্ঞা হোক। প্রোত্সাহমাজ সোং-
সুকে গায়িকার প্রবেশ অপেক্ষা করছে।

চারু। ভাই, বেশি কিছু বলবার নেই। তাঁর নাম না কি অনন্তকুমার,
বয়স ২২২৩ বৎসর, সবে বিশ্ববিদ্যালয়োত্তীর্ণ, আত্মীয়র মধ্যে জ্যেষ্ঠ ভ্রাতা
মাত্র বর্তমান, সমৃদ্ধ বংশ।

তর। দেখতে কেমন?

চারু। ষটকী ত, ভাই, হু মুখে প্রশংসা করে। (লজ্জিতভাবে) তাঁরা,
শুনতে পাই, দেখতে আসছেন।

তর। তাঁ—রা?

চারু। হু ভাইই।

তর। (সন্নেহে চারুবাহিনীর প্রতি দৃষ্টি পূর্বক) হু বার দেখতে হবে না!

চারু। তরঙ্গিনীর চক্ষে চারু ভাল বলে, তাঁরাও যে ভাই ভাববেন,
এমন কিছু কথা নেই।

তর। সুদ্ধ তরঙ্গিনীর চক্ষে? জগতের চক্ষে।—তা, ভাই, যদি
তোমার বিবাহ হয়, আশা করি, তুমি সুখী হবে।

চারু। (সম্মিতে) কথাগুলি মিষ্ট, কিন্তু হুরটা কেমন কেমন! মিষ্টতার
অপেক্ষা বিজ্ঞতার ভাগ অধিক! কেন, ভাই, সে বিষয়ে কি তোমার কিছু
সন্দেহ আছে?

তর। চারু, দেশভ্রমণে শীত্র চক খোলে।

চারু। (সহাস্তে) নাগপুরে তিন বৎসর বাস—ফল, মস্তিষ্কে প্রবীণতা-
রোহণ!

তর। নাগপুরে মাত্র নয়, ভারতবর্ষের সকল প্রধান নগরে ।

চারু। ভারতবর্ষের "সকল" প্রধান নগর তোমাকে কি বহুজ্ঞতা দান করেছে, শুনতে পাই নে কি ।

তর। চারু, এ ঠাট্টার বিষয় নয়। বিবাহ—স্মৃতির খেলা। সহস্রের মধ্যে কেবল এক জনের নামে ওঠে, আর অবশিষ্ট ৯৯৯—শূন্যের ভাগী ।

চারু। তরঙ্গ, স্মৃতিতে পুরস্কারের বস্তু একটা মাত্র, সুতরাং ৯৯৯ জনকে ফাঁকি পড়তে হয়। আমার বোধ হয়, বিবাহে, জীবনের কার্যে, যারা ফাঁকি দিতে চেষ্টা করে, তারাই ফাঁক পড়ে ।

তর। বিজ্ঞতম অধ্যাপকমহাশয়, বলতে পারেন, বিবাহের ২৩ বৎসর পরে ক জন স্বামী স্ত্রীকে প্রথমকার মত যত্ন আদর করে ?

চারু। তা, ভাই, জানি নে। তোমার এত বার বিবাহ হয়েছে, তুমি, হয়ত, সে প্রশ্নের উত্তর দিতে পার ।

তর। আমি যত বে করব, তা ত জানাই আছে ! কাকা যদি না নিবারণ করেন, কোনও স্ত্রীবিদ্যালয়ে শিক্ষয়িত্রী হয়ে জীবন কাটাব ।

চারু। সত্য কথা বলতে কি, ভাই, আমি ও রকম অঙ্গ সন্ন্যাসিনী হয়ে থাকতে পারব না। আমি চাই——

তর। ভালবাসা। (সবেগে) আমি কি চাই নে ? কিন্তু ভালবাসা দিয়ে যদি মনের মত ভালবাসা না পাই ? এখন স্বাধীন আছি, এক বার ডানা কেটে ফেললে ত আর ষোড়া লাগবে না !

চারু। স্বন্দর দিক্‌টাই আগে ভাববে কেন ? ও প্রকার অসন্তুষ্ট, সন্দ্বিগ্ন চিত্ত তোমার কত দিন হয়েছে ? তুমি ত আগে এ রকম ছিলে না, ভাই ?

তর। তুমি কি শোন নি, একজন প্রধানতম দার্শনিক ও জ্ঞানবিশ্ব বলেছেন, "সন্তুষ্ট বরাহ অপেক্ষা অসন্তুষ্ট সক্রটিস হওয়া ভাল" ?

চারু। ঠিক তাই নয়, কিন্তু আমাদের সম্বন্ধে (সম্মিত) ওর মানে কি, তরঙ্গ, আমি বরাহ আর তুমি সক্রটিস ? (হস্ত দ্বারা তরঙ্গদ্বীর মুখ তুলিয়া) দেখ, ভাই, আমার এক বিপরীত অনুমান হচ্ছে ! আমার বিশ্বাস, তুমি বিবাহের জন্ত চকল, একেবারে অধীর !

কল্যাণীর প্রবেশ ।

কল্যা। কে গো বের জন্ত চকল, অধীর ?

চারু। (স্বিতমুখে) ষটকীঠাকরণ, এঁর জন্ত এক টা সম্বন্ধ আনতে পার ?

কল্যা। এক টা ? একশ টা আনতে পারি ! অমন সোনার মেয়ে আছে, জানলে, লোকে এসে ওঁর কাকার উঠনে হত্যা দিয়ে বসে ।

চারু। এই নাও, তরঙ্গ, এই এক শ নিবেদকের মধ্যে এক জন না এক জন অবশ্য মনোনীত হবে !

তর। (লজ্জিতভাবে) ষটকীঠাকরণ, চারু তামাসা করছে ।

কল্যা। ওগো তরঙ্গমাসী—ঐ, ওঁকে চারুমাসী বলে ডাকি, তা, তোমাকে তরঙ্গমাসী বলব—ওগো তরঙ্গমাসী, অনেক কথা ঐ রকম ঠাট্টার আরম্ভ হয়, কিন্তু শেষে দাঁড়ায় অন্য রকমে । তোমার বর আমার হাতে রয়েছে বললেই হয়, তবে কিছু স্বাম্যাজা চাই । ঐ যে অনন্তবাবু, তাঁর দাদার নাম ধীরেন্দ্রবাবু, তাঁকে যদি তোমার জন্ত যোগাড় করতে পারি——

চারু। দোজবরে ?

কল্যা। না গো, তিনি এত দিন বে করেন নি, এখনও করতে চান না । আমি খের বলা কওয়াতে ছোট ভায়ের বে দিতে স্বীকার হয়েছেন । ছোটবাবুও, কিন্তু, একবার এগন একবার পেছন ।

তর। (সান্ত্ব্যে) তাঁরা চারুকে দেখতে আসছেন, “একবার এগন, একবার পেছন” ।

কল্যা। ওগো মাসীমা, সে অনেক কথা, পরে বলব, কিন্তু ছোট বড় ভায়ের কথা ফেলবেন না, সেটা নিশ্চিত । ঐ বড়বাবুকে হাত করা-টাই শক্ত ।

চারু। কেন, তিনি বিবাহ করতে অনিচ্ছুক কেন ?

কল্যা। তাঁর ভারি ভয়, দুই ষাএ ঝগড়া করে, শেষে তাঁদের ভায়ে ভায়েও মনান্তর বাধিয়ে দেবে ।

চারু। (তরঙ্গীর কটদেশ বাহুদ্বারা বেঁটন পূর্বক) ষটকীঠাকরণ, যদি তরঙ্গর সঙ্গে তাঁর বিবাহ হয়, আর——

কল্যা। আর ছোটবাবু তোমাকে যে করেন——

চাক্র। তরঙ্গতে আমাতে কখনও ঝগড়া হবে না।

তর। নিজে না করে, ছোট ভায়ের যে বিবাহ দিতে গেলেন ?

কল্যা। ছোট ভাইকে বড় ভাল বাসেন। ও'গো মাসীঠাকরুণা, ভায়ে ভায়ে এমন ভাল কখনও দেখি নি। বললে বা না প্রত্যয় যাবে, ভাইকে ভাই, ইয়ারকে ইয়ার।

চাক্র। (সাগ্রহে) ষটকীঠাকরুণ, যদি তাঁর সঙ্গে তরঙ্গর বিবাহ দিয়ে দিতে পার।

তর। আর তরঙ্গ নিজে স্বীকার হোক বা নাই হোক।

কল্যা। তরঙ্গমাসী, স্বীকারের কথা কি বলছ, এমন সুচরিত্র, সোজা-মন, হু ভাই পৃথিবীতে কোথাও পাবে না। আমি ত এই দশ বছর ষটকালী করছি, এমন টী কখনও দেখি নি। বড়মানুষকে বড়মানুষ, বিদ্বানকে বিদ্বান, সুপুরুষকে সুপুরুষ, কিন্তু শরীরে পাপ নেই, যেন সেকেলে মূনি ঋষি।

চাক্র। (সহাস্তে) আমাদের মন ভেজাবার জন্য অনেক টা বাড়িয়ে বলছ, না ?

কল্যা। কোন শালী ঘুণাক্ষরেও বাড়িয়ে বলছে।

তর। তা, ঐ যে বড়বাবু—তিনি যদি বিবাহ করব না বলে প্রতিজ্ঞা করে থাকেন ?

কল্যা। হ্যাঃ, তুমিও যেমন, মাসীমা, প্রতিজ্ঞা ! তোমাকে দেখলে প্রতিজ্ঞা পিঠে গলায় দড়ি দেবে। একবার তোমাদের চকোচকী করে দিতে পারলে হয়। এমন পাগলের কথা কখনও শুনেছ, বলেন, তারানক্ষত্র নিয়ে থাকব, তাদের সঙ্গে বে হয়েছে।

চাক্র। এই দেখ, তরঙ্গ, তোমার ষোড় মিলেছে ! এঁকে যদি না জয় করতে পার——

কল্যা। লেণা পড়া শেখা সব মিথ্যা হয়েছে। তরঙ্গমাসী, তোমরা দুজনে ত যেন বন, আর তাঁরা দুজ ভাই নন, এমন হু ভাই, কেমন সুখের সংসার হবে, বল দেখি।

ভর। (হাস্তপূর্বক) আমরা এখানে বসে লকাতাগ করছি, আর——

নবীনকৃষ্ণের প্রবেশ।

নবী। (প্রীত ও ব্যস্তভাবে) ষটকীঠাকরুণ, আমি কার্য সমাধা করে এসেছি, তাঁরা আসছেন, প্রহরার্ধের মধ্যে আসবেন। (চারুবাহিনীর প্রতি)মা, তুমি বেশপরিবর্তন কর গে। সে দিনকার সেই বারানসীখানা পরো, মা। (তরঙ্গিনীর প্রতি, সম্মিতে) জেঠাইমা, তোমার কাকার সহিত আমার এই মাত্র সাক্ষাৎ হয়েছে, তিনি অবিলম্বে তোমাকে দেখতে চান, তুমি ত্বরায় বাড়ি যাও। (চারুবাহিনীর প্রতি, জনান্তিকে) শীঘ্রই আবার ওঁকে প্রত্যাগতা হতে হবে।—ষটকীঠাকরুণ, আমার নাম করে, ভৃত্যবর্গকে প্রয়োজনীয় সমস্ত আয়োজন করতে বল গে। অভ্যর্থনাগৃহের তত্ত্বাবধান আমি নিজস্বক্বে গ্রহণ করলেম। সুপাত্র, আট্যকুলোদ্ভব, আমার হস্তে কখনও তাঁদের অনাদর, অমর্যাদা হবে না।

প্রস্থান।

কল্যা। বেন তুফান বয়ে গেল! তা, আমিও বাই, একটু কিছু ভুল চুক হলে, আমি শালীর গদান কাটা যাবে।

প্রস্থান।

চারু। ভরঙ্গ, দেখ, আমার মন টা ছনছন করছে!

ভর। তা, ভাই, তোমার বিবাহ, তোমার মন ত ছনছন করতাই পারে।

চারু। দেখবে, তোমারও!

ভর। আমি ত, ভাই, পূর্কেই বলেছি, জ্ঞানের আলোচনা ও বিতরণেই আমার জীবনাবিবাহ হবে।

চারু। নিশ্চয়ই——ধীরেন্দ্রবাবুর জ্যোতির্বিদ্যালয়ে, তাঁর সভান-ধের মাতাম্বরণে।

উভয়ের প্রস্থান।

দ্বিতীয় গভাক্ষ ।

কুকনগর—এক অর্ধগ্রাম্যপথ ।

ধীরেন্দ্র ও অনন্তের প্রবেশ ।

অন । দাদা, আমার আর পা এগছে না । তুমি গিয়ে দেখে এস ।

ধীরে । এই দেখ, পাগল দেখ ! তিনি নিজে এসে আমাদের নিমন্ত্রণ করে গেলেন, এখন তুমি না গেলে তিনি মনে ভাববেন কি ?

অন । তুমি একটা ছোটখাট, “সাদা” মিথ্যা কথা বলো—“তার অস্থখ করেছে” ।

ধীরে । তাতে কতক্ষণ অবসর পাবে ? তিনি পুনরায় দৌড়িয়ে আসবেন ।

অন । তোমায় যে, দাদা, কি পেয়েছে বলতে পারি নে । কেথাও কিছু নেই, আমার বের জন্ত কেপে উঠলে ! তা, তুমি, না হয়, আমার হয়ে বে কর পে ।

ধীরে । শোন, অনন্ত, ঠাট্টা ফচকিমির সময় গিয়েছে । ও সব পুরন তর্ক এনে লাভ ? আমি বারম্বার বলেছি।—এ মুহূর্ত কল্যা দেখা বই ত নয় ? বিবাহ করতেই হবে, এমন ত কিছু দিব্য দেওয়া নেই, দেখে যদি তোমার অনিচ্ছা হয়, চলে আসতে কত ক্ষণ ? এক জন স্ত্রীলোক, বালিকামাত্র বললেই হয়, তাকে দেখতে যেতে এত ভয় ?

অন । ভয় কে বলে ? আমার মনের ভিতর খুব সাহস আছে । কেবল, বলব কি, দাদা, আমার পা দু খানা পালিয়ে যেতে চায় !—আচ্ছা, দাদা, বধন সেই সেটা আসবে, আমাকে কি বলতে হবে ?

ধীরে । এই টে আর জান না ? বলবে—অর্থাৎ—অর্থাৎ—বলবে—অর্থাৎ—অর্থাৎ—এই টে আর বুঝলে না ? সে সময়ে বা মনে আসবে, তাই বলবে ।

অন। যদি কিছু মনে না আসে ?

ধীরে। মনে যদি কিছু না আসে ? বাঃ ! মন ত সম্পূর্ণ শূন্য থাকতে পারে না ? কিছু না কিছু মনে আসা চাইই চাই।

অন। সেই কিছুটা যদি সময়োপযোগী না হয় ? আমার যদি তখন ক্রাসিবিপ্লবের কথা মনে পড়ে যায়—কি ঘুম আসে ?

ধীরে। কি পাগল ! তবু পুষে রাখতে চাও না কি ? এমন ছেলে মানুষ যদি কোথাও দেখে থাকি ! তোমাকে একটা সন্কেত বলে দিই, শোন। স্ত্রীলোকদের সঙ্গে, বিশেষতঃ যুবতী বা অঙ্গবয়স্কাদের সঙ্গে, কথো-কথনে প্রধান আবশ্যক—গাঙ্গীর্ধ্য। যখনই তোমার পা দুটো পলায়নপর হবে, তৎক্ষণাৎ, আমার পরামর্শ শ্রবণ করে, গাঙ্গীর হবে। গাঙ্গীর—বুঝলে, কি না—গাঙ্গীর হবে। অন্যান্য সব কাজের মত, এতেও প্রথমটাই কঠিন। আর, আমিও তৎকালে আমার কর্তব্য বিস্মৃত হব না। যেই দেখব তোমার গলা শুকিয়ে আসছে, অমনি কাণে কাণে বলে দেব—“অনন্ত, অনন্ত, গাঙ্গী—ী—ী—র হও”। আর নৌক একবার ভাসলে, প্রোতের জলেই টেনে নিয়ে যাবে, তোমাকে নিজে বড় টানাটানি করতে হবে না। যদিই, কিন্তু, আকস্মিক, কোনও ব্যাঘাতের উৎপত্তি হয়, মহৌষধ—গাঙ্গীর—ী—ী—ী—ী—র হবে।

উভয়ের প্রস্থান ।

চারুবাহিনী ও তরঙ্গিণীর প্রবেশ।

তর। তোমার বাবার মুখে তাঁদের প্রশংসা শুনে, কাকা ত, ভাই, ব্যগ্র হয়ে পড়েছেন। আমি কি করব, কিছু বুঝতে পারছি নে।

চারু। করবে আর কি, চককাণ বুজে ওষুধ গিলে ফেলবে !

তর। (অদূরে দৃষ্টিপূর্বক) ঐ দেখ, চারু, কে হু জন আসছে, ঘটকী সঙ্গে রয়েছে।

চারু। (সভয়ে) হয়ত, তাঁরাই বা হবেন ! এস, ভাই, এই গাছটার গিছনে লুকই।

এক বিটপীপাখে উভয়ের গোপন।

কল্যাণীর সহিত ধীরেন্দ্র ও অনন্তের পুনঃপ্রবেশ ।

ধীরে । তোমার সঙ্গে না দেখা হলে ত আমরা কোথায় যেতে কোথায় যেতাম !

কল্যা । নতুন জায়গায় এলে প্রথম প্রথম সকলেরই এক বার না এক বার পথভুল হয়ে থাকে । আমি এই দিক দিয়ে যাচ্ছিলেম, ভালই হয়েছে ।

অন । ও গো ষটকীঠাকরণ, বলি, সেখানে কে কে থাকবে ?

কল্যা । আর কেউ থাকবে না, এই তোমরা হু ভাই, আমি, আর তোমার তিনি—আর—আর—

অন । (আশঙ্কিতভাবে) আর আবার কে, কর্তামহাশয় নন ত ?

কল্যা । না গো, ছোটবাবু—ঐ, ঐ, কেবল এক জন পাড়াপড়সী স্ত্রীলোক ।

অন । দাদা, দেখ, এই এক আবিষ্কার ! তুমি বলেছিলে, আর কেউ থাকবে না । (কল্যাণীর প্রতি) আবার আর এক জনকে ডেকে আনলে কেন ?

কল্যা । তা, সে তোমাকে কিছু বলবে না গো, ছোটবাবু, তোমার কোনও ভয় নেই ।

ধীরে । অনন্ত স্ত্রীসমাজে কখনও মেশে নি । সেই প্রতিবাসিনীর উপস্থিতি কি একান্তই আবশ্যকীয় ?

কল্যা । বড়বাবু, তিনি চারুবাহিনীর বিশেষ বন্ধু, ভদ্রী বললেই হয় । কর্তামহাশয়ের নিতান্ত ইচ্ছা যে তরঙ্গিনী—বেশ নামটা, না গা ?—সেই খানে থাকেন ।

অন । এই নেও, দাদা, দেখলে, শ্রদ্ধা গড়ায় !

ধীরে । (কল্যাণীর প্রতি) আমি তোমার কথা ভাবে মনে করেছিলেম, তিনি একজন বয়সী স্ত্রীলোক । আমার নিজের এতে কোনও আপত্তি নেই, কিন্তু দেখছ ত, অনন্ত সাতিশয় অনিচ্ছুক । তা——

কল্যা । ও গো, বড়বাবু, ছোটবাবু, তোমাদের একটা কথা বলে দিই, শোন, কিন্তু আমার মাথার দিবা, আমি তোমাদের বলছি, কেউ যেন না

টের পায়। চারুবাহিনী তরঙ্গিনীদের বাড়ি গিয়েছেন, তাঁরা এই পথ দিয়েই ফিরে আসবেন। যদি তোমরা এই ধানে গাছ গাছড়ার আড়াল টাড়ালে কোথাও থাক, তাঁরা বধন যাবেন, তোমরা তাঁদের বেশ দেখতে পাবে, অথচ তাঁরা তোমাদের দেখতে পাবেন না। তা হলেই তোমাদের ভয় ভান্সা হয়ে যাবে, কেমন কি না ?

অন। (সাহসপূর্বক) ভয়, ষটকীঠাকরুণ, ভয়! আমরা হু ট স্ত্রীলোক দেখে ভয় পাব, মনে করেছ, বুঝি? হু ট স্ত্রীলোক দেখে ভয়! আমি বধন কলকাতায় নাটক দেখতে যেতেম, নটীরা আমার সঙ্গে কথা কয়বার জন্তু খুলখুলি করত। চার দিকে এসে ঘেরাও করে দাঁড়াত। আমি, বুঝি, ভয় পেতেম? তাদের উপর কর্কশভাবে এক বার মাত্র চেয়ে বলতেম, “আমি স্ত্রীলোকদের সঙ্গে কথা কয়ে, আপনার নিকটে আপনাকে ঘৃণার পদার্থ করতে চাই নে”। স্ত্রীলোক দেখে ভয়! তবে দাদা ভয় পেতে পারেন বটে, নাট্যালয়েও কোনও দিন যান নি, অস্ত্র কোথাও বা কখনও স্ত্রীলোক দেখেন নি।

দীর্ঘ। (গম্ভীর স্বরে) অনন্ত, তুমি ছোট ভাই, তোমাকে ক্রমা করলেম। ষটকীঠাকরুণ, বলি, দেখ, সূর্য্য পৃথিবীর—এই আমাদের পৃথিবীর—১২, ৬০,০০০ গুণ বড়, আর ৩,২৭,০০০ গুণ ভারি। ঐ যে অস্থিরালোক নক্ষত্র সকল দেখতে পাও, ওরা ও এক একটা সূর্য্য, অনেক দূরে আছে বলেই অমন ক্ষুদ্রায়তন ভাবে প্রতীয়মান হয়। নিকটবর্ত্ত, চন্দ্রের কলক তত্প-রিস্পর্কতমধাগত, সূর্য্যকিরণপ্রঃশজ্জনিত, উপত্যকাব্যাপী, ছায়া মাত্র। আমি তোমাকে ঐ সকল পর্ব্বতের উচ্চতার অবিকল পরিমাণ পর্য্যন্ত বলে দিতে পারি। এবস্থিধ, সমস্ত, প্রকাণ্ড প্রকাণ্ড বিষয়ের আন্দোলনে আমি মনকে অহর্নিশ নিযুক্ত রাখি। সেই আমি এই ক্ষুদ্র পৃথিবীর ক্ষুদ্র পতঙ্গ, স্ত্রীলোক, দেখে ভয় পাব! ষটকীঠাকরুণ, তাও কি সম্ভব?

কল্যা। তবে তোমরা হু ভাবে এই ধানেই থাক, তাঁদের আসতে অধিক বিলম্ব নেই, ভাল করে তাঁদের দেখতে পাবে এখন।

অন। (সসঙ্কোচে) আমরা যে এখানে আছি, তা তাঁরা জানেন না। ও প্রকারে তাঁদের দেখবার জন্তু অপেক্ষা করে থাকা কি ভদ্রোচিত হব?

ধীরে । না, না, আর তাঁরা কিছু তান্ময় সমধিকবয়স্কা নন, আমাদের দেখে লজ্জা পেতে পারেন । ক্রমলতাবরণে অবস্থিতিই উত্তমতর সীমাংসা ।

কল্যা । (হাস্যাত্মক) বটেই ত ! তা, আমি এখন পালাই । আমাকে এখানে দেখলে, তাঁরা সন্দেহ করতে পারেন, আমিই তোমাদের শিখিয়ে দিইছি ।

[প্রস্থান ।

অন । দাদা, নীল এস, গাছের আড়ালে লুকই, কে জানে, তারা কখন আসবে ।

ধীরে । দাঁড়াও না, একটা মজা করছি ! (বগলি হইতে একটা দূরবীক্ষণ বহির্ভূত করিয়া) দেখেছ ?

অন । (সানন্দে) আঃ, দাদা, বেড়ে হয়েছে, বেড়ে হয়েছে ! শতবুদ্ধির দাদা, সহস্র বুদ্ধি ! কিন্তু, দাদা, আর বিলম্ব করা উচিত নয় ।

ধীরে । সেই গম্ভীর হবার পরামর্শটা কিন্তু ভুলো না । দৈববশতঃ ক্রীলোকদের একেবারে সামনেই পড়ে যাও, বা সুযোগক্রমে গাছ পার্শ্বতের আড়াল থেকে, অতি সাবধানে, দূরবীক্ষণ দ্বারাই তাদের দেখ, গম্ভীর হওয়ার মত আর কিছুই নেই । অনন্ত, স্মরণ রেখ—ক্রীলোক দেখবে, আর গম্ভীর হবে । তা হলেই সকল বিঘ্নবিপত্তি কেটে যাবে ।

অন । আঃ, তা হবে । এখন এই ধানে এস । (যে বৃক্ষের অন্তরালে চাক্রবাহিনী ও তরঙ্গিণী লুকাইয়া আছেন, তদিকে প্রয়াণ, ও হঠাৎ তাঁহাদিগকে দেখিয়া) হ্যা—হ্যা—হ্যা—হ্যা—হ্যাঃ——

লম্বপাদক্ষেপে র সহিত পলায়ন ।

ধীরে । (সভরান্বিত) সেটা হল কি ? (অদ্ভুতগণি তর দিয়া, সতর্ক, উক্ত বৃক্ষের নিকটে গমন, ও উঁকি মারিয়া দেখিয়া) হ্যা—হ্যা—হ্যা—হ্যা—হ্যাঃ——

হস্ত হইতে দূরবীক্ষণপতন ও উচ্চ শ্বাসে অনন্তপশ্চাৎ ধাবন ।
চাক্রবাহিনী ও তরঙ্গিণীর অন্তরাল হইতে আগমন, তরঙ্গিণী-
কর্তৃক দূরবীক্ষণ গ্রহণ, ও অপর দিক্ দিয়া

উভয়ের সম্মুখ প্রস্থান ।

তৃতীয় গর্ভাক।

নবীনকুমার বাটীর অভ্যর্থনা গৃহ।

নবীনকুমার, ও তৎসমভিব্যাহারে, চতুক্ষী, বেত্রাসন,
বর্তিকা, দীপাধার প্রভৃতি লইয়া কয়েকজন
ভূতোর প্রবেশ।

নবী। অরে, আমার পরম বন্ধু, সীয়ারসোলের কুমার বাহাদুর, মহানুভব,
শ্রীল, শ্রীযুক্ত দক্ষিণেশ্বর মালিয়া মহোদয়ের সমাদরে সে বার এই ঘর টা
যেমন সাজিয়েছিল, ঠিক সেই রকম সাজা, যেন কোনও অশ্রুনা না হয়।
(ভৃত্যসকলের তথাধারণ ও তাঁহার পরিভ্রমণ।) এমন কি পুণ্য করেছি, ঈশ্বর
সু বংশে, গুণী পাতে আমার কণ্ঠা সম্প্রদান করতে পারব। আশাতীত! তবে
ঈশ্বরের করুণা। (ভৃত্যগণের প্রতি) হ্যা, বেশ হয়েছে, যা। অশ্রুনা বিষয়ে যা
বা বলেছি, তুলিস নে। (ভৃত্যবর্গের প্রস্থান।) চাকুবাহিনীর গর্ভধারিণী যদিও
অন্য জীবিত থাকতেন! ঈশ্বরেচ্ছা, ঈশ্বরেচ্ছা। কিন্তু এই উদাহক্ৰিয়া
সমাধা হলে, আমার আগের শূন্য হবে, অন্তর অরণ্য হবে। (দীর্ঘ-
নিশ্বাসবর্জক।) মা আমার চাকুশীলা, সর্বগুণময়ী। আর ঐ তরঙ্গিণীও
আমার কন্যাসমা—সর্বতোভাবে ও সর্বপ্রকারেই।——যাই, দাসীদের
কত দূর হল, দেখে আসি।

[প্রস্থান।

মার্জনী আদি হস্তে দাসীত্রয়ের প্রবেশ ও গৃহ পরিষ্কার করণ।

১ম দাসী। এমন সুখের চাকরী, ভাই, আর কখনও হবে না। মুখ
খিঁচন নেই, গালাগাল দেওয়া নেই, কোনও ঝগাটাই নেই। যেন
আমাদের বাপের বাড়ী!

২য় দা। দিদিঠাকরুণের বে হয়ে গেলে কিন্তু, ভাই, আমাদের কি
হবে? আমাদের, বুঝি, জবাব দেবে?

৩য় দা। আরে, মল বা, লক্ষীছাড়া ছুড়ী, আপদ্‌টেনে নিয়ে আসে, দেখ । দ্বিদিঠাকরুণের বের পরে কি আর ঘর নিকন, বাসন টাসন মাজান দরকার হবে না ? সে সব ত চাকরেরা করবে না, কাজেই আমাদের রাখতে হবে । তুই এমন নেকী, ভয়তরাসে, তা জানভেম না ।

২য় দা। আমি নেকী আছি, ভয়তরাসে আছি, আমিই আছি, তোর তাতে কি লা ? তোর ত মস্ত বুকের পাটা আছে, তাই ধের ।

১ম দা। আয়, নে ভাই, এমন শুভ দিনে আর তোরা দু জনে ঝগড়া কোঁদল বাধাস নে । (দ্বিতীয়ার প্রতি) এ দিকে এখন জনপ্রাণী নেই, তোর সেই গানটা আর একবার গা না, ভাই ।

২য় দা। না, বাবু, গাইলে আমি আবার বা নেকী হব, আমার আর গান গেয়ে কাজ নেই ।

৩য় দা। আমার ষাট হয়েছে, ভাই, তুই গা ।

২য় দা। আচ্ছা, কিন্তু একটু আস্তে গাব ।

গীত ।

সাহানা—একতালা ।

ধরে কি রূপমাধুরী, শরদে মেঘে বিজলী ।

উষাতে তরুণ রবি, প্রদোষে অশ্রুট কলি ॥

ধরি হৃদয়ে কুমারী, নব রত্ন প্রণয়েরি ।

বিকাশে রূপের ভাতি, পরাজয়ি সে সকলি ॥

চল, ভাই, আমরা বাই—আমাদের এ যাত্রা এই পর্য্যন্ত ।

[দাসীদিগের প্রস্থান ।

বিভিন্ন দ্বার দিয়া নবীনকৃষ্ণ ও কল্যাণীর প্রবেশ ।

কল্যা। কৈ, তাঁরা এখনও আসেন নি ?

নবী। না । তাঁদের অভ্যর্থনার জন্য সমস্তই প্রস্তুত, জাতসারে কিছুই

ক্রটি করা হয় নাই। এখন তাঁরা এলেই পরম প্রীতি লাভ করি।

কল্যা। আমি একটু এগিয়ে দেখে আসি।

[প্রস্থান।

নবী। যদি তরঙ্গিণী ও ধীরেন্দ্রকুমারের——প্রজাপতির নির্বন্ধ।

কল্যাণীর সহিত ধীরেন্দ্র ও অনন্তের প্রবেশ।

কল্যা। এই নিন, কর্তামহাশয়।

(ধীরেন্দ্র ও অনন্তের বিনীত ভাবে প্রণাম।)

নবী। এস, বাবাজীগণ। (হস্তোত্তোলন পূর্বক) শুভমস্তু। কুললক্ষ্মী আজ আমার প্রতি সুপ্রসন্ন। ষটকীঠাকরুণ, এঁদের জলযোগের——

ধীরে। (নম্র স্বরে) যদি আমাদের ক্ষমা করেন—স্বল্প কালই হল, বাসায় আমাদের আহার হয়েছে।

নবী। ক্ষমা কি, বাবাজী! এ তোমাদের নিজের বাড়ী, নিজের ঘর। সকল বিষয়েই পেছানুযায়িক করবে। (ঈষৎ হাস্যের সহিত) তা, হস্তমুখের ব্যাপার না হোক, চক্ষুকর্ণের ব্যাপার টা হোক, শুভে বিলম্বের আবশ্যক কি?

[প্রস্থান।

কল্যা। উনি মেয়েকে নিয়ে আসতে গেলেন।

অন। (জনাস্তিকে) দাদা, আমার গাটা কেমন করছে!

ধীরে। (জনাস্তিকে) ভয় কি, ভয় কি, আমি আছি! (কল্যাণীর প্রতি) ষটকীঠাকরুণ, তুমি উপস্থিত থাকবে ত? আমরা অপরিচিত, আমাদের মাত্র দেখলে তিনি লজ্জিত ও সঙ্কুচিত হতে পারেন।

কল্যা। হ্যা, প্রথমটা আমি থাকব বই কি। আর তাঁর সঙ্গে তাঁর সেই সখী থাকবেন।

অন। (উদ্বিগ্নতর স্বরে, জনাস্তিকে) দাদা, সত্যি আমার গাটা কেমন কেমন করছে।

ধীরে। কিছু ভয় নেই, তাই! কোনও ভয় নেই! একটু গভীর

হলেই সব সেরে যাবে। মনে আছে ত ? (কল্যাণীর প্রতি) বলি, এই বার টা কেবল নবীন বাবুর কন্যাই এলে ভাল হত না ?

কল্যা। বড়বাবু—

অবগুণ্ঠনবতী চাক্রবাহিনী ও তরঙ্গিনীকে লইয়া নবীন-
কুণ্ডের পুনঃপ্রবেশ ।

(ধীরেন্দ্র ও অনন্তের ব্রীড়াবনতমুখে স্থিতি ।)

নবী। লজ্জা কি, মা, এগিয়ে এস। বাবাজীগণ, আমার আত্মজা, শ্রীমতী চাক্রবাহিনী, আর আমার হৃহিতার আশৈশব বন্ধু, আমার হৃহিতৃ-স্থানীয়া, শ্রীমতী তরঙ্গিনী। (সম্মিত্তে) অবশিষ্ট জ্ঞাতব্য, বধাসময়ে, উঁ হাদের নিজপ্রমুখাংই অবগত হবে ! অনন্তকুমার বাবাজী—

“অস্তি কন্তারহং মে, গৃহতামুপযোগী চেৎ”।

সেই উপযোগিতার বিচারভার তোমারই হস্তে। আর, ধীরেন্দ্রকুমার বাবাজী, একটা গুঢ় কথা বলি, শোন—

“ন রহমদ্বিষ্যতে, মৃগ্যাতে হি তৎ”।

এই যে এঁকে দেখছ—(কল্যাণীকর্তৃক, জনান্তিকে, নিবেদ্য)—(ঈশৎ হস্ত পূর্বক) ইনি নিতান্ত দুর্বৃত্তা নন ! তা, আমার একটা বিশেষ কণ্ঠ আছে, আমি এখন চললেম।

[প্রস্থান ।

কল্যা। ও গো চাক্রমাসী, তোমার বাপের জন্মতিথিতে, বুঝি, খুব ঝড় হয়েছিল ! উনি ত ঝড় ভিন্ন কথা কন না ! যখনই কিছু বলেন, ঝড় বয়—ঝড়, ঝড়, ঝড়। তা, এগিয়ে এস না। অত কি লজ্জা করতে হয়, ওঁরা ত আর “হাম” করে খেয়ে কেলবেন না ! (চাক্রবাহিনীর অবগুণ্ঠন মোচনে বিফল হইয়া) তা, না হয়, একটু এগিয়েই এস। (তরঙ্গিনী ও চাক্রবাহিনীকে ধীরেন্দ্র ও অনন্তের নিকটতর করণ।) (ধীরেন্দ্রের কিকিৎসাপসর্পণ। অনন্তের ধীরেন্দ্রপার্শ্বে লুকাইবার চেষ্টা।)

অন। (অতি নিম্নস্বরে, জনান্তিকে) দাদা, আমার গাটা ভারি কেমন করছে।

ধীরে। (পুনরায় কিকিদপস্বত হইয়া, জনান্তিকে) ভারি কেমন করছে, বটে। তাই ত! আমারও ষরটা—গরম বলে বোধ হচ্ছে।

কল্যা। ও গো, তোমরা দু' ভায়ে কি বলাবলি করছ গা, আমরা কি শুনতে পাই নে?

ধীরে। না—এই—ষরটা—ঠাণ্ডা—গরম—ঠেকছে—তাই—বলছিলেম।

কল্যা। ওঃ, “ঠাণ্ডাগরম” ঠেকছে! এইখানে এস দেখি, “গরমঠাণ্ডা” হবে এখন! (তঁাহাদিগের সন্নিগটে গমন।)

অন। (সহাসে, জনান্তিকে) দাদা, আমি এক বার বাইরে যাই, আমার মাথাটা বন্বন্ করে ঘুরছে, আবার আসব এখন। (প্রস্থানের উপক্রম।)

ধীরে। (সভয়ে, জনান্তিকে) না, না! (কল্যাণীকর্তৃক তাঁহার পথাব-
রোধ।) (প্রস্থানপরায়ণ অনন্তের দিকে দৃষ্টিপাতপূর্বক, শুদ্ধকণ্ঠে) অ—রে—
অ—ন—স্ত—রে——

[অনন্তের প্রস্থান।

কল্যা। ছোটবাবু আবার গেলেন কোথায়?

ধীরে। (অশ্রুতপ্রায় ধ্বনিতে) ওঁর—কিঞ্চিৎ—জরভাবের—মত—
হয়েছে—তাই—একটু—বায়ু—সেবন—করতে—গেলেন—গেলেন—আমি—
সঙ্গে—যাই।

কল্যা। না, না, আবার পথ ভুলে কোন দিকে যেতে কোন দিকে
গিয়ে পড়বে, তুমি এই ধানেই থাক, আমি তাঁর সন্ধানে যাবছি।
(গমনোদ্যম।)

ধীরে। (সাতিশর ব্যগ্রতার সহিত) ষটকীঠাকল্লণ, যেও না, যেও না,
দেখছ না, ওঁরা লজ্জা পাবেন!

কল্যা। তা, না হয়, তুমিই আগে বৌ দেখ, ছোটবাবু পরে দেখবেন?

ধীরে। (জনান্তিকে) তা—আমি—স্বীকার—আছি, কিন্তু তুমি যেও না।

কল্যা। আচ্ছা, তা, ওঁকে কি জিজ্ঞেস করবে, কর না।

ধীরে । (জনান্তিকে) ঘটকীঠাকরুণ, তুমি আমার হরেকিজ্জাসা কর, তা হলেই হবে ।

কল্যা । কেন গা, আমি কি ওঁকে বে করতে এসেছি, না, বৌ দেখতে এসেছি ? যার কাজ, সে নিজে করবে ।

ধীরে । আচ্ছা, ওঁকে জিজ্ঞাসা কর—জিজ্ঞাসা কর—অর্থাৎ—ও গো ঘটকীঠাকরুণ, তুমি আমাকে একটা শিথিয়ে দেও না, কি জিজ্ঞাসা করব ।

কল্যা । জিজ্ঞেস কর না, তোমার ভাইকে ওঁর বে করতে ইচ্ছা আছে কি না ।

ধীরে । আচ্ছা, তুমি তাই জিজ্ঞাসা কর ।

কল্যা । একটু গলা তুলেই, না হয়, কথা কও ।—অমাসী, তোমার ভাসুর তোমাকে জিজ্ঞেস করছেন, তুমি ওঁর ছোট ভাইকে বে করবে ?

তর । (জনান্তিকে, চাকবাহিনীর প্রতি) কেমন পরিপাটি প্রশ্ন দেখেছ ! তা, উত্তর দাও ।

চাক । (জনান্তিকে) তুমি আর জালিও না, ভাই, তোমারও এক দিন আছে ।

তর । (জনান্তিকে) জ্যোতির্বিদ্যার সঙ্গে না কি ! ভাল কথা মনে পড়ে গেল । (কল্যাণীকে সঙ্কেত ।)

কল্যা । কি গো তরঙ্গমাসী ?

তর । (জনান্তিকে) আমি যদি ওঁকে কথা কওয়াতে পারি, আমাকে কি দেবে ?

কল্যা । এমন দুই লাভুক ভাই, বাবু, যদি কখনও দেখে থাকি ! তোমাদের চারটে করে ঠ্যাং, কি হু হুট, তা পর্য্যন্ত পরিষ্কার রকম জানেন কি না, বলতে পারি নে ! যদি ওঁর মুখ ধোলাতে পার, আমি হার মানি ।

ধীরে । (কল্যাণীর প্রতি, মৃদুস্বরে) আমি অনন্তকে ডেকে আনি । (গমনোপক্রম ।)

কল্যা । আঃ, না গো, বড়বাবু, না, তিনি নিজেই, হয়ত, একটু পরে

আসবেন এখন। (জনান্তিকে তরঙ্গিণী ও চাকরবাহিনীর প্রতি) ও টা কেবল পালাবার ফন্দি! তা, ওঁকে কি বলবে, বল না। (তরঙ্গিণীকর্তৃক কল্যাণীর কর্ণে কথন।) বড়বাবু, ইনি, এঁর কাকার সঙ্গে, অনেক দেশ বিদেশ বেড়িয়ে-ছেন। ইনি বলেন, যে আমরা যত পশ্চিমে বাই, ততই ষড়ি পেছিয়ে যায়! এই এখানে যখন বেলা ১০টা, আর এক জায়গায় ৯টা মাত্র, আর আরও পশ্চিমে কোন খানে বা তখন ৮টাও বাজে নি। এমন ধারা টা কেন হয় গা, বড়বাবু? আমাদের ভাল করে বুঝিয়ে দেও দেখি। তুমি ত তারা, নক্ষত্র, তিথি, ষড়ীর কথা তলিয়ে বোঝ, পণ্ডিত মানুষ।

ধীরে। ই্যা, ঐ সব বিষয় কিছু কিছু জানি বটে—তা, আর একদিন বলব। আমার ভাই, অনন্ত—

কল্যা। (তরঙ্গিণীর বাক্যে কর্ণপাতানন্তর) আর ইনি বলেন, যে আমাদের দেশে যখন শীত কাল, তখন, না কি, কোথায় চৎবশেষের গর্দ্বি! বলি, সে টা সম্ভবে কেমন করে গা? -

ধীরে। ওঁ বোঝাতে অনেক সময় লাগবে। অনন্ত—

কল্যা। (তরঙ্গিণীর শিক্ষণে) ইনি বলছেন, সূর্য্য ত প্রত্যহ ওঠে, প্রত্যহ ডোবে, তবে যে শোনা যায় কোন দেশে ছ মাস রাত্তির আর ছ মাস দিন, এ কি অম্ভ্যায়, অসম্ভব কথা?

ধীরে। (সান্ধ্য, স্বগত) আমি মনে করতাম, বালিকাবিদ্যালয়ে আজকাল এ সব বিষয়ের বিধিমত শিক্ষা দেয়! (প্রকাশে) ষটকীঠাকরণ, সূর্য্য ওঠেও না, ডোবেও না, কিন্তু আমার ভাই—

কল্যা। (তরঙ্গিণীর নির্দেশে) ইনি শুনেছেন বটে যে সূর্য্যের উদয় অস্ত নেই, সূর্য্য ঘোরে না, আমাদের এই পৃথিবী ঘোরে, কিন্তু ইনি তা বিশ্বাস করেন না।

ধীরে। বিশ্বাস করেন না!!

কল্যা। (তরঙ্গিণীপ্রণোদিত হইয়া) না, বিশ্বাস করেন না। উনি বলেন, যে ঐ রকম, আশ্চর্য্য, আশ্চর্য্য কথা না লিখলে বই বিক্রয় না, সেই জন্তেই লোকে ঐ রকম লেখে। ওর এক আধটা প্রমাণ কিছু আছে?

ধীরে । এক টা নয়, দশ টা আছে । কিন্তু অনন্ত——

চারু । (সহাস্তে, জনান্তিকে, তরঙ্গিণীর প্রতি) আর কেন, ধাম না, ভাই !

তর । (জনান্তিকে) ছোট ভায়ের বে দিতে এসে কথা কইবেন না, বাঃ ! দেখছ না, ক্রমে কথা সরছে ! (কল্যাণীর কর্ণে কহন ।)

কল্যা । দশ টা ছেড়ে যে একটাও আছে, তা ইনি সন্দেহ করেন । ইনি বলছেন কি যে, “উনি নিজেই, হয়ত, জানেন না, কেবল শোনা কথা মুখস্থ বলছেন” ।

ধীরে । শোনা কথা মুখস্থ বলছি !!! আচ্ছা, এর এক টা সহজ প্রমাণ দিচ্ছি । কোনও উচ্চ কীর্তিস্তম্ভের উপর হতে যদি একটা গোলক পরিত্যাগ করা যায়, (ক্রমে উৎসাহবৃদ্ধির সহিত) সেই ত্যক্ত গোলক——
[তরঙ্গিণীর ইঙ্গিতে, ধীরে ধীরে, তাঁহার সহিত চারুবাহিনীর ও
কল্যাণীর প্রস্থান ।]

ধীরে ।——কথিত কীর্তিস্তম্ভের অব্যবহিত মূলদেশে পতিত না হয়ে, কিয়ৎ পশ্চিমতর ভাবে ধরাপ্রাপ্ত হয় ।——

অন্য কেহ নাই দেখিয়া অনন্তের প্রবেশ ।

অন । এ আবার হচ্ছে কি !

ধীরে ।——যদি পৃথিবীর গতি না থাকত——

অন । (ধীরেন্দ্রের কর্ণে, নিয়তীক্স শ্রবে) দাদা—১—১—১—১—১——

ধীরে । (হস্তাদিবিস্তার ও অর্ধলক্ষপ্রদান পূর্বক) ওরে বাবারে !

অন । (শিরঃসঞ্চালন করিয়া) কিসের কীর্তন হচ্ছে ?

ধীরে । ওঃ, ভূমি !

অন । হচ্ছিল কি ?

ধীরে । ঐ—ঐ—এক টা বক্তৃতা মুখস্থ করছিলেম—সকলকে শুনিবে দেব বলে । তা না হলে মান্ত করবে কেন ? গস্তীর হওয়া চাই ত ?

অন । বটে ? তা, ওদের সঙ্গে কি রকম টা হল ?

ধীরে । হবে আবার কি রকম ? বেশ হল । অনেক কথাবার্তা হল ।

অন। দাদা, তুমি সভ্য তাদের সঙ্গে কথা করেছিলেন ?

ধীরে। মুখ গোঁজ করে বোকার মত বসে ছিলেম, বুঝি? মেয়েটা বড় ভাল। তোমাকে বিবাহ করতে স্বীকার আছেন কি না, জিজ্ঞাসা করা হল।

অন। তা, কি বললে ?

ধীরে। ভদ্র লোকের মেয়ে, বলবেন আবার কি ? লজ্জায় ষাড় হেঁট করে রইলেন।

অন। বলি, দাদা, বলি——

ধীরে। কি, বলই না।

অন। বলি—বলি—(হঠাৎ) সেটা দেখতে কেমন ?

ধীরে। কেন, তুমি কি ষটকীর মুখে শোন নি, তিনি দেখতে কেমন ?

অন। হ্যাঁ, কিন্তু তোমার চক্রে ঠেকল কেমন ?

ধীরে। অনন্ত, আমার দ্বারা ষটকীর বর্ণনার অলৌকিক প্রমাণ হবে যদি আশা করে থাক, তোমার ভ্রম হয়েছে।

অন। তবু——

কল্যাণীর পুনঃপ্রবেশ।

কল্যা। এই যে, ছোটবাবু এসেছেন !

ধীরে। অনন্ত তাঁকে আর একবার দেখতে বড়ই ইচ্ছুক, তাঁর অঙ্গ-সৌষ্ঠবের বিষয় নিঃসন্দেহ হতে চায়।

কল্যা। বটেই ত, সে ত ভাল কথাই। আমি তাঁকে নিয়ে আসছি। (গত্যারম্ভ।)

অন। (ত্রস্তভাবে) না, না, দাদা দেখেছেন, তাই যথেষ্ট, আবার আনবার কোনও প্রয়োজন নেই, কষ্ট দেওয়া হবে মাত্র।

কল্যা। কিসের কষ্ট, কেবল ও ষর থেকে এ ষর।

[প্রস্থান।

(অনন্তের পুনঃপলায়নের উপক্রম ও ধীরেন্দ্র কর্তৃক ধারণ।)

ধীরে। ও রকম করে তোমার চলে যাওয়াটা ভাল নয়। বিবাহ তোমার স্বপ্ন মনে করবেন কি ?

অন। কারও, বুঝি, মাথা ধরে না ? (সত্রাসে) দাদা, ঐ আসছে !

চারুবাহিনী ও তরঙ্গিনীকে লইয়া কল্যাণীর পুনরায় আগমন ।

কল্যা। এই নাও, ছোটবাবু, এই বার ভাল করে নিজের ধন নিজে চিনে নেও ।

ধীরে। (কৌশলে অনন্তকে গৃহমধ্যবর্তী করিয়া, জনান্তিকে) এ বার তোমার দেখবার খুব সুবিধা হয়েছে, কোনও অন্তরায় নেই। বেশ করে দেখে নাও । কি জান, ভাই, চিরজীবনের ব্যাপার ।

অন। (অক্ষিপ্ৰান্ত দ্বারা দর্শন, ও জনান্তিকে) দাদা, ওরা এ বাগে কেউ চেয়ে নেই । তুমি যদি ঐ ও বাগে খানিক চাও, ত, আমি এক বার চেষ্টা দেখি—চেষ্টার অসাধ্য ক্রিয়া নাই। (চারুবাহিনীর মুখের দিকে মুহূর্তের জন্য চক্ষুরুন্মম, ও সেই সময়ে তাঁহার প্রতি চারুবাহিনী ও তরঙ্গিনীর দৃষ্টিপাত ।) (ভয়সঙ্কোচে) দাদা, চায় যে !

ধীরে। (জনান্তিকে) তা ত কিছু অস্বাভাবিক নয়। তুমিও চাও না, গভীর হয়ে ও দের বাগে চাও, ওঁরা ভয় পেয়ে যাবেন এখন ।

কল্যা। ওগো, বড়বাবু, ছোটবাবু, বলি এ কি রকম কনে দেখা গো ! চেয়েই দেখ !

অন। (জনান্তিকে) দাদা, তুমি আগে চাও । আমি তোমার পরে চাইব ।

ধীরে। (হঠাৎ অনন্তের নিকট হইতে অপগত হইয়া, অলুচ্ছব্রে) ষটকোঠাকরণ, অনন্তকে তোমার কাছে রেখে গেলেম——

অন। (জনান্তিকে) অ দাদা, তোমার পায়ে পড়ি যেও না, অ দাদা, তোমার পায়ে পড়ি যেও না——

ধীরে।——বা জিজ্ঞাসাদি করতে হবে, তুমি আবশ্যকমত সব বলে টলে দিও ।

অন। (জনান্তিকে, কাতরে) অ দাদা, তোমার পায়ে পড়ি, আমাকে এই বাঘিনীদের হাতে ফেলে দিয়ে যেও না, অ দাদা——

ধীরে। (অনন্তের প্রতি) আমি আসছি এখনি আবার ।

[প্রস্থান ।

কল্যা। (চারুবাহিনীকে অনন্তের কিক্লিকটে আনিয়া, ও তাঁহার অবগুণ্ঠন সম্পূর্ণ উন্মোচন পূর্বক) দেখ দেখি, ছোটবাবু, এমন মেয়ে কখনও দেখেছ !

অন। (চক্ষু মুদ্রিত করিয়া, সকম্পে, স্বগত) অরে বাবা, এর চেয়ে যে সেই নটীগুণ ভাল ছিল, এত কাছে আস ত না !

কল্যা। মাসী, এই আলোর দিকে আর একটু এস, উনি ভাল করে দেখতে পাচ্ছেন না। (চারুবাহিনীকে অনন্তের আরও নিকটবর্তী করণ।)

অন। (স্বগত) গিয়ছি, বাবা, একেবারে গিয়ছি! কোন শালা আর নটীদের নিন্দা করবে, তারা এমন করে গায়ে ঢলে পড়ত না !

কল্যা। (অনন্তের মুখের প্রতি নিরীক্ষণ পূর্বক) ও মা, চক বুজিয়ে রয়েছে, দেখি!— পরে কত কোলে করবে, আদর সোহাগ করবে, অত লজ্জা কেন গা ?

অন। (স্বগত) গিয়ছি গো, বাবা, গিয়ছি—গিয়ছি, গিয়ছি, গিয়ছি! কোলে করবে! আদর সোহাগ করবে! এই যাত্রাটা একবার রক্ষা পেলে হয়, ভাল করে বে করব এখন !

তর। (জ্ঞানান্তিকে) ষটকীঠাকরুণ, আমি প্রতিবাসিনী, আর এর পর সম্পর্কে এক প্রকার শালী হলেও হতে পারি, আমি ওঁর সঙ্গে কথা কইলে কিছু দোষ আছে ?

কল্যা। দোষ, মাসী! বড়বাবুকে যেমন কথা কইয়েছিলে, এঁকেও তেমনি পার, ত, ধন্য মেয়ে বলি।

তর। (জ্ঞানান্তিকে) কিছু রোগ গুরুতর। তাঁর সুস্থ কন্যা দেখা, আর ইনি হচ্ছেন নিজে কর্মী। (অনন্তের প্রতি কোমল স্বরে) আপনি আমাকে ক্ষমা করবেন, চারুবাহিনী আমার প্রায় ভগ্নী, জন্মে না হোক, মেহে। আপনি কি ষথার্থই তাঁকে বিবাহ করতে অভিলাষী ?

অন। উ—হঁ—দাদা।

তর। ওঃ, আপনার দাদা বিবাহ করবেন ?

কল্যা। ওগো, মাসীমারা, আমি এখানে না থাকলে, হয়ত, উনি তোমাদের সঙ্গে মন খুলে কথা কইবেন।

[প্রস্থান।

অন। (হতাশভাবে, স্বগত) যাঃ, যে এক জনকে চিনতেই, সেও গেল। আমার বুকের ভিতরটা যেন কি হচ্ছে। হে দাদা, যদি এই সময়ে একবার এস!

তর। আপনি বিদ্বান্, বুদ্ধিমান, আমাদের সঙ্গে কথা কইতে যে কেন কুণ্ঠিত হচ্ছেন, তা বুঝতে পারি নে। ও কি লজ্জায়—না ঘৃণায়?

অন। হঁ—না।

তর। “হঁ—না”। অর্থাৎ, প্রথমে বলতে যাচ্ছিলেন “হঁ”—আমাদের সঙ্গে ঘৃণায় কথা কইতে চান না। তার পরে শিষ্টাচারের বিধি শ্রবণ হওয়াতে, বললেন “না”।

অন। না।

তর। অস্বীকার করলে আর কি হবে? তা, আপনি আমাকে ঘৃণা করতে পারেন বটে, কারণ আমার হস্তক্ষেপ অনধিকারচর্চা—

অন। (দীর্ঘনিশ্বাসের সহিত, স্বগত) অনন্তকুমারের যা একটু বুদ্ধি শুদ্ধি ছিল, ঐ বক্তৃতার চোটে, আর বাগ্মিতার শ্রোতে, তাও আজ ভেসে গেল—

তর। কিন্তু যাকে আপনি বিবাহ করতে এসেছেন, অন্ততঃ, বিবাহোদ্দেশে পরীক্ষা করতে এসেছেন, যিনি, সম্ভবতঃ, আপনার সহধর্মিণী, জীবন-সথী—

অন। (কল্যাণীর কথা শ্রবণপূর্বক, স্বগত) অর্থাৎ কি না, কোলে করতে হবে, আদর সোহাগ করতে হবে—

তর। সম্পদে, বিপদে, স্বদেশে বিদেশে, সহচারিণী, একমাত্র সঙ্গিনী—

অন। (স্বগত) ছিনে জোঁকের মত—

তর। সুখে সুখরুদ্ধিকারিণী, দুঃখে দুঃখভ্রাসবিধায়িনী—

অন। (স্বগত) যদি ভাল থাকি ত কথা করে, বকিয়ে, জ্বালাতন করে মারবে, ঐ হল “সুখে সুখরুদ্ধিকারিণী”; আর অসুখ হলে, তার উপর আরও বকিয়ে আমার প্রাণটা একেবারে বের করে দেবে, তাই হল

“হুঃধে হুঃখত্বাসবিধায়িনী”। আচ্ছা, বল, বল, বলে বাও, অদৃষ্টে আরও কত নিগ্রহ আছে, না জানি। সব গুল আগে থাকতে শুনে নিই——

তর। যিনি, বা, এক সময়ে আপনার এবশ্বিধ, আত্মীয়তম আত্মীয়া হবেন, প্রণয়ে যিনি আপনার সুক্ক অর্দ্ধাঙ্গভাগিনী নন, কোনও দিন অন্তরের অন্তরও হতে পারেন——

অন। (স্বগত) বস্ত্রীঠাকরুণ, ঐ ধানে দাঁড়ি দাও, আমাকে না চিরে ফেললে ত আর তা হবার যো নেই ? কোলে বসতে চায়, বসুক, তাতে; না হয় (দীর্ঘনিশ্বাসপরিত্যাগ), এক দিন স্বীকার আছি, কিন্তু “অন্তরের অন্তর” কিঞ্চিৎ বাড়াবাড়ি হচ্ছে না ?——

তর। আপনার তাঁকে উপেক্ষা করা, তাঁকে ঘৃণা করা, আমার বিবেচনায় উচিত বলে বোধ হয় না। তবে, অবশ্য, আপনার বিশ্ববিদ্যালয়সুগভীর-পরীক্ষামার্জিতবুদ্ধির নিকষণে এ সমস্ত অন্ত বর্ণে প্রতীয়মান হতে পারে। আমি মুখা। আপনি বিদ্বান্। ঘণিতা, অনধিকারচারিণীকে মার্জনা করবেন। (প্রায় ভূতল স্পর্শ পূর্বক প্রণাম।) (স্তম্ভিত ভাবে অনন্তের প্রতিপ্রণাম।)

[তরঙ্গিণীর প্রস্থান।

অন। (স্বগত) আমি ত ওকে কিছু বলি নি, ও রাগ করলে কেন ?

চারু। (ভূপতিতচক্ষু ও চিন্তিত অনন্তের প্রতি দৃষ্টি করিয়া, স্বগত) আমি ত এর কিছুই বুঝতে পারছি নে! এ কি অভিনয় না, আর কিছু ? (প্রকাশে অতিশয় মূহ ও স্তম্ভিত করে) আপনি——

(তরঙ্গিণী পুনরাগত। বোধে অনন্তের তাঁহাকে প্রণাম করণ।)

[লজ্জারূপে চারুবাহিনীর প্রস্থান।

অন। (জড়বৎ) আমি দাঁড়িয়ে কি বসে, তা জানি নে। দাদা যদি আসে——

ধীরেন্দ্রের পুনঃপ্রবেশ।

ধীরে। কেমন, আমাকে যে একলা ফেলে পালিয়ে গিয়েছিলে, তার শোধ পেয়েছ ?

অন। দাদা—কোলে—বসতে—চায়। (এক খানা চৌকীতে উপবেশন পূর্বক, প্রায় মুচ্ছিতের ন্যায় অগ্নিনির্মীলন ও কষ্টে শ্বাস গ্রহণ।)

ধীরে। (তৎসম্মিথানে আগমনপূর্বক, উদ্বিগ্নচিত্তে) এ কি, এ কি? (অনন্তের হস্তাদি পরীক্ষণ।)

অন। কো—লে—কো—লে—ব—স—তে—চা—য়——

কল্যাণীর প্রবেশ ।

কল্যা। বলি, খুব যা হোক !

ধীরে। (ক্রমালঙ্ঘ্য ব্যঞ্জন করিতে করিতে, শোকাভিভূত স্বরে) ষটকৌঠাকরণ, কিছু বলো না, বলো না, দেখছ না, সন্ধিগর্শ্বি হয়েছে ! স্বরের ছেলে, ভালয় ভালয় এখন স্বরে ফিরিয়ে নিয়ে যেতে পারলেই বাচি।

কল্যা। (সোদেহগে) য্যা, বটে ! (ব্যস্ত ভাবে জল আনয়ন ও অনন্তের মুখে তাহা সিকন।) আহা হা, ছেলে মাহুয, বোঁ দেখে মুচ্ছা গেছে।

(উভয়ের ব্যঞ্জন, ইত্যাদি।)

যবনিকাপতন।



তৃতীয় অঙ্ক ।

প্রথম গর্ভাঙ্ক ।

নবীনকুমার গৃহবাটিকা ।

কল্যাণী, তরঙ্গিণী ও চাকু বাহিনী উপস্থিত ।

কল্যা। আমি ত এর কিছু দিশে রাহা দেখতে পাচ্ছি নে। ওগো মাসীমারা, তোমরা আজকালের মেয়ে, এত লেখাপড়া জান, ভেবে চিন্তে তোমরা নিজে এর কোনও একটা উপায় করতে পার না ?

তর। (চিন্তাপূর্বক) পা—রি, কিন্তু কিছু ছলনার আবশ্যক ।

চাকু। ছলনা !

তর। মারাত্মক নয়—সম্পূর্ণ নূতনও নয়। কিন্তু প্রয়োগে সাহস ও কৌশল উভয়েরই প্রয়োজন ।

কল্যা। আচ্ছা, কৌশলটা তুমি বলে দাও, সাহসের ভার আমার । ও দুই ভাইকে পাড়বই পাড়ব, তা যা আছে কপালে । এতটা কাল ষটকৌ-গিরি করে এসে, এই বুড় বয়সে, ত্রি দু জন ছেলে ছোপারার কাছে হেরে যাব ? নাক কাণ কেটে ফেলব না ?

তর। চাকু, আমি কাট খড় সুপিয়ে দেব, কিন্তু, ভাই, পড়তে হবে তোমাকে নিজে । স্বীকার আছে ?

চাকু। (সঙ্কোচের সহিত) বাবা কি বলবেন ?

কল্যা। আঃ, কিসের বাবা গো, মাসীমা ? তিনি টেরই পাবেন না ! তাঁকে বলতে যাবে কে ? আর ষত দিন না এর একটা ষাধ্য হয়, তরঙ্গ-মাসী এই ধানে থাকবেন, তা ত জান—ওঁর কাকা মত দিয়েছেন । তোমরা দু জন আছ, আর আমি আছি, ভয় কি ?

তর। চাকু, এক বার দীন বেশ ধরতে পার ? “ধান” পরতে বলছি নে, এক ধানী সামান্য ফরশডাঙ্গার, বা সিমলের গুতি হলেও চলবে । ঢাকাই,

বারাণসী বাস । বালা রাখতে পার, কিন্তু “ঘড়োয়া” নয়, আর অন্য কোনও আভরণও নয় ।

চারু । হুঃখীর মেয়ে সাজতে হবে ! তোমার কাকা সে বার যে শান্তি-পুরে কাপড় খানা দিয়েছিলেন, তাতে হবে ?

তর । হবে । কিন্তু এ রণের প্রথম শব্দ—“ভাই ভাই, ঠাই ঠাই” । হু ভাইকে পৃথক্ করতে হবে । এ ত জানই—যোগে বল, বিয়োগে জয় ।

চারু । হু ভাই যে অভিন্নসংযোগ, যুগলদেহে এক আত্মা ! পৃথক্ করবে কেমন করে ?

কল্যা । রেখে দাও না, চারু মাসী—মেয়ে বুদ্ধিতে ওর চেয়ে শব্দ ঘোড় ভাসতে পারি । তরঙ্গ মাসী, এই যুদ্ধে তুমি গুরু, আমরা চেলা । এক বার হুকুম দেওনা, বড়কেই হোক, আর ছোটকেই হোক, একেবারে নদীপার করে দিয়ে আসি ।—আর তার পর ?

তর । (সম্মিতে) পরে বলব, কিন্তু তাঁদের তত দূর পার করতে হবে না । কেবল, পালাক্রমে, এক বার এঁকে, এক বার ওঁকে স্বরের পার করা চাই । পারবে ?

কল্যা । (তীব্র কণ্ঠে) পারব ! পারব না, হারব ? নাক কাণ কেটে আঁস্থাকুড়ে ফেলে দেব না ? পারব ! (অঙ্গুলিমোটনের সহিত) এই এক শ বার পারব, এই দু শ বার পারব, এই দু হাজার বার পারব ।

চারু । (সহাস্যে) ষটকীঠাকরুণ, দেখছি, ওঁদের জয়ে পণ করেছেন !

কল্যা । পণের কথাই ত, মাসী ! কনে দেখতে এসে সর্দিগশ্মি যায় ! (উত্তেজিতভাবে) সর্দিগশ্মি গো, মাসী, সর্দিগশ্মি !! সর্দিগশ্মি !!!

[সকলের প্রস্থান ।



দ্বিতীয় গর্ভাক।

নবীনকৃষ্ণের বাটীর দ্বুজ অধিবেশনগৃহ।

ধীরেন্দ্র ও অনন্তের প্রবেশ।

অন। দাদা, কোমণ্ড রকমে কি পালিয়ে যাবার উপায় নেই ?

ধীরে। না, না, না, পালিয়ে যাওয়া কোনও মতেই হতে পারে না। আমরা এসেছি ভদ্রলোকের মত, যাবও ভদ্রলোকের মত—চোরের মত নয়। কিন্তু, ভাই, দেখ, এক টু সাহস করে যদি বিবাহটা করে ফেলতে পার, বড়ই ভাল হয়। তুমি নিজেও সুখী হবে, আমাকেও সুখী করবে। অনন্ত, আমি তোমাকে কখনও কোনও অনুরোধ করি নি—ভাই, এই বার করছি, যদি আমার কথাটা রাখ।

অন। দাদা, আমি ওতে স্বীকার হলে কি তুমি যথার্থই সুখী হও ?

ধীরে। ভাই, আমি অত্যন্ত সুখী হই, মনের সহিত সুখী হই।

কল্যাণীর প্রবেশ।

কল্যা। বড়বাবু, কর্তামহাশয় তোমাকে ডাকছেন।

ধীরে। কেন ?

কল্যা। কি একটা দরকার আছে।

ধীরে। তিনি কোথায় ?

কল্যা। দালানে। চল, আমি তোমাকে সঙ্গে করে নিয়ে যাচ্ছি।

ধীরে। চল।

[কল্যাণীর সহিত ধীরেন্দ্রের প্রস্থান।

অন। ঐ, আমার বের কথা বলবার জন্য, আর কিছুই নয়। পৃথিবী-
হুত্ব মোর আমার বের জন্য পাগল হয়েছে! আমি যেন একটা কি! (পরি-
কল্পনা) তা, কি বল, বেটা করে ফেলি! একবার বই ত আর দু'বার করতে

হবে না ? আসল কথাটা হচ্ছে, আমি দাদার মনে কষ্ট দিতে পারি নে। যদি পাপ থাকে, দাদার কথার উল্লঙ্ঘনে আছে। কেবল ছুঁড়ো টে কানা কি ধোঁড়া, তা জানতে পারলেম না, এই দুঃখ রইল। আর সে বিষয়ে দাদাও, বোধ হয়, তেমনি পণ্ডিত ! (দ্বারের দিকে দৃষ্টি করিয়া) আরে মলো, এ আবার কে একটা আসছে ! (ত্বরিত উপবেশন, ও এক ধণ্ড সন্ধ্যাপত্র লইয়া, পাঠাভিনিবিষ্টভাবে, তদ্যবধানে মুখপোপন।)

চারুবাহিনীর প্রবেশ ।

চারু। (স্বগত) বটে ! আচ্ছা, দেখি, তোমার মুখ দেখতে পাই কি না ! (নিকটে আগমন পূর্বক, প্রকাশ্যে) ছোটবাবু মহাশয়, আপনার যদি পড়া হয়ে থাকে, বাড়ীর ভিতরে তাঁরা ঐ কাগজ থানা চাচ্ছেন।

অন। (স্বগত) ওঃ, একটা চাকরাণী ! (প্রকাশ্যে) আচ্ছা, এই নিয়ে যাও। (ভিন্ন দিকে আননাবর্তন পূর্বক, সাবধানে, সম্ভবতম দূর হইতে, চারুবাহিনীকে সন্ধ্যাপত্র প্রদান।)

চারু। (অনন্তের মুখের দিকে কিঞ্চিৎ সরিয়া) আর, ছোটবাবু মহাশয়, বড়বাবু মহাশয় কর্তৃমহাশয়ের সঙ্গে বেরিয়ে গিয়েছেন, সন্ধ্যার আগে ফিরবেন না, তা আপনার জলখাবারের আসন পাতা যাবে কি ?

অন। (অল্প দিকে বদনপর্যবর্তের সহিত, স্বগত) বাড়ীর চাকরাণী গুণ পর্যন্ত কাছে এসে কথা কইতে চায়। আমি কি কান্না না কি ? (প্রকাশ্যে) না, আমার ক্ষুধা নেই।

চারু। (পুনরায় অনন্তাভিমুখে গমন করিয়া) তা, না হয়, এইখানে নিয়ে আসি ?

অন। (অবনত মুখে, স্বগত) কচুপোড়া খেলে বায়ে লক্ষীছাড়া চাকরাণী টে, মুখের দিকেই আসে ! (প্রকাশ্যে, ঐযৎ কষ্ট করে) আমি পূর্বেই বলেছি, আমার ক্ষুধা নেই।

চারু। (নয়নে অকল দিয়া, ক্রন্দনের ভাবে) আপনি আমার উপর রাগ করবেন না, আমার ষাট হয়েছে। ওঁরা বলে পাঠিয়েছিলেন বলেই আপনাকে বললাম। তা, আমার ষাট হয়েছে।

অন। (স্বগত) অতটা কড়া করে বলাটা ভাল হয় নি, ভয়ে কঁদে ফেলেছে! (চারুবাহিনীর দিকে অন্ন মুখ তুলিয়া, মৃদুভাবে) না, আমি তোমার উপর রাগ করি নি, আমার সত্যই ক্ষুধা নেই।

চারু। (অকলে চক্ষু মুছিতে মুছিতে) আমি মনে করলেম, আপনি, বুঝি, আমার উপর রাগ করেছেন। তা, আপনি রাগ করেন নি?

অন। (চারুবাহিনীর প্রতি এক বার পূর্ণ দৃষ্টি পূর্বক, সাহসে, স্বগত) অরে, একটা ছেলে মানুষ! (প্রকাশ্যে) বাঃ, আমি তোমার উপর রাগ করব কেন, তুমি তো কোন দোষ কর নি! আমি তোমাকে পূর্বে কখনও এ বাড়ীতে দেখি নি। তুমি কি নতুন এসেছ?

চারু। (বিনীত কর্ণে) আজ্ঞা, না, আমি এখানে অনেক দিন আছি।

অন। (স্বগত) ভাল মানুষ, ভাল মানুষ বলে বোধ হচ্ছে। দাঁড়াও, একে সেই সেটার কথা জিজ্ঞাসা করি। না জেনে একটা কানা খোঁড়া মেয়ে বে করব, এ কোন দেশী কথা! (প্রকাশ্যে) তুমি এ বাড়ীর সকলকে চেন?

চারু। আজ্ঞা, হ্যাঁ, চিনি বই কি।

অন। (নিম্নতর, স্বরে) দেখ, তোমাকে একটা কথা বলতে চাই। তুমি কাকেও বলবে না?

চারু। (উৎসাহদায়ক ভাবে) কি, বলুন না।

অন। ঐ যে নবীন বাবুর মেয়ে, সে দেখতে কেমন, আমাকে বলতে পার? তুমি ঠিক সত্য বলো, আমি কাকেও বলব না, তোমার ভয় নেই।

চারু। কেন, আপনি কি তাঁকে দেখেন নি?

অন। ভাল করে নয়।

চারু। আমি তাঁকে বলব গিয়ে, আপনি তাঁকে ভাল করে দেখতে চান?

অন। (সজ্ঞাসে) না, না, না, না। (স্বগত) এমন ছেলে মানুষ কোথায়ও দেখি নে। কিছু বোঝে না। (প্রকাশ্যে) বলি, তুমি এই অন্ন বরসে দাসীহস্তি কর কেন? তোমার কি কেউ নেই?

চারু। (নয়নে পুনরুৎসাহ অকল দিয়া) ও কথাটা তুলবেন না, তুলবেন না।

অন । (সদয় চিন্তে, স্বগত) হয়ত বিধবা, কিন্তু হাতে ত বালা দেখছি ।
(প্রকাশ্যে) তুমি ছেলে মানুষ—বিধবা হয়েছ কত দিন ?

চাক্র । (সহসা মুখ তুলিয়া, সান্বিতে) অনন্ত বাবু, আমার এখনও বিবাহ হয়নি !

অন । (স্বগত) হঁ, দেখতে মন্দ নয় । তা, সেই চাক্রবাহিনী টে যদি এর মত কতক টা হয়, তা হলেও যে রক্ষা পাই ! (প্রকাশ্যে) তুমি দাসী, আমার নাম করতে তোমার ভয় হল না ?

চাক্র । (ভীতস্বরূপে, করষোড়ে) অধিনীর অপরাধ হয়েছে, নিজের মহানুভাবতাগুণে মার্জনা করবেন ।

অন । (সাস্থ্যে, স্বগত) “অধিনীর অপরাধ হয়েছে, নিজের মহানুভাবতাগুণে মার্জনা করবেন” ! হে ছেনা চাকরাণী, তুমি ও রকম সাধু ভাষা শিখলে কোথায় !—যদি স্ত্রীলোক না হত, এটার সঙ্গে একটু ইয়ার্কির চেষ্টা দেখতেম । (পত্নীভাবে) তোমাকে ক্ষমা করলেম । তোমার নাম কি ? আর তোমার বিবাহ হয় নি কেন ? তুমি লেখা পড়া শিখলেই বা কোথায় ?

চাক্র । প্রথম প্রশ্নের উত্তর—দাসী বলেই সম্প্রতি পরিচয়, ভবিষ্যতে অধিক অবগত হলেও হতে পারেন । দ্বিতীয় প্রশ্নের সিদ্ধান্ত—বিবাহের উপযুক্ত পাত্র কেউ পূর্বে সম্মুখীন হন নি । তৃতীয়ের সমাধা—পিড়ভবনে ও কুমারী-বিদ্যালয়ে ।

অন । (সাত্বিয় আস্থ্যে, স্বগত) কাণ্ডকারখানা টা কি ! অনন্তকুমার, তোমাকে না পূর্বেই বলেছিলাম, স্ত্রীলোকদের সঙ্গে মিশো না, তুমি তাদের সমকক্ষ নও ? (প্রকাশ্যে) সেই পিড়ভবন কোথায়, জিজ্ঞাসা করতে পারি কি ?

চাক্র । জিজ্ঞাসা আপনি নিশ্চয়ই করতে পারেন, কিন্তু উত্তরপ্রাপ্তি পরসাপেক্ষ ।

অন । (উত্থান করিয়া, স্বগত) আমার বুদ্ধি টে আবার লোপ পেয়ে আসছে । (প্রকাশ্যে) ঠাক্রে আমি প্রথমে দাসী বলে ভেবেছিলাম, তিনি আমার বিষয় সমস্ত বিদিত, কিন্তু আমার দুর্ভাগ্য, তাঁর নাম পর্যন্ত

আমি অজ্ঞাত। আমার রূঢ়তার কুপিত না হয়ে, দয়া করে তিনি যদি আমার সেই অজ্ঞতা বিদূরিত করেন, আমি নিরতিশয় অনুগৃহীত হই।

চারু। মহাভাগ, দাসীর দাসীত্বে সন্ধিহান হবেন না। দাসী, দাসী—
চিরদাসী।

অন। (স্বগত) অহে অনন্তকুমার ভায়া, তুমি এখন কোথায় ? তোমাকে স্পষ্ট দেখতে পাচ্ছি নে। কিন্তু তোমাকে একটা সু পরামর্শ দিই, শোন। কেন আর কলঙ্ক বাড়াও, তুমি এক কণ্ঠের কর্ম্মী নও। সকলেই জানে, তুমি একটা বিখ্যাত বোকা। গ্রামের, বলীবর্দ্ধ, গ্রামে ফিরে যাও। (প্রকাশ্যে) অজ্ঞাতপরিচয়ার নিকট অধম অদ্য সবিনয়ে বিদায় গ্রহণ করছে। (প্রস্থানোদ্যম।)

চারু। (উদ্বিগ্নভাবে, অনন্তের পথরোধ পূর্বক) আপনি কোথায় যাচ্ছেন ?

অন। যেখানে ভয় নাই, শান্তি আছে—নিজালয়ে, রাণাঘাটে।

চারু। (উদ্বিগ্নতরস্বরে) আপনি কি ক্ষিপ্ত ? আপনার দাদা মনে করবেন কি ?

অন। (চিন্তিতাস্যে, স্বগত) দাদা—পৃথিবীর অনন্যোপম, অকপট বন্ধু—তঁার মনে কষ্ট দেখে—কিন্তু—কি করি—কেবল অপমান বৃদ্ধি মাত্র—আমাদের উভয়েরই। (প্রকাশ্যে) বোধ হয়, প্রত্নকারিণী তাঁকে ক্ষিপ্তের প্রস্থানসংবাদ দিতে অস্বীকৃত নাও হতে পারেন ?

চারু। আপনি ক্ষিপ্ত হতে পারেন, কিন্তু প্রত্নকারিণীর ক্ষিপ্ততা এখনও স্থির দাঁড়ায় নি। (দ্বারা বরোধ পূর্বক স্থিতি।)

অন। ক্ষিপ্তপলায়ননিবারণকারিণীর অধ্যবসায় অসাধারণ, সন্দেহ নাই, কিন্তু নীতিসঙ্গত কি ?

চারু। (দ্বার পরিত্যাগ করিয়া) আচ্ছা, আপনি বান, আমিও আপনার সঙ্গে যাব।

অন। কি স্বপ্নে ?

চারু। বীরবর, ত্রীর সঙ্গে !

অন। (হতবুদ্ধিভাবে) সেটা আবার হল কি ?

[প্রস্থান।

[প্রস্থান।

তৃতীয় গর্ভাক্ষ ।

নবীনকুমার বাটী—প্রাসাদশিখর ।

ধীরেন্দ্রের প্রবেশ ।

ধীরে । তিনি নিজেই এক মহৎ কাব্য, বা জীবন্ত পুস্তকাগার । তাঁর সাহায্যে অন্য সংস্কৃত সাহিত্যসাম্রাজ্যের এক প্রান্ত হতে অপর প্রান্তে গমন করেছি—তন্ত্রায়ালঙ্কার-কাব্য-বিজ্ঞান-সমৃদ্ধ মহন করেছি ! বাস্তবিক, বলতে কি, আমাদের পুরাতন উচ্চতম চিন্তা ও পরিদর্শনে আর আধুনিক, পাশ্চাত্য, উচ্চতম চিন্তা ও পরিদর্শনে এত সৌসাদৃশ্য ও নিকট সম্বন্ধ আছে, তা জানতেম না ! যখন ডাকিয়ে পাঠান, মনে করেছিলেম, ঐ বিবাহের সম্বন্ধে, বুঝি, কি বলবেন । শঙ্কিত হয়ে ছিলেম । তা নয়, “আর্য্য-বর্ষের উদারতা, আর্য্যবিদ্যার গভীরতা”, এই প্রসঙ্গ ! কিন্তু আমার সময় নষ্ট হয় নি, মুক্ত কণ্ঠে স্বীকার করি । (পরিভ্রমণ ।) শুনলেম, অনন্ত এই ধানে আছে । গেল কোথায় ? এই বিবাহের উত্তেজনায় যেন সমগ্র ধরণী বিপর্য্যস্ত হয়ে পড়েছে । শেষ হলোই পরিত্রাণ পাই ।

তরঙ্গিণীর প্রবেশ । *

তর । (মৃদুগন্তীর স্বরে) আপনার ভ্রাতার বিবাহ নিষ্পন্ন হলে, স্ত্রী আপনি নন, আমরাও সকলেই পরিত্রাণ পাই । বাড়ীর দাসীদের সঙ্গে যথেষ্ট কথোপকথন, তাদের অত্যাবশ্যকীয় গৃহকর্মে ব্যাঘাত প্রদান, নিভৃতে তাহ্মিণকে তাদের প্রভুকন্টার বিষয় জিজ্ঞাসাবাদ—বোধ হয়, আপনার সোদরের উপযুক্ত, বা ভদ্রাহুযায়ী ব্যবহার নয় ।

ধীরে । (লজ্জাশর্ধ্যজিত কণ্ঠে) আপনি কে ? আর কি বললেন, কিছুই বুঝতে পারলেম না !

তর । কল্যাণী মাসী, ষটকীঠাকরুণ, আমাকে পাঠিয়ে দিয়েছেন । তাঁর শরীর কিঞ্চিৎ অসুস্থ, নিজে আসতে পারেন নি—আমি তাঁর প্রতিনিধি । আর আপনার অম্বলের কথা, তাঁর লজ্জাহীনতার, অনিষ্টতার কথা বলছিলেম ।

ধীরে । (তীব্র স্বরে) আমার ভাই লজ্জাহীন ও অশিষ্ট, এ কথা কে বলে ?

তর । আমি বলি ।

ধীরে । প্রমাণ ?

তর । স্বচক্ষে দৃষ্টি ।

ধীরে । সময় ও স্থান ?

তর । কিয়ৎকাল মাত্র পূর্ব—দ্বিতলস্থ অধিবেশন গৃহ ।

ধীরে । কি দেখলেন, বা শুনলেন ?

তর । দেখলেম—তিনি এক অনধিকবয়স্কার সহিত অকুণ্ঠিতভাবে আলাপ করছেন । শুনলেম—তাকে জিজ্ঞাসা করেছেন, তার নাম কি, সে বিধবা কি না, চাকরবাহিনী দেখতে কেমন——

ধীরে । অনন্ত লজ্জার বেলা অতিক্রম করেছে ! অনন্ত এ রূপ অশিষ্টাচারদোষহুঁষ্ট ! অসম্ভব ! অচিন্তনীয় ! আপনার ভ্রম হয়েছে ।

তর । চক্ষু, কর্ণ—হুয়েরই ?

ধীরে । ক্ষমা করবেন—নিঃসন্দেহ । আমার ভ্রাতা বিদ্যা, বুদ্ধি, গুণের আধার—ও রূপ আচরণ করতে পারে না, জানে না ।

তর । তাঁর বিরুদ্ধে যদি অপর সাক্ষী আনতে পারি ?

ধীরে । (দৃঢ় ভাবে) সমুদয় জগতের সাক্ষ্যে বিশ্বাস করব না ।

তর । (বেদনাবর্তন পূর্বক, জোধ্যবাক্সস্বরে) যিনি মুখের উপরে আমাকে মিথ্যাবাদী বলতে সক্ষম হচ্চেন না, তাঁর ভ্রাতা যে শীলতার আদর্শ, ঔদার্যের চরমাপ্রায়, তা কি কেউ মুহূর্তের জন্যও সন্দেহ করতে পারে ?

ধীরে । (সলজ্জে) আমি, শুদ্ধ আপনার ভ্রম হয়েছে, বলেছিলাম । দেখুন, ভ্রম সকলেরই হতে পারে ।

তর । ওঃ, আপনার কখনও হয় না ।

ধীরে । (বিনয়বদনে) আমার ভ্রাতাকে আমি আশৈশব দেখে আসছি । তার চরিত্রাদি বিশেষরূপ জ্ঞাত আছি । সেই জন্তই, যেটা অসম্ভব বলে বোধ হল, হঠাৎ তা বিশ্বাস করতে পারি মি । কিন্তু তৎসমর্থনে, সাধুবিগর্হিত ভাবে যদি কিছু বলে থাকি, নিজ দয়ায় মার্জনা করবেন ।

তর। তাঁর মঙ্গলপ্রার্থী হয়ে যদি কেউ কিছু জানায় বা করে, আপনি শ্রীত হন ?

ধীরে। (সাগ্রহে) যে আমার ভাতার শুভাশেষী, সে আমার পরম উপকারক—প্রিয় বন্ধু।

তর। ইতিপূর্বে যা বলতে যাচ্ছিলেম, তা ত আপনি উড়িয়েই দিলেন। কিন্তু এটা বিশ্বাস করবেন কি—সত্যই তাঁর হিতেচ্ছায় বলছি—চাক্রবাহিনীর জায়গা তিনি আর কোথাও পাবেন না ? আপনি আপনার ভাইকে “বিদ্যা,” “বুদ্ধি,” “গুণের” আধার বলে প্রশংসা করছিলেন। ঐ তিনি যদি “রূপ” যোগ দেন, চাক্রবাহিনীর বথার্থ বর্ণনা হয়।

ধীরে। তাতে আমার কিছু মাত্র সন্দেহ নাই—বিশু মাত্রও নয়। এই বিবাহপ্রস্তাবের কার্য্যোপনয়ে যদি আপনি সাহায্য করেন, আমি সত্যই উপকৃত হই।

তর। শুনতে পাই না কি তিনি তাঁকে আজও দেখেন নি।

ধীরে। ঐ লজ্জায়, আর কিছুই নয়।

তর। একটা কথা বলব বলব বলে মনে করছি। যদি মুখরতা মার্জ্জনীর হয়, ত, বলি।

ধীরে। বলুন।

তর। বিবাহার্থী হয়ে এসে, অবধারণে বা পরিচয় গ্রহণে এত অধিক লজ্জা কি সম্ভব বা সমুচিত ?

ধীরে। দেখুন, আমি তাকে বল পূর্বক বিবাহ করামি, বললেও হয়। অনন্ত সম্পূর্ণ স্বেচ্ছায় এখানে আসে নি।

তর। কিন্তু তিনি ত বালক নন। শিক্ষিত—বিদ্বান্।

ধীরে। যদি অন্যসমীপে ব্যক্ত না করেন——

তর। প্রতিশ্রুত হলেম।

ধীরে। আমার ভাই সে দিন অত লজ্জা করত না, কেবল ভয়ঙ্করী নামে এক জন প্রতিবাসিনী তথায় উপস্থিত ছিলেন——তাঁর থাকার বিরুদ্ধে আমরা আপত্তি করেছিলাম——তিনিই অকারণে, অতি

গর্জিত ও অহঙ্কৃত ভাবে, অনন্তকে ষংপরোনাস্তি ভৎসনা ও তিরস্কার করে, তার মুখ একেবারে বন্ধ করে দিয়েছিলেন ।

তর । (অবনত মুখে, স্বগত) আচ্ছা, ভাই, আমারই যত দোষ ! চাকুর জ্ঞান সব সহিতে পারি । (প্রকাশ্যে) সেই স্ত্রীলোকটা আপনার সঙ্গেও ঝগড়া করেছিল কি ? আপনি চাকুরবাহিনীকে দেখেছেন ?

ধীরে । না—হ্যাঁ—এক রকম ।

তর । তাঁকে আমি নিয়ে আসব ? আপনি দেখবেন ? (দুই এক পদ গমন)

ধীরে । (সভয়ে) একটু দাঁড়ান, না ।—আমার কি তাঁকে নিরীক্ষণ, পর্যবেক্ষণ করে দেখবার কিছু বিশেষ প্রয়োজন আছে ? আপনিই বলুন না, আছে কি ?

তর । আমার যদি পরামর্শ জিজ্ঞাসা করেন, তা হলে, বলি, আছে । আপনার ভ্রাতার আপনিই জগতে এক মাত্র আত্মীয় । আপনি তাঁর জন্য কন্যা দেখবেন না, ত, দেখবে কে ?

ধীরে । হ্যাঁ—তা বটে—তা বটে——

তর । কিন্তু সন্মিকটে দেখতে যদি ভয় করে——

ধীরে । না, ভয় কিসের, ভয় কিসের, ছোট ভায়ের স্ত্রী, দয়া নেহের পাত্রী, তবে——

তর । সন্মিকটে দেখতে যদি ভয় করে, একটা সহুপায় বলে দিচ্ছি, সকল দিক্ রক্ষা হবে । ষটকালী করতে বসেছি, ত, ভাল করেই করি । কিন্তু বিদায়ের সময়ে স্মরণ থাকে যেন ।

ধীরে । অবশ্য । আপনার মাসীকে যেমন দেওয়া যাবে, আপনাকেও তেমনি দেওয়া হবে । সে বিষয়ে আপনি নিশ্চিন্ত থাকুন । আমি অকৃতজ্ঞ নই ।

তর । আচ্ছা, পুরস্কারের মাত্রা পরে ধার্য করবেন—তার ইয়ত্তা পরে হবে । দেখা যাবে তখন, আপনার কৃতজ্ঞতার গভীরতা কত দূর । কিন্তু যে উপায়টার উল্লেখ করছিলেম, তা এখন বলি, শুনুন । কোনও না কোনও উপলক্ষ করে আমি চাকুরবাহিনীকে এক বার ঐ বাগানে (অঙ্গুলি

দ্বারা নির্দেশ) ডেকে নিয়ে যাই। আপনি এই দূরবীক্ষণ টা দিয়ে দেখবেন—তাকে এখান থেকে বেশ স্পষ্ট দেখতে পাবেন। (ধীরেপ্রহন্তে তৎপ্রদান।)

ধীরে। উৎকৃষ্ট বিধান হয়েছে। আমি ভ্রাতৃশতর সম্পর্কে—সমীপ স্থান হতে কঠোর নয়নে দেখে তাঁকে লজ্জিত কিম্বা ভীত করা নৃশংসের কার্য্য হবে। (স্বগত) তুমি নিজেকে লোক টা কে, আগে দেখি, দাঁড়াও—বৌ দেখব পরে। (প্রকাশ্যে) দূরবীক্ষণ টা উত্তম বলে বোধ হচ্ছে। (পরীক্ষার ভাবে তাহা ইতস্ততঃ প্রয়োগের পর, তদ্বারা তরঙ্গিণীর মুখ সন্দর্শনের চেষ্টা। তরঙ্গিণীর ঈষৎ অপসারণ।) (স্বগত) আন্তর নিকচ করেছে, সরে যায়, দেখ! সর কেন?—অনন্ত টা এই স্থানে থাকলে খুব সাহস করে দেখতে পারতেন, একলা একলা কেমন ভয় হয়। (পুনরায় তরঙ্গিণীর মুখের দিকে দূরবীক্ষণাদান, ও তরঙ্গিণীর আবর্তন।) ফের সরে?

তর। আপনি কি শনির অঙ্গুরীয়ক খুঁজছেন?

ধীরে। (স্বগত) শনির অঙ্গুরীয়ক!! তোমার তথ্য টা জানতেই হচ্ছে, ঠাকরণ! (প্রকাশ্যে) আপনি ঠিক অনুধাবন করেছেন। কিন্তু যদিও প্রায় সন্ধ্যাগম হয়েছে, সূর্যের আলোক এখনও এত প্রখর যে ভাল করে দেখতে পেলেম না। আর এক বার চেষ্টা করব কি? (পূর্ববৎ দূরবীক্ষণ নিয়োগ। তরঙ্গিণীর কিঞ্চিৎ মুখাবনয়ন।) (স্বগত) আংশিক গ্রাস মাত্র হল, কিন্তু আশ্চর্য্য হলেন, বা হোক! তোমার মুখে দর্পণ দেখলেম, মধুরতা নম্রতাও দেখলেম! অদ্ভুত, অসাধারণ যোগ! হে জীৱপথারী দ্বিপদ, তুমি পদার্থ টা কি?—উঁঃ, অনন্ত যদি এই সময়ে থাকত!

তর। দেখুন, ঐ দূরবীক্ষণটার এক টু ইতিহাস আছে।

ধীরে। ইতিহাস আছে?

তর। আঁজা, হ্যাঁ। ও টা আমি কুড়িয়ে পেয়েছিলেম।

ধীরে। কুড়িয়ে পেয়েছিলেন?

তর। আগন্তক দু জন ভদ্র লোক এক দিন আমাকে আর আমার এক

বন্ধুকে অকস্মাৎ এক বৃক্ষান্তরালে দেখে, বেগে পলায়ন করলেন—
বোধ হয়, কোনও রকম ভয় পেয়ে থাকবেন। তাঁদেরই এক জনের হাত
থেকে ঐ টে পড়ে গিয়েছিল।

ধীরে। (স্বগত) অরে, সৰ্কনাশ করেছে রে, সৰ্কনাশ করেছে ! এ টা
আমারই দূরবীক্ষণ, সেই—সেই—সে দিন হারিয়ে ফেলেছিলাম ! একে-
বারে সৰ্কনাশ, কি করি ?—কিন্তু, হরত, আমাদের ভাল করে দেখতে
পায় নি। (প্রকাশ্যে) কি আশ্চর্য ! তাঁরা কে, আর অমন করে বা
পালিয়েই গেলেন কেন ?

তর। তা কেমন করে জানব, বলুন। দেখুন, দেখি, ঐ ধানে যুক্তি,
অধিকারীর নাম অঙ্কিত আছে। (প্রদর্শন।) (ধীরেন্দ্র লজ্জায় নীরব।)
আপনি বিস্মিত হবেন কি না, জানি না——আমার সেই বন্ধুর নাম
চাকরাবাহিনী।

ধীরে। (আশঙ্কাবসন্নভাবে) আপনি কে ?

তর। (মন্তকোত্তোলন পূর্বক, গুণ্ণদৈর্ঘ্যে দণ্ডায়মান হইয়া)
তরঙ্গিণী——মিথ্যাবাদিনী, গৰ্ব্বিতা, অহঙ্কারিণী তরঙ্গিণী।

(ধীরেন্দ্রের বজ্রাহতের দ্বায় কিয়দপসর্পণ ও স্থিতি।)

যবনিকাক্ষেপ ।



চতুর্থ অঙ্ক ।

প্রথম গর্তাক ।

নবীনরুক্ষের বাটী—পুস্তকাগার ।

অনন্তের প্রবেশ ।

অন। সেটা আমার মাথায় ঢুকেছে! বাস্তবিক যেন ক্ষিপ্ত হয়ে দাঁড়িয়েছি! আর এক বার দেখা পেলে হয়।

চারুবাহিনীর প্রবেশ ।

চারু। (পুস্তকাগারের ভাবে) সে বই খানা গেল কোথায়? কোথাও দেখছি নে। (হঠাৎ যেন অনন্তকে দেখিয়া) অ মা, আপনি!

অন। হ্যাঁ, আমি—যাকে আপনি ক্ষিপ্ত বলেছেন বা করেছেন। আমি এখনও রাগাঘাটে যাই নি, দেখছেনই ত। আমি জানতে চাই, আপনি কে, আর যা বললেন, তার অর্থ কি?

চারু। কি বললেন?

অন। “স্ত্রীর স্বপ্ন”।

চারু। আপনি বিদ্বান্, বুদ্ধিমান্, বিজ্ঞ, বহুদর্শী, দেশপন্থ্যটক—আপনি কি এটা এখনও শেখেন নি যে স্ত্রীলোকে যা বলে, সকল সময়ে তার এমন কিছু অর্থ থাকে না?

অন। প্রথমতঃ, আপনি সে শ্রেণীর স্ত্রীলোক নন। দ্বিতীয়তঃ, আমাকে যে বিদ্বান্, বুদ্ধিমান্, আর ঐ কত কি বললেন—হয়ত, বিজ্ঞপ করে, আপনার কোন খানটা সত্য, কোন খানটা মিথ্যা, তা আমি কিছুই বুঝতে পারি নে—সেই সমস্ত বিশেষণে যদিই আমার কোনও সময়ে কোনও অধিকার থাকত, এখানে এসে তার বিরোধান হয়েচে।—আপনার নাম কি?

চারু । স্ত্রীলোকের নাম জিজ্ঞাসা করা শিষ্টাচার-বিরুদ্ধ ।

অন । আর একজন নিরীহকে “দশচক্রে ভগবান্ ভূত” করে দেওয়া অত্যন্ত শিষ্টতার আর দয়ার কণ্ঠ !

চারু । (সম্মিত) হঁ, আপনি নিরীহ বৈ কি ! রঙ্গালয়ে অভিনেত্রী-দের সঙ্গে——

অন । (ক্রমোন্নতস্বরে) আমি যদি কখনও কোনও নটীর সঙ্গে কথা করে থাকি, আমি একটা পশু—গরু, গাধা, পাঁটা !

চারু । বিনা আঙনে কি ধোঁয়া হয় ?

অন । এ ধোঁয়া নয়, ধোঁয়ার ছবি । দাদার সঙ্গে এক দিন ইয়ার্কি দিচ্ছিলেম, ষটকী টা শুনে চার দিকে রটিয়ে দিয়েছে ।

চারু । তা, এ ধোঁয়াই হোক, বা তার অহুকরণই হোক, আমার ও সব কথার থাকবার কোনও প্রয়োজন নেই ।

অন । আছে ।

চারু । কেমন করে ?

অন । “স্ত্রীর স্বভেদ” ।

চারু । (স্বগত) হার মেনেছি, প্রভু !

অন । আপনার নাম কি ?

চারু । যদি না বলি ?

অন । যে খানেই যান, চক রাখব, আর সুযোগ পেলেই জিজ্ঞাসা করে বিরক্ত করব ।

চারু । (ক্রন্দনের ভাবে, বদ্ধমুষ্টিতে চক্ষু মুছিতে মুছিতে) দাসী বলে এত উৎপীড়ন ।

অন । আমি কিছুতেই ভুলি নে। আপনার দাসীত্ব মিথ্যা, আপনার কান্না মিথ্যা, আপনার হাসি মিথ্যা, আপনি নিজেই মিথ্যা । আমি কিছু ভয় করি নে। আমার যা মুখে আসবে, তাই বলব, তা রাগই করুন, আর বাই করুন ।

চারু । (সবিস্ময়ে) আমিই, যদি মিথ্যা, তবে আর এ নিরে এত রেশ বীকার কেন ?

অন । আপনি মিথ্যা—যতক্ষণ না পরিচয় দেন । আপনি কি এ বাড়ীর কেউ ?

চারু । আপনি এসেছেন চাকু বাহিনীকে দেখতে । আমার সঙ্গে আপনার এ রকম দেখা সাক্ষাৎ, কথাবার্তা হয়েছে, শুনলে, তিনি আপনাকে বিবাহ করতে অস্বীকার হতে পারেন ।

অন । বড় বয়েই যাবে ! তিনি, বাড়ীতে বসে, বেশি করে ভাত খাবেন—কিন্তু মুসলমানের দোকানের পাউরুটি ।

চারু । (আশ্চর্য্যায়িতরূপে) আপনি তাঁকে বিবাহ করতে চান না !

অন । দেখুন, বড় রাগের সময় সাধারণপ্রচলিত শপথ বাক্য মনে আসে——আমাকে অভদ্র বিবেচনা করবেন না——কিন্তু কোন শা—, অর্থাৎ, সে নিজে এসে আমার পায় ধরলেও নয় ।

চারু । (বালিকার স্বরে) বাঃ, কাকে বিবাহ করবেন তবে ?

অন । যদি প্রশ্ন করেন, কাকে বিবাহ করতে ইচ্ছা করি, সে ভিন্ন কথা ।

চারু । আচ্ছা, কাকে বিবাহ করতে ইচ্ছা করেন ?

অন । ভয়ে বলব, না, নির্ভয়ে বলব ?

চারু । (কিয়দিকটে আসিয়া, স্নিগ্ধকণ্ঠে) নির্ভয়েই বলুন না, এখানে ত অপর কেউ নেই ।

অন । আপনাকে ।

চারু । (কিঞ্চিদপহৃত হইয়া) আমাকে ! অসম্ভব !!

অন । আপনি কে, তা জানি না, কিন্তু আপনার শরীরে কি দয়ার লেশমাত্র নাই ? “ প্রথম দৃষ্টিতে প্রণয়, ” শুনেছেন ? যে অবধি আপনাকে দেখেছি, মনে সঙ্গর করেছি, যদি বিবাহ করি, আপনাকে ভিন্ন আর কাকেও করব না ।

চারু । (ঈষৎহাস্যের সহিত) যখন সম্বাদপত্র দিয়ে মুখ ঢেকেছিলেন, সেই মুহূর্ত্তেই কি “ প্রথম দৃষ্টিতে প্রণয় ” হয়েছিল ?

অন । যে লজ্জাশীলকে আপনি একেবারে নিলজ্জ করে তুলেছেন, যদি নিতান্তই নির্ভর—পাষণ্ডহৃদয় না হতেন, তাকে ভাল বাসতে পারেন বা না পারেন, অন্ততঃ ঘৃণা করতেন না ।

চারু। (অধোবদনে, মৃদুস্বরে) আমি ত তোমাকে ঘৃণা করি নে। আমি, ভাই, ভাবছিলাম, তোমার দাদা কি মনে করবেন।

অন। (সোংসুক) আমি দাদার মত করতে পারব। তুমি এক বার বল যে আমাকে ভাল বাস, কিম্বা বাসবে? (চারুবাহিনীর হস্তধারণের চেষ্টা।)

চারু। ঐ তরঙ্গিনী আসছে।

[প্রস্থান।

অন। (সাক্রোশে) আর আসবার সময় পেলো না!—কিন্তু অধিক ক্ষণ, বোধ হয়, থাকবে না। ও চলে গেলে, হয়ত, উনি, আবার আসতে পারেন। আমি অপেক্ষা করে থাকি। আমাকে ত আর খেয়ে ফেলবে না।

তরঙ্গিনীর প্রবেশ।

তর। অনন্তবাবু, প্রণাম হই। (প্রণাম।) আপনি ভাল আছেন ত? আমি আপনার সেই পূর্বপরিচিত বন্ধু, তরঙ্গিনী।

অন। (বিরক্তভাবে) আমার স্মৃতি নিদ্রিতা, কিম্বা আপনার কল্পনা উর্বরা।

তর। কেন, সেই যে দিন চারুবাহিনীর সঙ্গে আপনার প্রথম পরিচয় হয়, আপনাতে আমাতে কত আলাপ হয়েছিল, আপনার মনে নেই?

অন। ওঃ, আলাপ ত ভারি। আপনি নিজে যা ইচ্ছা বলে গিছিলেন, আমি কেবল চুপ করে শুনেছিলাম—তাও সব ভাল করে বুঝতে পারিনি।

তর। তার পর আমি যখন আপনার প্রিয়তমাকে আপনার কাছে রেখে, আপনাকে প্রণাম করে চলে গেলাম, আপনি কিঙ্করীকে প্রতিপ্রণাম করে, নিজ মহত্বের অসংশয়িত প্রমাণ দিলেন।

অন। আপনার একটা ভুল হয়েছে। তিনি আমার প্রিয়তমা নন। কিন্তু আমি এখন ব্যস্ত, আপনার আলাপপ্রার্থী নই। (প্রণাম ও কিকিং অপগমন।)

তর। (তদনুসরণ সহ) অনন্তবাবু, আপনি জানেন না, কিন্তু আমি

বধার্থই আপনার বন্ধু । বন্ধুভাবে পরামর্শ দিই, শুধুন, চাক্রবাহিনীর মত গুণবতী স্ত্রী আর কোথাও মিলবে না । যদি অন্য কোনও রূপময়ী চাতুরী করে আপনার হৃদয়-রাজ্য অধিকার করে থাকে, যত নীত্ব পারেন, তাকে দূরবিদূরিত, নির্বাসিত করবেন । অনন্তবাবু, সাবধান, সাবধান, পৃথীর সুন্দরীগণ চাতুরীময় । অনন্তবাবু, আমি আপনার বন্ধু—কিন্তু সমুদয়ই চাতুরী—চাতুরী, চাতুরী, চাতুরী !

অন । আমি আপনার বন্ধুতা চাই নে, আর তিনি চাতুরী জানেন না ।

তর । (চক্ষু বিস্তার পূর্বক) তিনি ! তিনি কে ?

অন । আমার মাথা !

[ক্রোধে প্রস্থান ।

তর । (সহাস্ত বদনে) আমি ও, ত, ভাই, তাই চাই !

অধোবদনে, চিন্তিতভাবে ধীরেন্দ্রের প্রবেশ ।

ধীরে । মানস সাগরে আজ ঝটিকাতাড়নে উদ্গিমালা । যে প্রকৃতি এত দিন নিগড়সংঘতা ছিল, সে কি এখন তার শৃঙ্খলা ভঙ্গ করে পূর্ব পরাভবের পরিশোধ নিতে চেষ্টা করছে ? তিনি কোথায় ?

তর । তিনি যে এই মাত্র এখান থেকে গেলেন ।

ধীরে । (তরঙ্গিনীকে দেখিয়া, লজ্জাক্লাদে) আপনি ! কি বলছিলেন ?

তর । (স্বগত) অন্তর পূর্ণ । কিন্তু কিসে ? (প্রকাশে) আমি বল-ছিলেম, আপনার ভাই এক টু আগে এই খানেই ছিলেন । দেখুন, আমার বোধ হচ্ছে, তিনি পীড়িত—শরীরে বা মনে ।

ধীরে । (উদ্বেগে) কেন, কি হয়েছে ?

তর । হয়ত, তেমন কিছুই নয় । আমার ভয়াভুমান মাত্র । বধার্থই বলেছিলেন, আপনার ভাই গুণাধার । তাঁকে স্নেহের চক্ষে দেখা, তাঁর জন্ত চিন্তিত হওয়া, তাঁর উপস্থিত বা ভাবী সুখে সুখানুভব করা—জগতে কঠিনতম প্রস্তাবনা নয় ।

ধীরে । আপনি—আপনার অনন্তকে স্নেহের চক্ষে দেখেন, এতে যে

আমি হৃদয়ান্তরে কত আত্মদীপ্ত, কত কৃতজ্ঞ হলেম, তা বলতে পারি নে। ঐ ভাই ভিন্ন পৃথিবীতে আমার আর কেউই নেই। পুনরায় প্রার্থনা করি, তার সংরক্ষণে যদি কটুবাদ বা অযথাবাদ করে থাকি, তার ক্ষমা হয়। আপনি বিদ্যাবতী, আপনি ত জানেন—ক্ষমার উৎপত্তি স্বর্গে।

তর। কৈ, আপনি ত কোনও অত্যাচার করেন নি। আপনাতে কোমল দোষই দেখি নে। আর যদিই করে থাকেন, বিস্মৃত হয়েছি। তবে দয়া করে যদি আমার দু'টো কথা রাখেন।

দীর্ঘ। বলুন। যদি আদৌ সম্ভবপর হয়, শ্রুতিমাত্র সিদ্ধ হবে। কিন্তু দয়া আপনার, আমার নয়।

তর। তেমন কিছুই শক্ত নয়। প্রথম, যে আপনি এক বার চাকুবাহিনীকে দেখেন——(স্মিতাস্ত্রে) বিনাদ্রবীকরণে! আর, দ্বিতীয়, যে আপনি যদি তাঁতে কোনও অভাব বা হীনতার না নিদর্শন পান, আপনার চক্ষে যদি তিনি সর্বথা বাঞ্ছনীয় বলে পরিদৃষ্টমান হন, আপনার ভাতার সহিত অচিরে তাঁর বিবাহ দেন।

দীর্ঘ। (বিনয়কোমল কণ্ঠে) প্রথমটায়, বিনাদ্রিধায়, স্বীকার হলেম। কিন্তু, দেখুন, দ্বিতীয়টা অনন্তের নিজের ইচ্ছার উপর অনেকটা নির্ভর করছে। আমার যতদূর সাধ্য, যা হোক, করব, সত্য ভাবে, পূর্ণাঙ্গকরণে প্রতিক্ষা করছি।

তর। আচ্ছা, আমি তাইতেই সন্তুষ্ট হলেম। তবে, আপনি অহুগ্রহ করে এই খানে মুহূর্ত্ত কয়েক অপেক্ষা করুন, আমি চাকুবাহিনীকে নিয়ে আসি। (স্বগত) কি জানি, যদি সাহস উপে যায়!

[প্রস্থান।

দীর্ঘ। (দীর্ঘ নিশ্বাসের সহিত) আমার মন শান্তির আলয়, সম্ভ্রামের আবাসভূমি ছিল। দুই এক বার অনন্তের পীড়ার সময় ভিন্ন, কখনও যে অধিক চিন্তাচাক্য হয়েছিল, তাও স্মরণ হয় না। জ্ঞানহুখে আমি পরম সুখী ছিলাম। কিন্তু সে শান্তি, সে সম্ভ্রাম, সে জ্ঞান, সে সুখ—আজ তারা সব কোথায়? বল, প্রতিধ্বনি, কোথায়?—হৃদয় হৃদয়ের অধীরতা? অনিবার্য অধীরতা। (পরিক্রমণ।) কিন্তু যদি——

অনন্তের প্রবেশ ।

অন। এই অবসর! দাদা, আমি তোমার নিকট কখনও কিছু গোপন করেছি?

দীরে। না। কেন?

অন। আমি যাতে সুখী হই, তুমিও তাতে সুখী হও?

দীরে। (স্নেহস্বরে) অনন্ত, তা কি আবার মুখে বলতে হবে!

অন। দাদা, যে কখনও প্রণয়ে পড়ে নি, বস্তুতঃ কি, প্রণয় কাকে বলে তা জানতও না পর্য্যন্ত, সে যদি প্রণয়ে পড়ে, একেবারে অতিশয় পড়ে, না?

দীরে। (স্বগত, সলজ্জাভয়ে) এ কি, টের পেরেছে না কি? তা পেয়ে থাকে পেয়েইছে। ছোট ভাই, ওর কাছে আর ঢাকলে কি হবে? এ জালা আর সহ হয় না। (প্রকাশে) অনন্ত, তুমি কিছু মনে করো না, ভাই। আমি তোমাকে নিজেই সে বিষয় বলতেম—

অন। (স্বগত) দাদাকে বললে কে? মুখ শীর্ণ—উনি রাগ করেছেন না কি? (প্রকাশে) দাদা, ছদ্ময়ের স্বাভাবিক গতি রোধ করা সহজ নয়। কিন্তু গোপন করা, বা গোপন করে রাগ বাড়ান—

দীরে। অনন্ত, গোপনের কথা শুনলে রাগ হতে পারে বটে—কিন্তু—ভাই—কিন্তু—তরঙ্গিণী—

অন। (ক্রুদ্ধভাবে, স্বগত) আগাগোড়া ঐটেই যত বিপদের, যত অনর্থের মূল। শোন, দাদা, যার অনুরোধেই হোক, আমি কখনও—

তরঙ্গিণীর পুনঃপ্রবেশ ।

[তদর্শনে অনন্তের রোষতরে প্রশ্রয় ।

দীরে। দেখুন, বন্দী উপস্থিত, পলারিত নয়!

তর। আপনি পালিয়ে যাবেন, আমি কখনও ভাবি নে। আপনার কথায়, আপনার অঙ্গীকারে আমার সম্পূর্ণ প্রজ্ঞা ও বিশ্বাস আছে। অনন্ত-

বাবুর কর্তৃকনি শুনে চারুবাহিনী লজ্জায় এগলেন না, ঐ ধানে দাঁড়িয়ে আছেন। (দ্বারের নিকট গমন পূর্বক) এস, ভাই, তিনি গিয়েছেন।

ঈষদবগুণবতী ও ব্রীড়ানিম্মুখী চারুবাহিনীর প্রবেশ

এবং ভূমিষ্ঠ হইয়া ধীরেন্দ্রকে প্রণাম।

ধীরে। (দগত) ভূমিষ্ঠ হয়ে প্রণাম !! আর এমন স্থলে কি বলতে হয়, তা আমি কিছুই জানি নে! ভাববেন কি? না, সত্য কথা বলাই ভাল। (প্রকাশে, চারুবাহিনীর প্রতি) দেখুন, সম্ভ্রান্তকুলজা কেউ কখনও আমাকে পূর্বে ভূমিষ্ঠ হয়ে প্রণাম করে নি, আশীর্ষাদের প্রণালীও আমি অবগত নই। কিন্তু যদিও মুখে আশীর্ষাদ করলেম না, হৃদয়ে আমি আপনার শুভাকাঙ্ক্ষী, জানবেন।

তর। ধোমটা ধোল না, ভাই, কার সঙ্গে ভায়ের বে দিচ্ছেন, সেটা ত ওঁর জানা চাই। (চারুবাহিনীর অবগুণ্ঠনোচ্চনপূর্বক) এই দেখুন। অতিরিক্ত করেছিলাম কি?

ধীরে। (চারুবাহিনীকে দেখিয়া) যদি আপনি অযথাবর্ণন দোষে দোষী হয়ে থাকেন, সে ন্যূনতার তুলায়, আতিশয্যের কক্ষে নয়।

তর। (জনান্তিকে) তোমার মুখে, ভাই, কি আছে—যে দেখে, সেই ভুলে যায়!

ধীরে। জিজ্ঞাসা করাটা আবশ্যক কি না, জানি না—আপনি আমার ভাইকে বিবাহ করতে স্বীকৃত আছেন?

তর। (ত্রিপাবনতমুখী চারুবাহিনীর প্রতি দৃষ্টিপাতান্তর সম্মিতে) মৌনে সম্মতি, চিরপ্রসিদ্ধ কথা।

ধীরে। বলব কি?—এ বিবাহে আমি আন্তরিক সুখী। আপনার মত স্ত্রী অনন্ত কোথাও পাবে না। তার সৌভাগ্য। কিন্তু এও বলি, অনন্তর তুল্য পুরুষ পৃথিবীতে সংখ্যাভীত নয়। বিদ্যা আছে, গর্ব নেই—বুদ্ধি আছে, বক্রতা নেই—ধন আছে, আত্মগরিমা নেই—তেজ আছে, দয়া-সৌজন্যের অভাব নেই। এখন আপনি অনন্তে সুখী হন, অনন্ত আপনাতে সুখী হয়, এই আমার বাসনা, এই আমার প্রার্থনা।

তর। (চারুবাহিনীর হৃদয়প্রবণ পূর্বক) উনি বলছেন, আপনার আশীর্বাদ বুধা হবে না।

ধীরে। বোঁমা, বলতে কতকটা অনিচ্ছা হচ্ছে, কিন্তু না বলেও থাকতে পারি নে। অনন্ত সুদ আমার ভাই নয়, ভাই ও বন্ধু। আমাদের বন্ধুতা বাল্যাবধি। পাছে অপরা এসে সেই বন্ধুতার, সেই সৌহার্দের পথে কণ্টক হয়, এই ভয়ে আমি এ পর্যন্ত নিজে (তরঙ্গিনীর প্রতি ঈর্ষণ)—অর্থাৎ—সেই ভয়ে আমি এত দিন ভীত ছিলাম। বাড়ী, ধনৈর্ঘা, সংসার, সমস্তই, বোঁমা, তোমার হবে। আমি, বুড় ভাসুর, এক কোণে পড়ে থাকব। কেবল, বোঁমা, (সানুনয়ে) আমার একটা মাত্র ভিক্ষা—আমাদের দু' ভায়ের মধ্যে যেন আমাদের পূর্বকার ভাব বজায় থাকে। আমাকে স্নেহ করবার আর কেউই নেই। আর পৃথিবীতে একলা হওয়া, সম্পূর্ণ একলা হওয়া, হ্রস্ত দুঃখের, অসহ্য খেদের কথা।

(তরঙ্গিনীর বদনাবর্তন, ও চারুবাহিনীর অশ্রুত্যাগ।)

চারু। (অতি নিম্নস্বরে) আমাকে কি এতই নীচপ্রকৃতি চিবেচনা করেন ?

ধীরে। না, না, না, কখনও না। অর্থাৎ, কি জান, বোঁমা, আমার শীঘ্র জেঠা হবার বড় সাধ গিয়েছে।

[সলজ্জ চারুবাহিনী ও তরঙ্গিনীর প্রস্থান।

ধীরে। বাহবা, আমি মন্দ কথাটাই কি বললেম ! অনন্তর ছেলে হলে, তার, বুঝি, আমাকে কাকা বলে ডাকবে !

[প্রস্থান।

দ্বিতীয় গর্ভাক্ষ ।

নবীনকুঙ্কের বাটী—উদ্যানান্তর্ধারী কুঞ্জ ।

তরঙ্গিণী ও চারুবাহিনী উপস্থিত ।

চারু । আচ্ছা, তাই হবে । আমি বাড়ীর ভিতর যাই । (গমনোদ্যোগ ।)

তরঙ্গ । (স্মিতবদনে)

গীত ।

মিশ্র হাম্মির, একতালা ।

দাঁড়াও, দাঁড়াও, কোথা যাইছ, কামিনী, অত দূর করি ?

চারু । (তত্বৎ)

মা আছেন বসি, আমার পথ পানে চাহি,

যাই আমি তাঁর কাছে দূর করি ।

তরঙ্গ ।

বল, বল, সুন্দরী, কি আছে তোমাদের বিষয় সম্পত্তি ।

মনে হয়েছে সাধ, করিতে বিবাহ তোমার, দূর করি ॥

চারু ।

না আছে ঐশ্বর্য সম্পত্তি, সম্বল মাত্র মুখকান্তি ।

মা বলেন, অতুল সে সম্পত্তি—যাই দূর করি ॥

তরঙ্গ ।

মাত্র এই সম্পত্তি ! হল না, হল না, তোমার

চাহি না, চাহি না, চলে যাও তুমি দূর করি ।

চারু ।

বিবাহিতে আপনায়, প্রভু, কভু চাহি নাই, চাহি

নাই, আপনারে কভু চাহি নাই, যাউন আপনি চলি

নিজধামে, যাউন আপনি তথায় অতি দূর করি ॥

[উভয়ের প্রস্থান ।

অনন্তের প্রবেশ।

অন। তখন প্রায় স্বীকার করিয়ে নিয়েছিলেম, কেবল সেই বম-সহচরী টে এসেই বাধা দিলে! চার দিকে খুঁজছি, কোথায় দেখা পাই—এই যে, বলতে না কইতে!

চিন্তাব্যঞ্জকাননে চাকু বাহিনীর প্রবেশ।

চাকু। তাই ত, কিন্তু, (অনন্তদর্শনে) ওঃ——

অন। আমাকে দেখতে পাবে কেন? আমি মরে গেলে তুমি বাঁচ। আমিও বাঁচি।

চাকু। তুমি এখানে আছ, তা আমি কেমন করে জানব?

অন। এখন একটা স্পষ্ট উত্তর দেবে কি না, তাই বল।

চাকু। কিসের উত্তর?

অন। কচি খুকী, কিছু জানেন না! আমি আগে মনে করতাম, কাকেও একেবারে প্রাণে মারাই, না জানি, উৎকট পাপ। কিন্তু এখন দেখছি, তার চেয়েও ভয়ানক আছে—এই রকম করে খুঁচিয়ে মারা। তুমি যদি আমাকে বিবাহ করবে না, বল—আমি যা হয় এক টা কিছু করে বসব।

চাকু। তুমি ত, ভাই, আমাকে ভাল বাস না?

অন। না, তোমাকে ভাল বাসব কেন? সেই চাকু বাহিনীটাকে ভাল বাসি। দেখছ না, তার জন্য একেবারে পাগল হয়ে বেড়াচ্ছি?

চাকু। (সপ্রণয়নয়নে) আচ্ছা, ভাই, তুমি সত্য করে বল, চাকু বাহিনীকে বিবাহ করবে না?

অন। না, করব না।

চাকু। করবে না?

অন। করব না।

চাকু। করবে না?

অন। করব না।

চাকু। দেখো, ভাই, তিন বার প্রতিজ্ঞা করেছ। তিন প্রতিজ্ঞাতে শপথ। ভুলো না বেন।

অন। আমি ভুলব না। কিন্তু তুমি ?

চাক। সে টা, সে টা—পরে বিবেচনা করা যাবে।

[অনন্তের প্রতি স্নেহ দৃষ্টি ও প্রশ্নান।

অন। দেখলে, দেখ।

কল্যাণীর প্রবেশ।

কল্যা। কি গো, ছোট বাবু কেমন আছ ? ক দিন দেখা হয় নি।

অন। (ব্যগ্র ভাবে) ষটকীঠাকরণ, ঐ যে এ খানে আর এক জন কে আছেন, তিনি কে ? তাঁর বাড়ী কোথায় ?

কল্যা। কত লোক আছে, তা কার কথা জিজ্ঞাসা করছ, কেমন করে বুঝব ?

অন। দ্বীলোক।

কল্যা। দাসী ও সাত আট জন আছে।

অন। ভাল আপদে পড়েছি।

[প্রশ্নান।

তরঙ্গীর প্রবেশ।

কল্যা। হিঃ হিঃ হিঃ হিঃ। তরঙ্গ মাসী, তোমরা এত কল কৌশলও জান। আমি বলে ফেলেছিলাম আর কি !—আচ্ছা, তরঙ্গ মাসী, এক টা কথা বলি, রাগ করো না। ওঁদের ত সবই ঠিক, কেবল স্ত্রী বঁধা বাকী আছে। তা, তুমিও কেন এই বেলা নিজের জন্য যোগাড় করে নাও না ?

তর। আমাকে বে করবে কে ?

কল্যা। কেন, ঐ বড়বাবু। তুমি আমার কথাটা নেও দেখি, এক বার তু করে ডাকলে দৌড়ে আসবেন। তিনি ভয়ে এগন না। হু ভাইই যে লাজুকের শিরোমণি।

তর। ষটকীঠাকরণ, প্রভেদ আছে কিন্তু। উনি অধিক গম্ভীর। আর ওঁর বিবাহে স্পৃহা নেই, আমাদের সমক্ষে প্রায় স্পষ্টাক্ষরেই সে দিন বলেছেন।—(মৃদুভাবে) আমারও নেই।

কল্যা। কিন্তু——

তর। (অনুরোধের স্বরে) ষটকীঠাকরুন, তুমি আমাকে এ বিষয়ে আর কিছু বলো না। আমি নিশ্চিত জানি, বিবাহে তাঁর আন্তরিক অনিচ্ছা। যদি ইচ্ছা থাকত, এত দিনে টের পাওয়া যেতই যেত। কথায় বলে, অতি ভক্তি চোরের লক্ষণ। তেমনি, অতি ভদ্রতা দূরত্বের আর নিরাকাজ্ঞতার চিহ্ন। আর আমি বেশ সুখে আছি, চাকর সুখে সুখী। চাক আমাকে দিবারাত্র ঐ কথা বলছে, পাছে তুমিও আবার সেই রকম আরম্ভ কর, এই ভয়ে সব খুলে বললেম। ষটকীঠাকরুন, তুমি আমাকে আর এ বিষয়ে কিছু বলো না, তোমার কাছে ব্যগ্রতা করছি।

কল্যা। আচ্ছা, মাসী, এখন চুপ হলেম বটে——

চাকবাহিনীর প্রবেশ।

তর। (স্মিতবদনে) এই যে সব প্রস্তুত দেখছি! প্রণয়ীবধের সেই বারাগসী পর্য্যন্ত!

চাক। ভাই, তোমারই আদেশ।

কল্যা। সুন্দর দেখাচ্ছে। তা, তাঁদের নিয়ে আসব না কি?

তর। হ্যাঁ, নিয়ে এস।

[কল্যাণীর প্রস্থান।

চাক। ভাই, দেখ, হাসব কি কাঁদব, জানি নে। সময় ত হয়ে আসছে।

তর। বলিদাসের? ভাই, এ বলি সুখের। চিন্তিত হয়ো না। দরাময় করুন, যেন তোমরা চিরজীবন সুখী হও।—তুমি, হয়ত, এর পরে আমাকে ভুলে যাবে। যাবে—যেও। আমি, কিন্তু, কখনও তোমাকে ভুলব না। (অশ্রুবিমোচন।)

চাক। (আলোকের দিকে তরঙ্গিনীর মুখ ফিরাইয়া) বল, দেখি, সত্য। তোমার, ভাই, মনে কি একটা আছে, আমার কাছে গোপন করছ।

ধীরেন্দ্র ও অনন্ত সমভিব্যাহারে কল্যাণীর পুনঃপ্রবেশ।

কল্যা। মে কি কথা, ছোটবাবু? সাতকাণ্ড রামায়ণ পড়ে সীতা কার ভাণী! এখানে এসে, এত দিন থেকে, তার পর কি না—বে করব না?

অন। অত উচ্চ দরে বলবার কি কিছু প্রয়োজন আছে ?—আমি ত বিবাহ করব বলে প্রতিজ্ঞা করে এখানে আসি নি ? দাদা দেখতে এনে-
ছিলেন ।

কল্যা। দেখেছ ?

অন। অনাবশ্যক । আমার এ বিবাহে বাসনাই নাই ।

ধীরে। দেখ, ভাই, আমি এর মর্শ্ব কিছুই বুঝিতে পারছি নে ! তুমি অকস্মাৎ এমন দৃঢ়প্রতিজ্ঞ হলে কেন ? আমি তোমাকে অনিচ্ছায় বিবাহ করতে বলতে চাই নে, কারণ যাবজ্জীবন অমুখী হতে পার, কিন্তু, দেখ, এমন স্ত্রী তুমি কেথায়ও পাবে না ।

তর। উনি কি ইতস্ততঃ করছেন ?

ধীরে। সেই—না—

তর। অনন্ত, ভাই, কিছু মনে করো না । আমি তোমাকে নিতান্ত রেহের চক্ষে দেখি বলেই, এমন ভাবে কথা কছি । এক টা বার এঁর মুখ দেখ, তার পর যা স্থির করবার হয়, করো ।

অন। সম্পূর্ণ অনাবশ্যক । আমার মন পূর্বেই স্থির হয়েছে ।

তর। ভাই, দেখ, পুনরায় বলি, আমি তোমার যথার্থ বন্ধু—প্রথমা-
বধিই—কেবল তুমি চিনতে পারলে না—তাই বলছি, এমন স্ত্রী তুমি সমস্ত
জগতে পাবে না ।

অন। (ক্রোধের সহিত) আমার বিবাহ অবিবাহ নিয়ে আপনার এ রূপ
চর্চা বা আন্দোলন কি নিতান্তই আবশ্যকীয় ?

তর। তবে, ভাই, বলতে হল—আমার ইচ্ছা ছিল না, সকলকে
জানাই । তুমি নিজের মুখে প্রতিজ্ঞা করেছ, এঁকে ভিন্ন আর কাকেও
বিবাহ করবে না ।

অন। আপনি কি সজ্ঞানে কথা কছেন ? লজ্জাহীনতার সীমা আছে,
তা জানেন কি ? সহিষ্ণুতারও শেষ রেখা আছে ।

তর। (চারুবাহিনীর প্রতি) কেমন, ভাই, এক বার নয়, অনেক বার
উনি তোমার কাছে ঐ প্রতিজ্ঞা করেছেন কি না ?

(চারুবাহিনীর স্বীকারসূচক মূর্খাবনতি ।)

ধীরে । (আশ্চর্য্যে) অনন্ত !

অন । আমি মাথার উপর, না পাএর উপর ঝাঁড়িয়ে আছি !! দাদা, তোমাকে আমি কখনও—কখনও, কোনও মিথ্যা কথা বলেছি ?

ধীরে । কখনও না ।

তর । না, উনি নাটক দেখতে বান, মঞ্চশ্রীদিগের সঙ্গে আলাপ করেন, উনি মিথ্যা বলবেন কেন ? আমরা কুলকুমারী, আমরাই মিথ্যাবাদিনী ।

ধীরে । (সবিনয়ের) মিথ্যার কথা হচ্ছে না । উভয় পক্ষেই বিভ্রম হতে পারে । আপনি যদি অনুগ্রহ করে গুঁর মুখাবরণ এক বার মোচন করেন, তা হলেই——

তর । দেখুন, যদিও আমরা ঘোর মিথ্যাবাদিনী, তথাপি আমাদের এক টু মান অপমানের বোধ আছে । এঁর মুখ দেখতে উনি বারম্বার অস্বীকার হয়েছেন, তার আর প্রয়োজন নেই । কিন্তু গুঁর এ রূপ ব্যবহারের গুপ্ত কারণ আমাদের নিকট প্রচ্ছন্ন নেই ।

অন । (স্বগত) তা, প্রকাশ ত এক দিন হবেই, আজই না হয় হোক ।

ধীরে । (অনন্তকে তৃষ্ণাস্তূত দেখিয়া) অনন্ত, এ আবার কি ভুলতে পাই !

তর । উনি অস্বীকার করুন দেখি, গোপনে এক অপরিচিতার প্রেম-জ্বালে পতিত হয়েছেন ?

(সকলে নিস্তব্ধ ।)

ধীরে । (বিস্ময়াশ্চর্য্যে) অনন্ত, উত্তর দেও, এর অর্থ কি !

অন । (হৃদভাবে) দাদা, আমি পরে বলব ।

ধীরে । (কম্পিতস্বরে) তবে, এ সত্য ?

তর । উনি মনে করেছিলেন, কেউ জানতে পারবে না । অনন্ত, দেখ, ভাই, আমি তোমার বন্ধু বলেই বলছি, যদি বাস্তবিক তার প্রণয়ে সূখী হও—যাও, হও গে । আমি তোমাকে নিবেদন করি নে । ভাই, আমি তোমার স্বার্থ বন্ধু ।

অন । (অতিশয় তীব্রভাবে) যদি পৃথিবীতে আমার কেউ শত্রু থাকে, সে আপনি । প্রথম হতেই আপনি আমার শত্রু । আজন্ম দাদার সঙ্গে

আমার কোনও দিন কোনও বিবাহ হয় নি, আপনি আজ তার মূল। স্বর্গে বা মর্তে যদি এর উপযুক্ত পুরস্কার থাকে, আপনি যেন পান।

ধীরে। (শোকবিদগ্ধভাবে) স্বকৃতের কল পরস্কন্ধে অর্পণ করা হচ্ছে। অনন্ত, আমি তোমাকে কখনও অহুযোগ করি নি। আজও করব না। কিন্তু, অনন্ত, আমার অগোচরে তুমি এক অজ্ঞাতকুলশীলার সহিত প্রণয় স্থাপন করেছ? অনন্ত, আমার সম্মুখে তুমি এই লক্ষ্মীরূপিণীর অপমান করলে। (চারুবাহিনীর প্রতি) আমাকে ক্ষমা করবেন। আমার ভাই নেই। যদি থাকত, আপনার সঙ্গে বিবাহ দিতেম। ঈশ্বর আপনার মঙ্গল করুন। (তরঙ্গিণীর প্রতি) আপনিও আমাকে মার্জনা করবেন। আমাকে আর আমার দৃষ্টতা, অবিশ্বাস ও রুঢ় ভাষণ সমুদয় এককালীন বিস্মৃত হবেন। আমি আজ বিদায় হলেম।

[প্রস্থান।

অনন্তের স্পন্দহীন নায় স্থিতি। তরঙ্গিণী, কল্যাণী ও
চারুবাহিনীর দ্বারসম্মিধানে গমন।

তর। অনন্ত, শান্তিপূর হতে বারাণসী অনেক দূর। কিন্তু, ভাই, বারাণসী আর শান্তিপূরেতে যে এত বিভেদ, তা জানতেম না! (চারু-বাহিনীর বদনাক্ষাদন অপনয়ন পূর্বক) ভাই, কিছু মনে করো না, আমি তোমার স্বার্থ বন্ধু!

[তরঙ্গিণী, চারুবাহিনী ও কল্যাণীর প্রস্থান।

অন। (চতুর্দিকে অবলোকনের পর) বলি, পৃথিবী টেঁচোরে, না স্বর্গে চোরে? আমার বোধ হয়, স্বর্গেই চোরে।

[প্রস্থান।



তৃতীয় গর্ভক।

চারুবাহিনীর পাঠশুধ।

কল্যাণীর প্রবেশ।

কল্যা। কৈ, এঁরা আবার গেলেন কোথায়? আমার ইচ্ছা করছে, এই চৌকীখানায় এক বার বসি, আর বসে দু'ঘণ্টা ধরে হাঁসি। (উপবেশন ও হাস্য।) অ মা! অ মা! দম ফেটে মরে বাবার গোছ হয়েছি! (বদনে বস্ত্রপ্রবেশ পূর্বক হস্তরোধ।) ছোট বাবুর মুখ থানা দেখে হাঁসিও পেলো, দয়াও হল। আহা হা, ছেলে মাহুদ, বেঁচে থাকুক, বেঁচে থাকুক!

অনন্তের প্রবেশ।

অন। (সোৎকর্ষে) ঘটকীঠাকরুণ, ঘটকীঠাকরুণ, এঁরা কোথায়?

কল্যা। এঁরা কারা গো, ছোট বাবু?

অন। (আত্মস্বকোপরি, পশ্চাদিকে, দুই তিন বার বুদ্ধাস্থষ্টসঙ্কালন পূর্বক) ঐ যে, ঐ যে, এঁরা এঁরা?

কল্যা। (নিজ বুদ্ধাস্থষ্ট সেই প্রকারে চালিত করিয়া) কৈ যে, কৈ যে, কঁারা, কঁারা?

অন। (সবিনয়ে) ঘটকীঠাকরুণ, তাঁরা তোমাকে মাসী বলেন, না? আমিও তোমাকে মাসী বলব। আর, বিশেষ, আমার মার সঙ্গে যে তোমার কি পাতান ছিল। তাঁরা কোথায়, তুমি আমাকে দয়া করে বলে দাও।

কল্যা। (স্নেহহাস্তে) কাঁটা ফুটলে যেমন বিরাল মাসী, না? আচ্ছা, চল, খুঁজে দিই গে।

[কল্যাণী ও অনন্তের প্রস্থান।

চারুবাহিনী ও তরঙ্গিনীর প্রবেশ।

চারু। (উৎকর্ষিত চিত্তে) তরঙ্গ, তার মানে কি? এ যে অসম্ভব! বাবা মনে করবেন কি?

তর। চাকর, আমি ত আর একেবারে চলে যাচ্ছি নে, ভাই। তোমার বের দিন আসব। সত্যই, ভাই, আমার এমনি অসুস্থ ভাব হয়েছে, আমি আমি এখানে থাকলে তোমাদের কেবল সুখের অন্তরায় হব।

চাকর। তুমি না থাকলে, বুঝি, আমি খুব সুখী হব? একেই ত এই নির্মলকে আমার মন প্রাণ অস্থির হয়েছে, মুহূর্তে মুহূর্তে হাঁসি কান্না দুইই আসছে। (অশ্রুবিসর্জন।)

তর। ভাই, তুমি যে স্বামী পেতে যাচ্ছ, তাতে কান্নার লেশ মাত্র আসা উচিত নয়।

চাকর। তা, কে জানে, ভাই, আমার বুকের ভিতর কেমন করছে। তোমারও ঐ সঙ্গে বে হলে, আমার এরকমটা হয় না। তোমার পাএ পড়ি, তরঙ্গ, তুমি তাঁকে বে কর।

তর। (সম্মিত) আমি কি তাঁকে গিয়ে বলব, “ধীরেন্দ্র বাবু, চাকর বিবাহ করতে ভয় করছে, আমি যদি আপনাকে বিবাহ করি, তাঁর একটু সাহস হয়, তাই আমি বদ্ধুতার অনুরোধে আপনাকে বিবাহ করতে এসেছি, আপনি আমার আজ্ঞা লঙ্ঘন করবেন না, আমাকে অবিলম্বে বিবাহ করুন”!

চাকর। আমার বেলা এত কৌশল, বুদ্ধি, সাহস ঘোটে, আর নিজের বেলা দাঁত কপাটী!

তর। চাকর, অপরের জন্তু ভিক্ষা আর নিজের জন্য ভিক্ষা অনেক বিভিন্ন। যা অপরের বেলা বদ্ধুতা আর মেহ বা দয়া, নিজের বেলা তা স্বার্থপরতা, নীচতা, নিলজ্জতা।

চাকর। আমি তোমার এত পর, তা আগে জানতেম না।

তর। (চাকরবাহিনীর গাল টিপিয়া) আমার চেয়েও যে তোমার এক জন আপনার রয়েছে! শোন, চাকর, অনন্ত তোমাকে প্রাণের সহিত ভাল বাসে, আর আমাকে—কি জান, ভাই, আমি আর তোমাকে কত বার বলব, কাকা যদি অসম্মত না হ'ন, শিক্ষাদানব্রতে জীবন আহতি দেব, এ স্থির মানস।

চাকর। তাতে তোমার কাকা কখনও সম্মতি দেবেন না, আমি জব

স্বরূপে জানি। আচ্ছা, তরঙ্গ, তিনি তোমার কাছে কি দোষ করেছেন, যে তাঁকে বিষচক্ষে দেখে ?

তর। (বেগে) আমি তাঁকে বিষচক্ষে দেখি, না, তিনি আমাকে বিষচক্ষে দেখেন ? (সঙ্কুচিত ভাবে) আমার, ভাই, বিবাহে অভিলাষ নেই। এমনি মাথা ধরেছে। (বদনাবনতি ও মন্তকে হস্তার্পণ।)

চারু। (তরঙ্গীকে কিয়ৎ কাল স্থির নয়নে দর্শন পূর্বক) আচ্ছা, ভাই, তুমি এই খানে খানিক ক্ষণ বসো, আমি তোমার “মাথাধরার” জুজু কিছু এক টা নিয়ে আসি। কোথাও বাবে না ত ?

তর ! আমি ত, ভাই, চোর নই, যে তোমার অনন্তকে নিয়ে পালিয়ে যাব ! তোমার কোনও ভয় নেই, আমি অতি সুশীলা, যেখানে বসিয়ে রেখে যাবে, সেই খানেই পাবে !

চারু। আচ্ছা, আমি আসছি।

[তরঙ্গীর প্রতি দৃষ্টি ও প্রস্থান ।

তর। (কয়েক ক্ষণ অধোবদনে চিন্তার পর, এক টা সেতার গ্রহণ পূর্বক) সেতার, তুমি যদি মনের কথা বলতে পারতে, কি বলতে ? (শোকরাগিণীর আলোচনা।) না, সেতার, তুমি প্রকাশ করতে পারলে না। তোমার মনের দুঃখ তোমার মনেই রইল। (সেতার পরিত্যাগ।) (দীর্ঘনিশ্বাসের সহিত) চারুর জন্য আরম্ভ করলেম, কৌতুকের ভাবে আরম্ভ করলেম, আর এখন (কম্পন)—নিজেকেও বলতে ভয় হয়।—তাঁকে বিষচক্ষে দেখি ? সেই দয়াময়, স্নেহময়, মহানুভাব দেবমূর্তি, তাঁকে বিষচক্ষে দেখি ? হাঁর মধুর চিত্র হৃদয়ের হৃদয়ে, অন্তরের অন্তরে, আজ উপাস্য, পার্থিব দেবতা হয়ে দাঁড়িয়েছে, তাঁকে বিষচক্ষে দেখি ? উচ্চতায় দুঃপ্রাপ্য ভ্রাক্ষাকলকে শৃংখলী বিষচক্ষে দেখে ? কিন্তু সে চিত্রভার প্রাণে আর সহ্য হয় না।

গীত।

ছায়ানট আলোয়, একতারা।

মুছি সে চিত্র আজি, ঢালি নয়নবারি।

মরি রে প্রণয়িনী, হৃদি শোক সম্বরি ॥

(চাক্ৰবাহিনীর প্রবেশ ।)

স্বয়ং কেমনে মানি, মানিনী তরঙ্গিনী ।

প্রেমে হয়েছি দাসী, প্রেমেরি ভিখারিণী ॥

হাসিবে তরঙ্গিনী, সখীসুখে সুখিনী ।

নির্জ্বলে অভাগিনী, প্রেমদুখে দুখিনী ॥

(চাক্ৰবাহিনীর তরঙ্গিনীর নিকট আগমন, ও, স্নেহভরে,

তাঁহার গলদেশে ভুজাবেষ্টন ।)

তর। (চাক্ৰবাহিনীর বক্ষে মুখ লুকাইয়া) কিছু বলো না, আমি লজ্জায় মরে যাব ।

অনন্ত ও কল্যাণীর পুনঃপ্রবেশ ।

(চাক্ৰবাহিনীর পলায়নের চেষ্টা ও তরঙ্গিনী কর্তৃক তৎ-রোধ ।)

কল্যা। এই নেও, বাবু, তা এখন হাতে ধরে হোক, পাএ ধরে হোক, নিজের কাজ নিজে সাধ ।

[প্রস্থান ।

অন। (যুক্তকরে, তরঙ্গিনীর প্রতি) আমার ষাট ।

তর। তোমার যদি, ভাই, পৃথিবীতে কেউ শত্রু থাকে, আমি ! শত্রুর কাছে ষাট মানা কেন, অনন্ত !

অন। বলেন, ত, নাকে ক্ষত দিই ।

তর। না, ভাই, তোমাকে আর নাকে ক্ষত দিতে হবে না । কিন্তু, দেখ, অনন্ত, চাক্ৰ আমাদের স্নেহের পুস্তলী, পরে যেন অবহেলা করো না । আর, যদি পার, হুসিঁনীতা তরঙ্গিনীকে, স্থণায় নয়, স্নেহে স্মরণ রেখো ।

অন। এক টা কথা জিজ্ঞাসা করব কি ?

তর। হুশ টা !

অন। অধর্মের উপর এত দোঁরাশ্ব হল কেন ? প্রথমে স্পষ্ট করে বসিয়েই ত হত ?

তর । তোমার, ভাই, মুখ খোলে না, কি করি ! ঔষধের গুরুত্ব গীড়ার
জীৰ্ণতাহুসারে । (চারুবাহিনীর প্রাতি, চাক্র, হয়ে বোড় তিনে বিবোড় ।

[প্রস্থান ।

অন । ঐ যে ঘটকী বলছিল, তা সত্যই কি পাএ ধরতে হবে ? আমি
স্বীকার আছি, কিন্তু ।

চাক্র । চারুবাহিনীকে বিবাহ করেবে না, শপথ করেছিলে, তার পাএ
ধরা কিসের জন্ত ?

অন । দেখ, পরিহাসের সময় কেটে গিয়েছে । দাদার কাছে আমি
ভয়ে এগতে পারি নে । আমাকে দেখলেই তিনি দশ হাত দূরে চলে যান,
কিন্তু মুখ ফিরিয়ে বসেন—(খেদের স্বরে) আমি যেন কেউ নই !

চাক্র । আমাকে করতে বল কি ?

অন । তুমি এক বার আমার সঙ্গে এস । তোমাকে দেখলে তিনি চলে
যেতেও পারবেন না, মুখ ফিরিয়েও বসতে পারবেন না—আমি তা হলে
তঁাকে কথা কওয়াতে পারি । তুমি না সাহায্য করলে আমি নিরুপায় ।

চাক্র । তোমার দাদাতে আর তোমাতে এমন ভাব থাকে, তা আমার
আকাজ্ঞা নয় । বিশেষ তঁাকে আমি মনের সহিত ভক্তি করি । তুমি,
কিন্তু, এক টা অস্বীকার না করলে আমি ধাব না ।

অন । এক টা ছেড়ে দশ টা অস্বীকার করতে পারি ।

চাক্র । হৃদয় মুখে অস্বীকার নয়—কাজে করা চাই ।

অন । বাঃ, আমারও ত মানে তাই ।

চাক্র । তরঙ্গিনীর সঙ্গে তাঁর বিবাহ দিতে হবে ।

অন । (সাস্তুণ্ডে) তরঙ্গিনীর সঙ্গে তাঁর বিবাহ দিতে হবে !! আমি
দাদার বে দেব !!!

চাক্র । আচ্ছা, বেশ ত, ভাই, তোমার এতে মত না থাকে, নেই,
নেই । (প্রস্থানোপক্রম ।)

অন । আঃ, দাঁড়াও না ছাই । আমার মত নেই, কে বললে ? আমার
খুব মত আছে । কিন্তু আমি ছোট ভাই হয়ে, এতে হাত দিই কেমন
করে ?

চারু । কেন, নটীদের গল্প ভুলে-ইয়ার্কি দিতে পার, আর এই ভাল কথাটা বলতেই, বুঝি, যত দোষ ?

অন । আচ্ছা, যেন বললেম, কিন্তু তিনি যদি বে করতে না চান ?

চারু । তিনি তোমাকে এত ভাল বাসেন, বুঝিয়ে শুঝিয়ে তাঁর মত করাবে । বুঝি নেই ?

অন । বুঝি ? এই ভিড়ে সব লোপ পেয়ে গেছে । হাঁসতে পর্যন্ত ভুলে গিয়েছি ।

চারু । তা, ভাই, তুমি যদি আমাকে চাও, বুঝি করে ঐ টে করতেই হবে ।

অন । যদি তোমাকে চাই ! যদি !—আচ্ছা, এত হল এক পক্ষের কথা । তোমার সখী সম্মত আছেন ? তিনি যদি শেষে বৈকে দাঁড়ান ? তিনি, ত, আর আমার দাদাকে ভাল বাসেন না ।

চারু । (সম্মিতে) কেমন করে জানলে ?

অন । বোধ হয় না ।

চারু । তোমাদের পুরুষজাতের না আছে চক, না আছে বুঝি !

অন । তুমি আমাকে ভাল বাস ? (সাগ্রহে) এক বার বল "হ্যাঁ", আর দাদা ত দাদা, সমস্ত বিশ্ব আমি জয় করে এনে দিচ্ছি !

চারু । একটুও নয়—অর্থাৎ, পরে বলব !

[প্রস্থান ।

অন । দেখলে, দেখ ।

[প্রস্থান ।

চতুর্থ গর্ভাঙ্ক ।

নবীনকৃষ্ণের বাটার প্রধান অধিবেশন গৃহ ।

বিষমবদনে ধীরেন্দ্রের প্রবেশ ও পরিক্রমণ ।

ধীরে । আমাদের সকলেরই হৃদয়ে অজ্ঞাত প্রদেশ আছে—যে প্রদেশের সঙ্গে আমাদের এখনও পরিচয় হয় নি, বার মানচিত্র এখনও প্রস্তুত হয় নি । অদৃষ্টপূর্ব্বঘটনাসম্পাতে, নূতনসম্প্রদায়ে, অবিদিতমুহুর-প্রবেশে, সেই অপরিচিত অংশ অনেক সময়ে হঠাৎ ঐদৃশ মূর্ত্তিতে আমাদের সম্মুখে উপস্থিত হয়, যে আমরা নিজেকেই চিনতে পারি নে ; আমি কি সেই বলে বিস্ময় হয়, ভয় হয় । অথবা, নূতনের আকর্ষণ অনিবার্য্য বলে অধোগ্র, সর্কেষ্বর হয়ে ওঠে, বালককে প্রবীন করে, প্রবীণকে বালক করে—আপনার পর হয়, পর আপনার হয় । সে এ ধানে এসে, বা ও ধানে গিয়ে, কেন ঐ রকম করলে, জিজ্ঞাসা করা, আর উত্তরাপ্রাপ্তিতে হুঁতগোর মস্তকে ঘূণাগালি বর্ষণ করা সহজ হতে পারে, স্বাভাবিকও হতে পারে, কিন্তু সেটা কি দয়ার কার্য্য, সেটা কি বিবেকানুমোদিত ? আমি যখন নিজাভ্যন্তরীণ জীবনেরই এত অল্প জানি, অবস্থান্তরসম্প্রদায়ে তোমার হৃদয়-ভাবপর্য্যবর্ত্ত দেখে, তোমাকে পদাঘাত করি কেন ? তুমি নিকটতম হলেও, কি নিসর্গপ্রহারে, কি ভীমঘাতনে তোমার ধমনী ছিন্ন হয়েছে, তোমার শ্বাস ধ্বংস হয়েছে, তোমার অন্তরের সমসংস্থান বিনষ্ট হয়েছে, তা আমি সম্মুখ জানি না, জানতে অক্ষম—তোমার উপর আক্রোশ করি কেন, তাই ? যিনি তোমার অন্তর্ভূতের সমুদয় উপকরণ এবং বহির্ভূতের সমুদয় উপকরণ জানেন, তাদের আকর্ষণ বিপ্রকর্ষণ জানেন, তাদের স্বাতন্ত্র্যপ্রতিষ্ঠাতার প্রসবফলসমষ্টি জানেন, দেখছেন, তিনি তোমার বিচার করবেন । স্বপ্নজ্ঞ, অনতিবিস্তারমতি আমি কে, তাই, যে তোমার জীবনোপরি প্রোড়্‌ বিবাকের আসন গ্রহণ করি ? কিন্তু তা বলে বলছি নে যে ন্যায় আর অন্যায় একার্থ-প্রতিপাদকবাক্য, বা সমার্থে পরিণতিদায়ক শব্দ, কিম্বা, যে, নিকটতম পণ্ড-

জীবন আর উদার-শ্রেষ্ঠ নরজীবনভাপরে ধাহীনভাবে সান্নিধ্যস্থিত। কেবল, আমার রাগ করবার অধিকার দেখতে পাই নে। দয়ার আর স্নেহে যদি তোমাকে না নিবৃত্ত করতে পারি, রাগ করে কি পারব? যদি বা ক্রোধই করি, ক্রোধবশে নিশ্চেষ্ট হই, উদাসীন হই, আর তুমি মন্দ হতে মন্দতরে যাও, তার জন্য কি আমিও দায়ী হব না? না, না, অনন্ত, আমি তোমাকে হৃদয় হতে বিদায় দিতে পারি নে। কিন্তু, তাই, এমন দুঃখ আবার যেন দিও না। (উপবেশন ও চিন্তা।) আর ত এখানে থাকা যায় না। কিন্তু তাঁকে আর জীবনে দেখতে পাব না। (দীর্ঘনিশ্বাস পরিবর্তন।)

(অনন্ত ও তৎপশ্চাতে চারুবাহিনীর প্রবেশ।)

(ধীরেন্দ্রের পার্শ্ববর্ত্ত।)

অন। (ধীরেন্দ্রের নিকট নতজানু হইয়া) দাদা——(ধীরেন্দ্র নিরুত্তর।) দাদা, আমি তাঁকে বিবাহ করতে মন্যত আছি।—(ধীরেন্দ্র মৌন।) দাদা, চারুবাহিনী আমাকে বিবাহ করতে স্বীকার হয়েছেন।

ধীরে। (গম্ভীররবে) তিনি অভিনেত্রী নন। কুললক্ষ্মীর পবিত্র নাম পরিহাসের দ্রব্য নয়।

চারু। (কিঞ্চিদগ্রসর হইয়া, সলজ্জে, মৃদুকণ্ঠে) আমি——ইনি——

ধীরে। (সমস্ত্রমে উপান পূর্বক) আপনি এখানে এসেছেন!

চারু। (নিম্নতমস্বরে) ওঁর একটু ভুল হয়েছিল মাত্র, আর কিছুই নয়।

ধীরে। আর আপনি সেই “একটু ভুল” মার্জনা করেছেন! আপনার নিতান্ত দয়ার শরীর।

অন। (উখিত হইয়া) দয়ার শরীর ষোড়ার ডিম, দাদা! ঐ ওঁরা হুজনে বড়বস্ত্র করে আমি বোকাটাকে ভালুকনাচ নাচিয়েছেন। যে অপরিচিতার প্রেম নিয়ে এত হলুদুল পড়ে গিয়েছে, সে উনি নিজে! দয়ার শরীর ষোড়ার ডিম, আর মার্জনা ষোড়ার ডিম!

ধীরে। (সখিতে) সে টা কি, বোমা?

[চারুবাহিনীর লজ্জায় প্রস্থান।]

অন। দাদা, কেবল বড়বস্ত্র আর চাড়ুরী! দাদা দেখ, আমি একটা

প্রকাণ্ড গাধা, তুমি কিঞ্চিৎ ঘাস কিনতে পারাও। তা, না হয়, বীচালি-
হলেও বলবে। গরু আর গাধা, অল্পই ভেদ।

ধীরে। (সহাস্যে) বলি, রহস্যটা কি ?

অন। দাদারহস্যটা হচ্ছে, এক নব্য ন্যায়ের দৃষ্টি। এই ন্যায়ের
তিন টে সূত্র। প্রথম, যথা। শ্রীবুদ্ধি আর পুরুষবুদ্ধি—অন্তঃ। দ্বিতীয়,
দেখ, উহাদের যুদ্ধ—ভবতি। আর, তৃতীয়, শোন, পুরুষবুদ্ধির পরাভব—
বভূ—উ—উ—ব, যেমন এই আমার—অধঃপাতের অধঃপাত। অন্তঃ,
ভবতি, বভূব। যদি তুমি নিজের রক্ষা পেতে চাও, সকালে বিকালে ঐ টে
মুখস্থ করো। গন্তীর হবার কৰ্ম্ম নয়, দাদা, গন্তীর হবার কৰ্ম্ম নয়—ন্যায়
খাটান চাই। অন্তঃ, ভবতি, বভূব।

ধীরে। (হাস্যমুখে) মোট কথাটা হচ্ছে, তুমি আর কারও সঙ্গে প্রণয়
কর নি ?

অন। আর কারও ? আমি কারও সঙ্গে প্রণয় করি নি। আমাকে
বেশ একটুটা নিরীহ জড় পেয়ে, উনি নিজের এসে আমার সঙ্গে প্রণয় করে-
ছিলেন। আমি ছেলেমানুষ, আমি প্রণয়ের কি ধার ধারি, দাদা !
মহাভারত ! (হঠাৎ) দাদা, তুমি একটা বে করবে ?

ধীরে। সে আবার কি !

অন। বলি, আমার .ব দিয়ে ফেললে, নিজেরও কর না কেন ? তা,
দোষ কি, দাদা ? তোমার কি বিবাহে সম্পূর্ণ অমত ?

ধীরে। না——কিছু——

অন। “না কিছু” মানে কি ? (ধীরেজের মুখে চক্ষু রাখিয়া) দাদা,
কারও সঙ্গে লুকিয়ে প্রণয় করেছে না কি ?

ধীরে। (শুদ্ধবদনে) পাগল ! আমি পরিণতবয়স্ক, আমার সঙ্গে আবার
প্রণয় করবে কে !

অন। “পরিণতবয়স্ক” ত ভারি ! আমার চেয়ে কেবল পাঁচ বৎসরের
বড়। আর তুমি চালাকী করে, আমার প্রেমের পাশ কাটিয়ে গেলে !
আমিও জিজ্ঞাসা করি নি, আর কেউ তোমার সঙ্গে প্রণয় করেছে কি না ?
তুমি নিজের প্রণয় করেছে কি না, সেই টে হচ্ছে প্রশ্ন।

ধীরে । ছেলেমানুষ দেশ ! আমি কার সঙ্গে প্রণয় করব !

অন । শোনো, দাদা, যদিও ওঁদের সঙ্গে ঐ যুদ্ধে পরাস্ত হয়েছি, এই বৃষোৎসর্গব্যাপারের ধূমে আমার বুদ্ধি টে, কিন্তু, এক টু মার্জিত হয়েছে । আমি আর আগেকার মত অন্ধ নই । (তর্জ্জনী দেখাইয়া) তুমি আমার প্রেমের এই বার ঠিক উত্তর দিতে চাও—ঠিক উত্তর—কোনও রকম চালাকী নয় । তুমি নিজের কারও সঙ্গে প্রণয় করেছ ? (নিকটে যাইয়া) মনে মনে কাকেও ভাল বাস ?

ধীরে । অনন্ত, তোমার এমন সন্দেহপ্রবণ মন কেন ?

অন । (ক্রোধের ভাবে) না, সকল সন্দেহর এক চেটে তোমার ! তুমি যে আমাকে এক টা পশু বলে সন্দেহ করেছিলে, আমার সঙ্গে কথা কও নি, “আমার ভাই নেই, যদি থাকত, আপনার সঙ্গে বিবাহ দিতেম”—তার কি ?

ধীরে । (ব্যগ্রতার সহিত অনন্তের হস্ত ধরিয়া, সাহ্ননয়ে) অনন্ত, আমি বাস্তবিকই অন্যায় করেছিলাম, কিন্তু না জেনে করেছিলাম : ভাই, ক্ষমা কর ।

অন । তুবি সকলের সাক্ষাতে আমার অপমান করলে, আমার রাগ নেই, ঘৃণা নেই ?

ধীরে । (সবিনয়ে) আচ্ছা, ভাই, আমি তাঁদের সকলে সম্মুখে তোমার কাছে মাপ চাইব ।

অন । লোকে বলবে কি ? “ছোট ভাই টে এমনি পাজি, সকলের সাক্ষাতে বড় ভাইকে মাপ চাওয়ালে” !

ধীরে । (অতিশয় বিনয়ের স্বরে) অনন্ত, আমি পূর্বে কখনও তোমাকে তিরস্কার করি নি, তুমি তিরস্কারের কাজও কর নি । আর সে দিন সম্পূর্ণ অকারণ তোমার মর্মে আঘাত দিয়েছি, তা আমি স্বীকার করি । কিন্তু, ভাই, আমিও কিছু মনের সুখে কাল কাটাই নি । অনন্ত, এই সুখের বিবাহের সময় তোমার অন্তঃকরণে যদি কোনও রকম ক্ষুণ্ণতা থাকে, আমার সে দুঃখ রাষ্ট্রবার স্থান থাকবে না । ভাই, বল, কি করলে তোমার হৃদয় হতে সে কষ্ট যায়, আমি করব ।

অন । আমার রাগ নেই ? অপমান নেই ? সকলের সম্মুখে আমার

অপমান ? সেই ঘটকী টে পর্যন্ত সে থানে ছিল ! সে পর্যন্ত আমার অপমান দেখলে । “আমার ভাই নেই, যদি থাকত, আপনার সঙ্গে বিবাহ দিতেম” । আমি যদি এখন বে করি, আমার স্ত্রী পর্যন্ত আমাকে মানবে না । নাঃ, আমি এ বে করব না । আমার যথেষ্ট অপমান হয়েছে, আর বাড়াতে চাই নে । স্ত্রী পর্যন্ত অমান্য করবে, আর তাই আমাকে সঙ্গে থাকাতে হবে ? না, আমি কখনও এ বে করব না—কখনও না । তোমার যদি আমাকে অপমান করবার এতই ইচ্ছা হয়েছিল, তুমি নিজেই ডাকিয়ে কেন আমাকে অপমান করলে না ? সকলের সম্মুখে অপমান ? “আমার ভাই নেই” ! আমার রাগ নেই ? ঘৃণা নেই ? যাঃ, আমি রাগাঘাটেও থাকব না । কলকাতায় গিয়ে এক টা বাসা ভাড়া করব । তোমার যেমন ভাই নেই, আমারও তেমনি দাদা নেই । অপমান বলে অপমান ? সকলের সম্মুখে অপমান ?

ধীরে । (অনন্তের দুই হস্ত ধরিয়া) অনন্ত, যে মার গর্তে আমরা উভয়ে জন্ম গ্রহণ করেছি, যে মার স্তনদুগ্ধ আমরা হুজুনেই পান করেছি, যে মা, তুমি যখন থোকা আর আমি পাঁচ বৎসর মাত্র, আমার হাতে তোমাকে দিয়ে গেলেন—অনন্ত, ভাই, সেই মার, সেই স্নেহময়ী জননীর নামে ভিক্ষা চাচ্ছি, অনন্ত, আমাকে ক্ষমা কর, যা করলে তোমার অন্তর তৃপ্ত হয়, আমি তাই করতে সম্মত আছি ।

অন । প্রতিজ্ঞা ?

ধীরে । হ্যা, প্রতিজ্ঞা ।

অন । আমি যা বলব ?

ধীরে । হ্যা, তুমি যা বলবে ।

অন । “জ্যেষ্ঠ ভ্রাতা সম পিতা,” জানি ?

ধীরে । জানি ।

অন । যদিও তোমার সঙ্গে ইরাকি দিয়েছি, কখনও তোমার কথা

অবহেলা করেছি ?

ধীরে । কখনও না ।

অন । বরাবর পিতার মত তোমার কথা রেখেছি ?

ধীরে। রেবেছ।

অন। আচ্ছা, এখন তোমার প্রতিজ্ঞা। আধ ষটা তুমি ছোট ভাই হবে, আর আমি দাদা।

ধীরে। বুঝতে পারলেম না।

অন। তোমার বোঝবার কিছুই আবশ্যক নেই। নাম আমাদের যেমন আছে, তেমনি থাকবে, কিন্তু আমি দাদা আর তুমি ছোট ভাই। অর্থাৎ, ঐ আধ ষটা তুমি আমাকে জ্যেষ্ঠ ভ্রাতার মত, পিতার মত মান্য করবে, যা বলব, তাই করবে।

ধীরে। তুমি যদি কিছু অসম্ভব বল?

অন। তুমি এরি মধ্যে ছল খুঁজছ? তোমার কথার ঠিক নেই। হয়ত, আমি যা বলব, তাই তুমি অসম্ভব বলে বসবে! না, আমি তোমার প্রতিজ্ঞা চাই নে। তোমার প্রতিজ্ঞা বালির বাঁধ। তুমি কেবল অপমান করতেই জান। সকলের সম্মুখে! সেই—সেই তরঙ্গিণী টে পর্ধ্যস্ত দেখলে! (সাতিশর ক্রোধের ভাবে) না, আমার কলকাতায় যাওয়াই ভাল। সেখানে আমার আমার অপমানের কথা কেউ জানে না। তা, আমি চললেম। (প্রসরণ।)

ধীরে। (অনন্তকে ধরিয়) আচ্ছা, ভাই, তুমি, যা বলবে, আমি তাই করব, তোমার ধর্মের উপর ভার রইল।

অন। আমি ‘ধর্মের ভার’ কিছু বুঝি নে। আমি হুজু জানি, আমি দাদা আর তুমি ছোট ভাই, আর “জ্যেষ্ঠভ্রাতা সম পিতা”। (স্বাহিত ষটকা-যন্ত্র দেখিয়া) এই এখন থেকে আধ ষটা। আরস্ত——ধীরেন্দ্রকুমার, তুমি এইখানে দাঁড়াও, ঐ দরজার দিকে পেছন করে, আমি তোমাকে মনঃসংঘম শেখাতে চাই। আমি বরাবর দেখে আসছি, তোমাকে যখন পড়তে বলি, তুমি পাঠে মনোভিনিবেশ না করে এ দিক্ ও দিক্ চেয়ে যাও। কি, হাঁসি? দুষ্ট বালক, তুমি আমার সম্মুখে হাঁস? আমি এক গাছা বেত আনছি। যত কণ না আমি ফিরে আসি, তুমি ঠিক ঐখানে ঐ ভাবে দাঁড়িয়ে থাকবে। যদি এক বুদ্ধল নড়, কি কোনও দিকে চাও, একেবারে হাড় ভেঙ্গে কেলব।

ধীৰে। বলি, দাদা, তুমি যখন এখানে না থাকবে, তখন আমি কি করব না করব, কেমন করে জানবে ?

অন। (ভূমিতে পদাঘাত পূৰ্ব্বক) চোপরাও বলছি, আমি বড় ভাই, আমার সঙ্গে তর্ক ?

[প্রস্থান ।

ধীৰে। “বামুণ গেল ঘর ত, লাফল তুলে ঘর” ! (চৌকীতে উপবেশন।) ওর মনস্থ টা কি, আমি বুঝতে পারছি নে ! কেবল ফচকিমি, না কিছু অভিসন্ধি আছে ?—মনঃসংঘমের কথা বলছিল। কি মনঃসংঘম শেখাবে ? (দীর্ঘনিশ্বাসের সহিত) আমার মন নিজেই সংঘত হয়ে আছে। তা, অনন্ত সুখী হল, এই আমার পরম সুখ।—কিন্তু আমি কি স্বার্থপর দেখেছ, আমি বাস্তবিক প্রাণে সুখী নই ! এই হয় স্বার্থপরতাতেই আমার সর্বনাশ করলে। সংসারে সব আছে, কেবল—কেবল অসন্তুষ্টবের দিকেই মন টা দৌড়বে ! (দীর্ঘনিশ্বাস ত্যাগ।) কিন্তু সেই অসন্তুষ্ট টা যদি পাই, পৃথিবীর আর সমস্ত পরিত্যাগ করতে পারি—সমস্ত।—নাঃ, আর জেগে স্বপ্ন দেখব কত ! কর্তব্যের অহুসন্ধান করি। নিজের সামান্য খেদ বিস্মৃত হয়ে, জগতের গুরু শোকহঃখভারের লাঘব করতে চেষ্টা করব—যদি পারি। কিন্তু খেদ সামান্য নয়। যদি তাঁকে জদয়ের বহু, সহধর্মিণী স্বরূপ পেতেম, দশ গুণ উৎসাহ এক শত গুণ সাহসের সহিত জীবনের রণে রণী হতেম। ভুলতে অনেক দিন লাগবে। কখনও ভুলব কি ? এলেম অনন্তের বিবাহ দিতে। বিবাহ দিলেম বটে, কিন্তু চল-
লেম—

দ্বারবহির্ভাগে বেত্রাঘাতের শব্দ, ও “এই আমি—দাদা—আসছি।”

ধীৰে। ঐ যে ! (সত্বর উত্থান।)

বেত্র হস্তে অনন্তের প্রবেশ ।

অন। বানানগুলি মুখস্থ হয়েছে ? আচ্ছা, না হয়, কাল হু দিনের বানান এক সঙ্গে জিজ্ঞাসা করব।—এই বড় চৌকী থানা আমার, কারণ আমি হচ্ছি পে দাদা। আর তুমি এই ক্ষুদ্র, বামনাকৃতি ছোট মোড়াটার

বসবে—আমার বাগে ফিরে বসবে। কসো, বলছি (ভূমিতে বেত্রাঘাত)।
(উভয়ের উপবেশন।) চক বুজুঙ।

ধীরে। বাঃ, চক বুজব কেন ?

অন। তোমাকে যা বললেম, কর—যদি বেত না চাও।

ধীরে। আচ্ছা, ভাই।

অন। আচ্ছা, “ভাই” ? আচ্ছা, “দাদা”।

ধীরে। আচ্ছা, দাদা।

অন! চক বুজিয়েছ ? (দেখিয়া) যতক্ষণ না খুলতে বলব, খুলবে না!
(বেত্রোত্তোলন।)

নিঃশব্দপদসঙ্কারে চারুবাহিনী ও তরঙ্গিণীর প্রবেশ, ও

অনন্তের সঙ্কেতে, অনতিদূরে, ধীরেন্দ্রের

পশ্চাতে স্থিতি।

অন। তিন বার মৃত্তিকায় বেত্রাঘাত করব। তৃতীয়কারান্তে চক খুলতে পার। চক খোলবার পর, সাত্ত্বিক বিনীত ভাবে, ভক্তিবাবে, আমার মুখের উপর চেয়ে থাকবে। সূক্ষ্ম চেয়ে থাকবে না, বোকার মত, ফেলফেল করে চেয়ে থাকবে না, সরল ভাবে আমার প্রশ্নসমুদয়ের উত্তর দেবে, আর আমার জ্ঞানগর্ভ, সুমধুর উপদেশাবলি শ্রবণ করবে। কিন্তু, সাবধান, মুখ অত্র কোনও দিকে ফেরাবে না, রেখাঙ্কিত নয়। যদি ফেরাও, বা ফেরাতে চেষ্টা কর, তখনই ফের চক বুজবার আজ্ঞা হবে। (ভূমিতে বেত্রাঘাত পূর্বক, দস্তখর্বণের সহিত) বুকেছ ?

ধীরে। আজ্ঞা, হ্যাঁ।

অন। আচ্ছা, এখন সেই তিন বেত্রাঘাত। এক—দুই—তিন।
(ধীরেন্দ্রের চক্ষুঃস্নান।) প্রশ্নের উত্তর দেও। তোমার বয়স কত ?

ধীরে। ২৭ বৎসর।

অন। তোমার দ্বিতীয় পক্ষের দ্বার অন্ধা হয়েছে কত দিন ?

ধীরে। ৩৭ বৎসর, ৮ মাস, ২ দিন, ৪ ঘট্টা, ১৫ পল, ১৩½ বিপল।

অন। (বীরেন্দ্রের দৃষ্টি চপটস্পর্শপূৰ্ব্বক) উত্তম বালক, উত্তম বালক !
তার পর তুমি এত দিন বিবাহ কর নি কেন ? ঠিক সত্য কথা বলবে।

ধীৰে। আমার সেই ছোট ভাই ছিল—এ কিছু অবিস্মিত নেই যে
তার সম্প্রতি স্বৰ্গপ্রাপ্তি হয়েছে—বিবাহ করলে পাছে আমার নবোঢ়া
স্ত্রী এসে তাতে আমাতে কোনও স্ত্রে বিরোধ জন্মিয়ে দেয়, এই আশঙ্কা।

অন। বিবাহ না করতে পার, কিন্তু মনে মনে কাকেও ভাল বেসেছ—
এই, কখনও আসার পূৰ্বে ?

ধীৰে। না—কখনও না।

অন। অত তেজে বলবার আবশ্যক নেই, আমি বধির নই। বীরেন্দ্র-
কুমার, তোমাকে আমি এখন একটা গুরুতর, অতিশয় গুরুতর প্রশ্ন জিজ্ঞাসা
করতে যাচ্ছি। যদি অবিকল সত্য উত্তর না দাও, কিম্বা উত্তর দিতে মুহূর্ত
মাত্র বিলম্ব কর, তোমারই এক দিন আর আমারই এক দিন। তুমি অনেক
সময় কু-ব্যবহার করেছ, চুষ্ট ব্যবহার করেছ—পড়বার সময় খেলা করে
বেড়িয়েছ, পাছে উঠতে গিয়ে কাপড় ছিঁড়ে ফেলেছ, আমার খাবার চুরী
করে খেয়েছ—ছোট ভাই বলে ক্ষমা করেছি, নিজোদার্থে ক্ষমা করেছি।
কিন্তু আজ (কুটিয়ে বেত্রাঘাত), বুঝলে কিনা ? মনকে প্রস্তুত কর।
কঠিন প্রশ্ন। উত্তর, সূক্ষ্ম সত্য নয়, মিথ্যাসম্পর্শ পর্য্যন্ত বর্জিত হওয়া
চাই। প্রস্তুত ?

ধীৰে। (কিকিছুয়ে) কি জিজ্ঞাসা করবে ?

অন। শীঘ্রই জানতে পাবে। প্রস্তুত ?

ধীৰে। হ্যাঁ, প্রস্তুত।

অন। খাঁটী, অমিশ্র সত্য বলবে ?

ধীৰে। বলতে চেষ্টা করব।

অন। বলতে চেষ্টা করবে ? (ভূমিতে বেত্রাঘাত।)

ধীৰে। হ্যাঁ—বলব।

অন। সাবধান ! (নিয়মস্তরী কণ্ঠে) তুমি এখানে আসবার পর
কাকেও ভাল বেসেছ ?

ধীৰে। ও আবার একটা কি প্রশ্ন !

অন। (উচ্চস্বরে) মিথ্যাবাদী, প্রবঞ্চক, প্রতিজ্ঞাতত্বকারী——

ধীরে। (সভয়ে) বলছি, বলছি, তুমি কর কি। বাড়ী হুত্ব লোক
ছোড়িয়ে আসবে যে!

অন। আচ্ছা, বল।

ধীরে। (নিয়রবে) হ্যা।

অন। হ্যা, কি?

ধীরে। (অতিকষ্টে) হ্যা, ভাল বেসেছি।

অন। এখনও বাস?

ধীরে। (অতিনিম্নে) হ্যা।

অন। কাকে?

ধীরে। এ টা, ভাই, নিতান্ত অন্যায প্রশ্ন। তা জেনে লাভ কি?

অন। ধীরেন্দ্রকুমার, বড় হয়ে তুমি এমন মিথ্যাবাদী হবে, জানলে,
তোমাকে সেই কচি বেলায় বিরালছেনার মত জলে ডুবিয়ে দিতেম। লাভ
অলাভের কথা হচ্ছে না। আমি দাদা, “জ্যেষ্ঠ ভ্রাতা সম পিতা”,
আর প্রতিজ্ঞা—প্রতিজ্ঞা। ধীরেন্দ্রকুমার, উত্তর চাচ্ছি—তুমি কাকে ভাল
বাস?

ধীরে। সেই——সেই——(নিরুত্তর।)

অন। (উপান পূর্বক) আজ আমি বাড়ী মাথায় করব। তুমি বলবে
না? (অতিশয় চীংকারের ভাবে মুখবিন্যাস করিয়া) মিথ্যা——

ধীরে। (সত্রাসে) তুমি বসো, তুমি বসো, আমি বলছি।

অন। (উপবেশনপূর্বক) বল।

ধীরে। তুমি কাকেও বলবে না?

অন। না।

ধীরে। তুমি এ নিয়ে কখনও আমাকে ঠাট্টা করবে না?

অন। এতে ঠাট্টার কি আছে?

ধীরে। সেই—সেই—

অন। আচ্ছা, না হয়, আমার কাণে কাণে বল। (ধীরেন্দ্রের মুখের
নিকট নিজ্জ কর্তৃক স্থাপন।)

ধীৰে । (প্রায় অস্পষ্ট বাদে) ত—র—জি—নী ।

অন । (চক্ষু বিস্তার পূৰ্বক কিয়দূৰত্বত) তরঙ্গিনী ! তুমি তরঙ্গিনীকে ভাল বাস !! ধীৰেন্দ্রকুমার, তুমি তরঙ্গিনীকে ভাল বাস !!!

(চাক্ৰবাহিনীর তরঙ্গিনীর প্রতি দৃষ্টি । তরঙ্গিনীর মুখাবনমন ।)

ধীৰে । (ভয়ে) চৈচিয়েই সৰ্বনাশ করলে ! তুমি চৈচাও কেন ? শুনতে পাবে যে ?

অন । তুমি তরঙ্গিনীকে ভাল বাস !! ও হরির খুড়, তুমি তরঙ্গিনীকে ভাল বাস !!—আচ্ছা, তাকে ভাল বাসলে কেন ?

ধীৰে । (তীব্রভাবে) জগৎ আলোক ভাল বাসে কেন ? কর্ণ সঙ্গীতে বিমোহিত হয় কেন ? তারানক্ষত্রখচিত নভোমণ্ডলে, পূৰ্ণচন্দ্রে নয়ন আনন্দিত হয় কেন ?

অন । তা, তাঁকে বলে দেখলে না কেন ?

ধীৰে । শিশু বলবে, “হে ইন্দ্রধনু, তুমি অতি সুন্দর, তুমি আমার হাতে এস, আমি তোমাকে চাই” ! ভিক্ষুক বলবে, “হে রাজনন্দিনী, তুমি প্রাসাদ পরিত্যাগ করে এস, আমি তোমার পাণিগ্রহণাভিলাষী” ! নর বলবে, “হে দেবী, স্বর্গ হতে অবতরণ কর, তোমাতে আমার অধিকার আছে, কারণ আমি হৃষ্টির মুকুটভূষণ, হৃষ্টির অহঙ্কার” !

অন । (ষটিকা দেখিয়া) ধীৰেন্দ্রকুমার, আমার সময় সংক্ষেপ হয়ে আসছে ; শোন, একটা কথা বলি—তুমি সকল চিনেছ, সকল জেনেছ, কেবল নিজেকে চেন নি, নিজেকে জান না । তোমার স্নেহ, তোমার দয়া, তোমার মহত্ব সমগ্র জগতে আর কোথাও নেই ।

ধীৰে । না, না, না ।

অন । (মৃত্তিকায় বেজাখাত পূৰ্বক) চোপরাও, বাঙ্গালি । আর, হুজ্জ বাঙ্গালি বলে বাঙ্গালি ? হুতি চাদর পরা বাঙ্গালি ! “কোট প্যাটোলুন” পরা হলেও, না হয়, এক দিন কথা হত ! আমার গল্প ক্রমে দেখ ।—এই যেমন বলছিলাম, তোমার স্নেহ, তোমার দয়া, তোমার মহত্ব জগতে তুলনাহীন, সমকক্ষহীন, অহুপম ! যদি কারও এ কথা বলবার অধিকার থাকে, আমার আছে, আমি অনেক দিন—আজন্ম—দেখে আসছি ।

আমার ব্যারাম হলে, তুমি নিজের খেলা তুলে গিয়েছ, আমাকে শান্ত করতে গিয়ে আহার তুলে গিয়েছ, রাত্রিতে নিদ্রা তুলে গিয়েছ—নিদ্রা যাও নি, পাছে আমি পীড়ার আতকে জেগে উঠে “দাদা, দাদা” বলে ডাকি, আর তোমার উত্তর না পাই। এ——শৈশবে। বাল্যকালে——বাগান থেকে সুবাসী ফলমূল বা ফুলের পুষ্প এসেছে, সিংহের অংশ আমার—আত্মীয়দের বাড়ি হতে উপঢৌকন এসেছে, উৎকৃষ্ট বা কিছু, মনোহর বা কিছু, আমার। পৃষ্ঠদশায়——রাজধানীতে বাসাবাটীর বৃহত্তম গৃহ, প্রকৃষ্টতম আসন, কোমলতম শয্যা, যা কিছু ভাল, সবই আমার। যৌবনে——নিজে বিবাহ করলে না, পাছে আমার অসুস্থ হয়, পাছে আমার মনে কষ্ট হয়। আমার জন্য বধু নির্বাচনে এলে, হৃদয়ে—যে প্রথম, প্রণয়ে লোকে অনেক সময়েই স্বপ্নে, স্বামীরাগ ভিন্ন অন্য সমুদয়ই বিন্মুত হয়—সেই প্রথম প্রণয়ের ছায়া পড়ল, কিন্তু সেই প্রথম প্রণয়, নিজেকে স্বপ্রণয়াদিকারিণীর অনুপযুক্ত বিবেচনা করে——

ধীরে। ভাই, আমি——

অন। ফের কথা কয় বাঙ্গালি। কেমন এক টা বাঙ্গালির রোগ আছে, কথা না কয়ে, বাঁচে না।——সেই প্রথম প্রণয়, নিজেকে প্রণয়রাজ্যীর অধোগ্য বিবেচনা করে, হৃদয়ের গৃঢ়তম প্রকোষ্ঠে, বিষাদাচ্ছাদনে আচ্ছাদিত করে রাখলে, ভূবনকে আমার সুখে সুখী বলে জানালে। এরি মধ্যে আবার আমার ভাবী স্ত্রীকে এমনি দয়ার চক্ষে দেখেছ, এমনি স্নেহ স্বত্ব করেছ, যে সে তোমার বিরুদ্ধে কেউ পরিহাস করে এক টা কথা বললেও সহ্য করতে পারে না। ধীরেন্দ্রকুমার, তুমি কি? পরের দোষ, আমার দোষ, নারকীভাবে দৃশ্যমান দোষ, ক্ষমা করতে ব্যর্থ, আর নিজের চরিত্রবর্ষে ভ্রমক্রমেও ভ্রমের আঁচড় লাগলে, একেবারে উৎকর্ষিত, উদ্ভিগ্ন। ছোট ভায়ের কাছে, যে ছোট ভাইকে তুমিই লালনপালন করেছ, তুমিই রক্ষা করেছ, যে ছোট ভায়ের প্রতি পিতা মাতা, উভয়ের, কার্য্য করেছ—তার কাছে কাতরে ক্ষমা প্রার্থনা করতে এক বার কুণ্ঠিতও হলে না! আমি পুনরায় জিজ্ঞাসা করি, ধীরেন্দ্রকুমার, তুমি কি? ঐ যে তরঙ্গিনীর নাম করছিলে, তিনি তোমাকে কি চক্ষে দেখেন, তা ঠিক জানি নে, কিন্তু

(উখিত হইয়া), ধীৰেন্দ্ৰকুমার, আমি কখনও দেবতা দেখি নি, যদি দেখে থাকি, সে ভূমি।

ধীৰে। দাদা মহাশয়, ঐ বক্তৃতাটা কণ্ঠস্থ করতে আপনার কদিন লেগেছিল ?

অন। দেখলে ? কচুরী দিলে না, উণ্টে ঠাট্টা !

ধীৰে। আমার কোমর ব্যথা করেছে, উঠতে অসুস্থতি পেতে পারি কি ?

অন। (ষড়ি দেখিয়া)। চোপরাও, বাঙ্গালি, আমার এখনও সময় হয় নি। (উপবেশন।) আচ্ছা, ঐ তরঙ্গিনীকে বলে পাঠাব ?

ধীৰে। (সাতকে) না, না, না।

অন। কেন না, না, না ?

ধীৰে। তিনি আমাকে চান না, আমি তাঁর অঙ্গপযোগী।

অন। কেমন করে জানলে ? ভূমি ত আর আমার চেয়ে তাঁকে বেশি দেখনি ?

ধীৰে। ভাই, ভূমি দেখেছ তাঁকে দূর থেকে, আমি দেখেছি নিকট হতে——অন্তরের আকর্ষণে। তাঁকে ও কথা বলে, কেবল তাঁর মনে কষ্ট দেওয়া আর আমাকে ঘৃণাপ্ৰদ করা হবে।

অন। ধীৰেন্দ্ৰকুমার, ভূমি বালক, নিজের হিতাহিত বোঝ না। বিবাহ না দিলে তোমার রক্ষা নাই, দেখছি। তোমার স্ত্রী তোমার রক্ষণাবেক্ষণ করবে। আমি আর কাঁহাতক তোমাকে চকে চকে রাখি ? তা, ঐ ঘটকা দ্বারা তোমার জন্য একটা সম্বন্ধ আনিয়েছি, তোমাকে বিবাহ করতে হবে।

ধীৰে। অনন্ত, এই অমুরোধটা, ভাই, আমাকে করো না; আর যা বলবে, তা করব। যদিও জানি তাঁকে কখনও পাব না, কিন্তু, ভাই, হৃদয়-সিংহাসনে তাঁর স্থানে অন্য কারকেও বসাতে পারি নে।

অন। (রোধবেগে উত্তানপূৰ্ণক) পাৰ্শ্ব, নরাদম, কুলদ্বার, আমি জ্যেষ্ঠ ভ্রাতা, “সম পিতা”, তুমি আমার কথা অবহেলা করিস ? বাঃ, আর তোর মুখ দেখব না !

[প্রস্থান ।

[অপর দিক দিয়া চাকুৰাহিনীৰ নিৰ্গমন ।

ধীরে । (উপানানান্তর সহসা তরঙ্গিনীকে দেখিয়া) আপনি ! (কি-
ক্দিপসরণ ।)

তর । (মূহুর্কে) প্রাণনাথ, আমিই তোমার অনুপযুক্ত, তবে ভালবাসায়
সব হয়, তুমি যদি অঙ্গগ্রহণ করে আমাকে স্ত্রী বলে গ্রহণ কর, সময়ে তোমার
যোগ্য হতে পারি ।

ধীরে । এ কি সত্য, না, স্বপ্ন !

তর । ধীরেন্দ্র, প্রাণবল্লভ, এ স্বপ্ন, এ হৃথের স্বপ্ন, সত্য । প্রাণেশ্বর,
তোমার নিজের হৃদয় যেমন তোমার, তোমার তরঙ্গিনীও তেমনি তোমার ।

ধীরে । আমি—আমি—কি বলব——

তর । নাথ, বলবার ত কিছুই নেই । তবে যদি কিছু বলতে চাও,
বল, “তরঙ্গিনী, আমি তোমার” ।

ধীরে । (তরঙ্গিনীর হস্তগ্রহণপূর্বক) তরঙ্গিনী, তা কি তুমি জান না ?

চারুবাহিনীর প্রবেশ, সন্নেহে তরঙ্গিনীকে আলিঙ্গন, এবং

ভূমিষ্ঠ হইয়া ধীরেন্দ্রকে প্রণাম ।

ধীরে । বোমা, তোমার ত সবই আছে, আশীর্বাদ আর কি করব ?
তবে এই মাত্র বলি, যে, যে অমল দম্পতীপ্রেমে ধরণীকে স্বর্গের সদৃশ, না
স্বর্গের প্রতিচ্ছন্দী করে, সেই অকলঙ্ক প্রণয় তোমাদের হৃদয়ে চিরজীবন
জাগরুক থাকুক ।

বেগে অনন্তের প্রবেশ ।

অন । (তরঙ্গিনীর প্রতি) আমাকে ক্ষমা করবেন, আমার ভাই নেই,
যদি থাকত, আপনার সঙ্গে বিবাহ দিতেম । ঈশ্বর আপনার মঙ্গল করুন ।
(চারুবাহিনীর প্রতি) আপনিও আমাকে মার্জনা করবেন । আমাকে আর
আমার গুণ্ডতা, অবিবাস ও রূঢ়ভাষণ সমুদয় এককালীন বিস্মৃত হবেন ।
আমি আজ বিদায় হলেম । (প্রণাম ও প্রস্থানের ভাণ ।)

ধীরে । আজ যদি না তোকে আমি কীচকবধ করি, আমার নাম
নেই ! (অনন্তের দিকে ধাবন ।)

অন । (অত্র তত্র পলায়নের পর, অবশেষে, চারুবাহিনীর পশ্চাতে

আশ্রয়গ্রহণের চেষ্টা ।) এই রে ! (চারুবাহিনীর প্রতি) ঐ দেখ না।

ধীরে । কি বলব, বোমা কি ভাববেন, তা না হলে আজ ওঁর সামনেই
গটাকে শেষ করতেন !

তর । অনন্ত, সত্য কি না, ভাই, জানি না, কিন্তু শুনেছি, না কি,
কোন দেশের লোক বিপদে পড়লে স্ত্রীর অঞ্চল ধরে ! তা, তোমাকে ঘোষ
দিই নে।

অন । যেমন কানাকে কানা বলা, কালাকে কাল বলা, তেমনি যার
“কাতুকুতু” লাগে, তাকে “কাতুকুতু” দেওয়া শিষ্টাচার বিরুদ্ধ। কেবল
শিষ্টাচার বিরুদ্ধ নয়, ভয়ঙ্কর পাপ। যার আমার ন্যায় হৃদয় চর্খ—ও
টা, কি জ্ঞান, বুদ্ধির চিহ্ন, দাদার মত নয়, বোকা টা !—তিনিই জানেন
ওতে কি প্রলয় ব্যাপার উপস্থিত হয়।

ধীরে । বোমা, দেখ, ঐ বাঁধর টা যদি তোমাকে কখনও কিছু বলে,
আমাকে জানিও, আমার কাছে অব্যর্থ ঔষধ আছে, এক মুহূর্তে ভূত
ঝাড়িয়ে নীরোগ করে দেব !

চারু । (অজ্ঞানজ্ঞানান্তিকে) জনলে ত ? বুকে চলে !

অন । অরে আমার কচুপোড়া-ধাউনী রে ! বুকে চলবে !

ধীরে । কচুং পোড়রতীতি কচুপোড়া । অর্থাৎ, বোমা কচু পুড়িয়ে
তোমাকে ধাইয়ে দেবেন !

অন । বাহবা, কচুং পোড়রতীতি, বুঝি, কচুপোড়া ? কচুত পোড়া,
ইতি, কচুপোড়া !

তর । না, ভাই, আমার বোধ হচ্ছে, কচু এব পোড়া, ইতি, কচুপোড়া,
এই ওর বার্থ সমাস ।

নবীনকৃষ্ণ ও কল্যাণীর প্রবেশ ।

নবী । কিসের সমাস হচ্ছে ?—সমাসের প্রকৃত অর্থ মিলন । আর
সকল মিলনাপেক্ষা পরিণয়মিলনই প্রকটতম মিলন । বাবাজীপণ, ঘটকী-

প্রমুখাৎ শুনে বড়ই হর্ষিত হলেম। (ধীরেন্দ্রের হস্তে তরঙ্গিনীকে ও অনন্তের হস্তে চারুবাহিনীকে অর্পণ।)

“নচেদিদং হৃদমযোজয়িষ্যৎ”!

হৃদ ত নয়, যুগল হৃদ। আর্ধ্য-গৌরব কালিদাসে পাওয়া যায় না, এমত কিছুই নাই! কালিদাস যিনি না আস্বাদ করেছেন, তিনি সাতিশয় রূপার পাত্র। এই যে আর্ধ্যবিদ্যার গভীরতা আর আর্ধ্যধর্মের উদারতা—নাঃ, পৌরোহিত্যক্রিয়ার বিষয়টা অগ্রে নিষ্পাদন করা যাক। উঁহার পিতৃব্য মহাশয়কে সংবাদ দিতে হবে—এস, ষটকৌঠাকরণ, তোমার সাহায্য প্রয়োজনীয়।

[প্রস্থান।

কল্যা। রক্ষা! আমি ভাবলেম, আবার বা ধান ভান্নতে শিবের গীত আরম্ভ হয়!

(কল্যাণীর নিকটে চারুবাহিনী ও তরঙ্গিনীর আগমন।)

চারু। (জনান্তিকে) বেশি তাড়াতাড়ির কিছু আবশ্যক নেই।

কল্যা। (সহসনে) এত কারখানা করে এখন ভয়!

তর। (জনান্তিকে) ষটকী মাসী, আমি তোমার হয়ে কত ষটকালী করেছি, বিদায়ের বেলা যেন ভাগ পাই!

কল্যা। (ধীরেন্দ্রকে দেখাইয়া) তোমার ভাগ, ঐ, উনি! বড়বাবু, ছোটবাবু, আমি আসছি এখনি আবার।

[প্রস্থান।

অন। অন্তঃ, ভবতি, করোতি!

ধীরে। শেষ পণে পরিবর্তন হল কেন? আগে ত শুনেছিলেম “বভূব”!

অন। দাদা, ালের পরিবর্তন! যেমন এই মেদিনী টে এক সময়ে বহ্নি-তরল ছিল, আর, এখন—এখন ত দেখতেই পাচ্ছ, কোথাও ভল্লুকৃত্য, অশরত্ব দাসীবিক্রয়!

তর। পণ্ডিত মহাশয়, দাসীদের জন্য ব্যাখ্যা করে দিতে আজ্ঞা হোক !

অন। (ধীরেধীরে ইঙ্গিত করিয়া) আঃ, তা আর একদিন হবে। আচ্ছা, না হয়, আজই করে দিচ্ছি। এক টা নূতন জায়—নূতনতর হয়েছে। চক্ষু কর্ণের বিবাদ ভঞ্জন করা যাক। তিন টা সূত্র বা চরণ। প্রথম, ইদমেতৎ—অন্তঃ, আছে—স্বীবুদ্ধি ও পুরুষ বুদ্ধি। দ্বিতীয়, পশুতাং—ভবতি, হয়—উহাদের মধ্যে বিগ্রহ। তৃতীয়, শূণ্ণ রে পার্ধ (অর্থাৎ, হার ইচ্ছা, হার না ইচ্ছা, তিনি নিদ্রা যেতে পারেন), বভূব, হয়েছিল—পুরুষবুদ্ধির পরাভব, অর্থাৎ দুই কুহকিনীর ষড়যন্ত্রে আমি বরাহ অবতারের—শূকর যে বরাহ, সে বরাহ নয়, বিখ্যাত জ্যোতির্বিদদের নামোল্লেখ করছিলেন, কারণ আমি তিনি—আমি বরাহশ্রেষ্ঠের নৃত্যগীত, মনের আনন্দে—ভরুকবৎ। এই ছিল। কিন্তু এক্ষণে কালের পরিবর্তে, শেষ অধ্যায়ে, “বভূব”র বিনিময়ে—অশুদ্ধসংশোধন; যেমন প্রায় বাঙ্গালা পুস্তক মাত্রেই; সুদীর্ঘ, সাড়ে পাঁচ গজ, অশুদ্ধের নির্ঘণ্ট—অর্থাৎ, সেই পুরাতন “বভূব”র স্থানে “করোতি” পাঠ করতে হবে। “করোতি”—করিতেছে; পুরুষবুদ্ধি স্বীবুদ্ধিকে পরাজয় করিতেছে। (চারুবাহিনীকে নির্দেশ করিয়া) ঐ দেখ না, এখন আর হ’ টি করবার যো নেই, ভয়ে কাঁপছে! ক্রীতদাসী, ভয় নেই, ভয় নেই, বিলেতে পাঠিয়ে দেব না। তেমন কিছু বেশি বকব টকবও না—আমার দয়ার শরীর।

চারু। (জনাস্তিকে) বীরপুরুষ, মড়ার উপর আর পাঁড়ার যা কেন! আমি ত মরেই আছি!

তর। অনন্ত, ভাই, যে ক্রী প্রণয়ে দামীর ক্রীতদাসী নয়, সে কেবল অর্ধেক ক্রী। ও শূন্য প্রণয়িনীর আকাজ্ঞা, প্রণয়িনীর গলভূষণ।

অন। (চারুবাহিনীর প্রতি জনাস্তিকে) তুমি আমাকে ভাল বাস?

চারু। না!

অন। আমি যদি দাড়াই না বলে দিই!—দাদা, এই এ টা বলছে—

চারু। (ব্যগ্রতার সহিত, জনান্তিকে) হ্যা, হ্যা, ভাল বাসি।

অন। বল, ষাট হয়েছে।

চারু। হ্যা, ষাট হয়েছে।

অন। বল, নাকে ক্ষত দেবে।

চারু। হ্যা, নাকে ক্ষত দেবে, না হাতী করবে!

অন। বলবে না? দাদা——

চারু। হ্যা, হ্যা, নাকে ক্ষত দেব।——আচ্ছা, উনি ষখন না থাকবেন, তখন যদি এর শোধ না নিই!

অন। (আশ্চর্যের ভাবে) শোধ নেবে!

চারু। কেন, তোমাকে ভয় করি না কি?

অন। আমি স্বামী, গুরুলোক, আমাকে ভয় করবে, মান্ত করবে, তা নয়, শোধ—শোধ—নেবে।—দাদা, দেখ, যেটা লিখেছিল——

“কন্যাপোষং পালনীয়া, শিক্ষনীয়াতিব্রতঃ,”

সেটা একটা পাঁচপেয়ে গুরু! লেখাপড়া শিখলে, ঐ “কন্যা”গুল না করে মান্ত, না করে ভয়! কথার উত্তর দেয়। এই দেখ না, সম্মুখে দুই জলন্ত প্রমাণ!

চারু। (নিয়কর্মে) যিনি লিখেছিলেন, তিনি, হয়ত, নিজে স্ত্রীলোক।

ডর। ঠিক বলেছ, চারু। পরাক্রান্ত চিত্রে আর নিজাক্রান্ত চিত্রে অনেক প্রভেদ।

অন। হঁ—“র্যাং যায়, ব্যাং যায়, ধলসে পুঁটী বলে, আমি ও যাই”! দাদার ঐ বেহায়া বোটের দেখাদেখি এই ছেনীটেও আবার তর্ক করতে শিখেছে।

ধীরে। “ছেনী” কি, অনন্ত?

অন। “ছেনা চাকরাণী”র হ্রস্ব, “ছেনী”—সংক্ষিপ্তসার ব্যাকরণ দেখ। ঐ ছেনা চাকরাণী সেজে এসেই ত আমার মাথা ধেরে ছিল!

চারু। বীরচূড়ামণি! যুধে এখন থৈ কোটে!

ডর। তা, হু ভাইই প্রায় সমান বীর!

চাকর । (পূর্ববৎ নিম্নস্বরে) উনি ত আর সর্দিগর্দির বান নি।

দীর্ঘ । হাজার হোক, আমার বোমা । আমার মান রক্ষার ভার তাঁর হাতে ।

অন । হ্যাঃ, আমার, কি, সত্য সত্য সর্দিগর্দির হয়েছিল ? ওটা করেছিলেম কেবল—কেবল—তোমাদের ভয় দেখাবার জন্য ।

ভর । দূরবীক্ষণ পড়ে গিয়েছিল কার হাত থেকে ?

দীর্ঘ । বাঃ, মাধ্যাকর্ষণ শক্তিতে সেটা টেনে নিলে, তা, বুঝি, আমার দোষ !

ভর । আর পা ছুট যে দৌড়িয়ে গেল, সে কি, নাথ, কৈশিকা-কর্ষণে ?

দীর্ঘ । (অনন্তের প্রতি জনান্তিকে) এই বারেই গিয়েছি, চট করে একটা উত্তর বলে দাও !

অন । (জনান্তিকে) দাদা, এক সর্দিগর্দির ধাক্কাতেই মরে আছি, আমাকে আর জ্বালাও কেন, নিজের ভার নিজে বহন কর ।

ভর । আবার বা একটা নূতন ন্যায়ের বস্তু হয় ।

দীর্ঘ । (অনন্তের প্রতি জনান্তিকে) বা হয় একটা বল না সীম্ব করে । মাথাটা খেয়ে ফেললে যে ! (অনন্ত নিস্তব্ধ ।) তোকে লেখাপড়া শিখিয়ে-ছিলেম, ভয়ে যে টেলেছিলেম । বিপদে পড়লে একটা উত্তর বলে দিতে পারে না । বোকাকান্ত !

ভর । চাকর, দেখ ত, ওঁরা ঘুমিয়ে পড়েছেন বা ।

চাকর । ছোট ভাই পালিয়ে গেল, নূতন স্থান, পথ হারিয়ে কোথায় যেতে কোথায় যাবে, রাস্তায় রাস্তায় কেঁদে বেড়াবে, কাজেই উনি তার পেছনে পেছনে দৌড়িয়ে গেলেন ।

দীর্ঘ । আমি বলিছি কি না, আমার বোমা ।

অন । অরে আমার ছেনী রে ! তা, বাই হোক, সম্বাদপত্র চাইতে এসে ত আর আমি ভয়ে কেঁদে ফেলি নি !

চারু। তুমি নিজের মনেই জান, সেটা কেবল তোমাকে সাহস দেবার জন্য করা গিছিল।

তর। (দীরেন্দ্রের প্রতি জনান্তিকে) প্রাণকান্ড, সেই দূরবীক্ষণটা, কিন্তু, আজীবন প্রেমস্নেহবশে রক্ষা করব—ইচ্ছায় হোক, বা অনিচ্ছায় হোক, আমার স্বামীর প্রথম উপহার।

অন। (তরঙ্গিণীকে লক্ষ্য করিয়া) উৎকোচ প্রদান সাতিশয় গহিত কর্ণ, বিশেষতঃ মাননীয় দেবরপসীর সন্নিধানে। (চারুবাহিনীকে হাসিতে দেখিয়া) দাদা, এই শালী টে হাঁসছে।

চারু। আচ্ছা, ভাই, তুমি আমাকে শালী বল কি সম্পর্কে?

অন। (তদনুকরণে) আচ্ছা, ভাই, তুমি আমাকে ভাই বল কি সম্পর্কে? তা, এ সবই শালী—এও শালী, ওও শালী।

তর। আমি শালী হলেম কেমন করে?

অন। শালী নয় ত কি শালাজ?

চারু। বটেই ত পণ্ডিত!

অন। ওঃ, ওটা একটা বলবার ভুল হয়েছিল! তা, ভুল কার না হয়, বল। যাই হোক, বোঁ শালী যে শালী, তা আমি প্রমাণ করে দিচ্ছি। আচ্ছা, এটাকে আমি শালী বলতে পারি?

তর। চারুকে তুমি বা ইচ্ছা বলতে পার। মন যায়, ভগ্নী বলতে পার!

অন। আচ্ছা, এ হল শালী। প্রমাণ। তুমি একে বরাবর ভগ্নীর মত ভাল বেমেছ? স্নেহে তুমি ওর ভগ্নী? শালীর ভগ্নী কি, শালা? সপ্রমাণ। এটা ছেনী শালী, আর তুমি যথার্থবদ্ধ শালী। যথার্থবদ্ধ, যথার্থবদ্ধ করে আলিয়ে ছিলে যে, তা আমি ভুলে গিয়েছি মনে করেছ? ভবী ভোলবার নয়। এই ছেনী শালী, আর ঐ যথার্থবদ্ধ শালী।

তর। (অনন্তের নিকটে আসিয়া) আমি শালী?

অন। তর দেখাতে চাও না কি? হাঁঃ, দাদাকেই তর করি নে, তা ছুমি ত ছুমি!

তর। আমি শালী ?

অন। শালী, শালী, শালী। কেমন হয়েছে ?

তর। আচ্ছা, ভাই। (অনন্তের কর্ণমলন।) কেমন হয়েছে ?

অন। (কর্ণে হাত বুলাইয়া) উ-হ-হ-হ। দেখলে, দেখ! পৃথিবীতে কৃতজ্ঞতা নেই। দাদা বে করতে চায় নি বলে শালী (ভগ্নীপূর্বক) হুঁপিয়ে হুঁপিয়ে কাঁদছিল, আমি দাদাকে ছেনাবড়া বাইয়ে, ঘুড়ি উড়ুতে দিয়ে, কত রকমে, সাধ্য সাধনা করে, লওয়ালেম, আর শালী, কি না, এখন আমার কাণ মলে দেয়? দেখ দেখি, দশ জন ভদ্র লোকে অবিচার। এতে রাগ হতে পারে-এ-এ কি না? আমার রক্ত মাংসের শরীর বই ত নয় ?

ধীরে। দাও ত, ও কাণটাও মিলে দাও ত।

অন। (সবিবাদাহ্বযোগে) দাদা, এর মধ্যে স্ত্রীর বশ! একেবারে গোল্লায় গিয়েছ ?

ধীরে। বোমা, আমি পাশ ফিরে দাঁড়াচ্ছি, তুমি ওর দু ট কাণ একে-বারে এক সঙ্গে মলে দাও ত। (স্বল্প পার্শ্ববর্ত্ত।)

চাক্র। কি করি, ভাই, বল, ভাণ্ডরের আজ্ঞা ত ফেলতে পারি নি। (অনন্তের দুই কর্ণ মলন।)

তর। তা, নাকটা বাকী থাকে কেন ? (অনন্তের নাসিকা মলন।)

অন। (অবাক ভাবে তরঙ্গিণী ও চাক্রবাহিনীর প্রতি দৃষ্টি ও তদন্তে) এই দোকানে কাণমলা ও নাকমলা অতি সম্ভায় বিক্রয় হয়——বিনা-মূল্যে! যদি কাহারও বাইবার ইচ্ছা থাকে, তিনি অহুঃ করিয়া এই খানে আছেন।

কল্যাণীর প্রবেশ।

কল্যা। কি গো ছোট বাবু, হয়েছে কি ?

ধীরে। হবে আবার কি, কেবল ভায়ার কীর্তি !

অন। কেবল

দাদা ও আমি।

কল্যা। বটে !

শব্দ, “ত্ৰি” প্রভৃতি সহ কতিপয় দাসী ও প্রতিবাসিনীর
প্রবেশ ।

গীত ।

যোগীয়া, কান্দীরী খেমটা ।

“দাদা ও আমি”র দেখলেন খেলা ।

তারানক্সের গো কতই মেলা ।

নটীর নামে বড়ই মুখতোলা ।

হেরলে ভদ্রবালা, পটলতোলা ॥

অস্তুরে জ্বলে যে নবপ্রেমজ্বালা ।

নিবাহিবে কুসুম, বরণ ডালা ॥

(মালাদান, প্রদক্ষিণ ইত্যাদি ।)

ঘটকী-বিদায় তবে এই বেলা ।

চাই আমি ভয়ে প্রশংসার পেলা ॥

সমাপ্ত ।



